



Ձեռագ Մեր Հանապազորդ

ԱՊՐԻԼ | ՄԱՅԻՍ | ՅՈՒՆԻՍ 2024

(April | May | June 2024)

ԼԵ. ՏԱՐԻ
Բ. ԵՌԱՄՍԵԱՅ

Անձնական եւ Ընտանեկան
Ամենօրեայ Աստուածաշունչի Ընթերցումներ
եւ Հոգեւոր Խորհրդածութիւններ

Մեր խորին շնորհակալութիւնները կը յայտնենք
Our Daily Bread Ընկերակցութեան որուն
թոյլատուութեամբ *Our Daily Bread* գրքոյկէն
թարգմանուած են յաջորդ Էջերու
խորհրդածութիւնները

Ամերիկայի Հայ Աւետարանչական Ընկերակցութիւն
Armenian Missionary Association of America
31 West Century Road
Paramus, New Jersey 07652
U.S.A.

Չլքե՛նք մեր հաւաքոյթները, ինչպէս ոմանց սովորութիւնն է.
հապա յորդորե՛նք զիրար: [Եբ. 10. 25]

ՄԻԱՍԻՆ ՅԱՆԴԻՊՈՒՄ՝ ՅԻՍՈՒՍՈՎ

Կեանքի դժուարին պարագաներուն պատճառով՝ երբ անցուցի զզացական եւ հոգեւոր ցաւի ու պայքարի երկար ժամանակ մը, ինծի համար դիւրին պիտի ըլլար հեռանալ եկեղեցիէն: Ու երբեմն ալ մտածեցի՝ ինչո՞ւ անհանգստանալ: Բայց պարտաւորուած զզացի շարունակել՝ յաճախել եկեղեցի ամէն Կիրակի:

Թէեւ երկար տարիներ շարունակ վիճակս մնաց նոյնը, ուրիշ հաւատեացեալներու հետ հաւաքուելով. պաշտամունքի, աղօթքի ժողովներու եւ Աստուածաշունչի սերտողութեան մասնակցիլը, համբերելու եւ յոյս ունենալու՝ քաջալերանքը տուին: Եւ յաճախ ես ո՛չ միայն լսեցի ոգեւորիչ պատգամ կամ ուսուցում, այլ ստացայ՝ մխիթարութիւն, լսող ականջ կամ գրկախառնում, որոնք պէտք ունէի ստանալու ուրիշներէն:

Եբրայեցիներու նամակին հեղինակը գրեց. «Չլքե՛նք մեր հաւաքոյթները, ինչպէս ոմանց սովորութիւնն է. հապա յորդորե՛նք զիրար» (Եբ. 10. 25): Այս հեղինակը գիտէր, թէ երբ մենք դիմագրաւենք նեղութիւններ եւ դժուարութիւններ, կարիքը պիտի ունենանք ուրիշներու հաւաստիացումին, եւ ուրիշներ ալ՝ մեր: Այսպէս՝ այս հեղինակը յիշեցուց ընթերցողներուն. «Ամուր բռնել մեր յոյսին դաւանութիւնը» եւ նկատի առնել «ուշադիր ըլլալ զիրար հրահրելու սիրոյ եւ բարի գործերու» (Հմ. 23-24): Սա՛ խրախուսանքի մեծ մասն է: Ահա՛ թէ ինչո՞ւ Աստուած կ'առաջնորդէ մեզ շարունակել միասին հանդիպելու: Կրնայ մէկը քու սիրոյ խրախուսանքին կարիքը ունենայ եւ դո՛ւն կրնաս զարմանալ անոր դիմաց քու ստացածէդ

Աղօթք - Սիրող Աստուած, օգնե՛ ինծի չիրաժարիլ միասին հանդիպելէ, ա՛յլ միասին զգալ Քու խաղաղութիւննդ ու սերդ: Ամեն:
Եթէ քաջալերանք զզացիր պաշտամունքի, աղօթքի կամ սերտողութեան պահէ մը ետք, քաջալերե՛՛ ու խրախուսե՛՛ անոնք, որոնք աջակցութեան եւ վստահութեան պէտքը ունին:

Հնձուած խոտի վրայ իջած անձրեւի պէս պիտի իջնէ,
տարափներու պէս՝ որոնք գետինը կը կակուղցնեն: [Սաղմ. 72. 6]

ՍԱՂՄՈՍ 72 ԱՌԱՋՆՈՐԴՆԵՐ

2022 Յուլիսին, Բրիտանիոյ վարչապետը՝ ստիպուած էր հրաժարելու, երբ շատեր խորհեցան թէ արդարադատութեան թերացումներ կային (նորանշանակ վարչապետը՝ քանի մը ամիսներ ետք՝ հրաժարեցա՛լ): Դէպքը սկսաւ երբ երկրի առողջապահութեան նախարարը ներկայ եղաւ տարեկան խորհրդարանական աղօթքի նախաճաշին, զգաց դատապարտուած՝ հասարակական կեանքի մէջ արդարադատ ըլլալու անհրաժեշտութեան եւ հրաժարեցաւ: Երբ միւս նախարարները՝ նոյնպէս հրաժարական ներկայացուցին, վարչապետը հասկեցաւ որ պէտք է հրաժարի: Յատկանշական պահեր էին, սկիզբ առած խաղաղ աղօթքի ժողովի մը ատեն:

Յիսուսի հաւատացողները կանչուած են աղօթելու իրենց քաղաքական առաջնորդներուն համար (Ա. Տիմ. 2. 1-2), եւ Սաղմոս 72-ը՝ լաւ ուղեցոյց մըն է այդ բանը ընելու: Այդ ուղեցոյցը կը նկարագրէ իտէալ ու տիպար առաջնորդը՝ որպէս արդարութեան եւ ուղղամտութեան տէր անձնաւորութիւն (Հմ. 1-2), որ կը պաշտպանէ խոցելիները (Հմ. 4), կը ծառայէ դժբախտներուն (Հմ. 12-13) կը դիմադրէ՝ հարստահարութեան եւ բռնութեան (Հմ. 14): Անոնց պաշտօնավարութեան ժամանակը այնքան թարմացնող է, որ նման է «տարափներու, որոնք գետինը կը կակուղցնեն» (Հմ. 6), երկրին յորդառատութիւն բերելով (Հմ. 3, 7, 16): Մի՛նչ միայն Մեսիան կրնայ լիովին կատարել այդպիսի դեր մը (Հմ. 11), առաջնորդութեան աւելի լաւ ի՞նչ չափանիշի վրայ կարելի է միտումնաւորուիլ:

փնտռենք «Սաղմոս 72-ի առաջնորդներ» մեր ազգերուն համար եւ օգնենք անոնց՝ աղօթելով որ անոնք մարմնաւորեն այս Սաղմոսին մէջ նշուած յատկութիւնները:

Աղօթք - Հայր, կը խնդրեմ, զօրացուր մեր ղեկավարները՝ ըլլալու արդարութեան, արդարադատութեան եւ բարութեան մարդեր: Ամէն:

Ի՞նչ յատկանիշներ կը փնտռենք մեր առաջնորդներուն մէջ:
Ինչպե՞ս կրնանք աւելի յաճախ աղօթել՝ մեր տեղական եւ ազգային առաջնորդներուն համար:

Դռնապանը կը բանայ անոր, եւ ոչխարները կը լսեն անոր ձայնը: [Յովհ. 10. 3]

ԿԸ ԼՍԵՄ ՔԵՉ, ԱՍՏՈՒԱԾ

Մանուկ Կրահամ (Graham) շփոթած ցնցուեցաւ, երբ մայրը գրկած էր զինք՝ մինչ բժիշկները կը դնէին ականջին մէջ անոր առաջին լսողական գործիքը: Բժիշկը գործիքը միացնելէ անմիջապէս վերջ, Կրահամ դադրեցուց իր լացը, աչքեր լայն բացաւ ու ժպտեցաւ: Ան կը լսէր մօր ձայնը, որ հանգստացնելով կը քաջալերէր զինք ու կը կանչէր իր անունը:

Կրահամ լսեց իր մօր խօսակցութիւնը, բայց իրեն պէտք էր օգնութիւն՝ սորվելու թէ ինչպէ՞ս կարելի է ճանչնալ անոր ձայնը եւ հասկնալ անոր ըսած խօսքերուն իմաստը: Յիսուս կը հրաւիրէ մարդոց՝ սորվելու նման գործընթաց մը: Երբ մենք կ'ընդունինք Քրիստոսը որպէս մեր Փրկիչը, մենք կը դառնանք այն ոչխարները, որոնց մօտէն կը ճանչնայ եւ կ'առաջնորդէ զանոնք անձամբ (Յովհ. 10. 3): Մենք կրնանք աճիլ իրեն վստահելու եւ հնազանդելու մէջ, երբ կը սորվինք լսել ու ճանչնալ իր ձայնը (Հմ. 4):

Հին Կտակարանին մէջ Աստուած խօսեցաւ մարգարէներուն միջոցով: Նոր Կտակարանին մէջ՝ Յիսուս՝ մարդեղացած Աստուածը, ուղղակի խօսեցաւ մարդոց հետ: Այսօր Յիսուսի հաւատացողներուն հասանելի է Սուրբ Հոգիին զօրութիւնը, որ կ'օգնէ հասկնալու եւ հնազանդելու Աստուծոյ խօսքերուն, որոնք ինք ներշնչած ու պահպանած է Սուրբ Գիրքին մէջ: Մենք կրնանք ուղղակիօրէն Յիսուսի հետ հաղորդակցիլ մեր աղօթքներուն միջոցով, երբ Ան կը խօսի մեզի հետ Աստուածաշունչին եւ իր ժողովուրդին միջոցով: Երբ մենք կը ճանչնանք Աստուծոյ ձայնը, որ միշտ համապատասխան է Սուրբ Գիրքին մէջ եղած իր խօսքերուն, մենք կրնանք երախտագիտութեամբ գովաբանել. «Կը լսեմ Քեզ, Աստուած»:

Աղօթք - Աստուած, կը լսեմ քեզ: Կը խնդրեմ՝ օգնէ՛ ինձի ստանալու եւ բաժնեկցելու ճշմարտութիւնն ու սէրը, որ Դո՛ւն կը բացայայտես ինձի՝ երբ կարդամ Աստուածաշունչը: Ամէն:
Աստուած կը խօսի մեզի իր խօսքին միջոցով ու կը բացայայտէ իր ո՛վ ըլլալը: Մեզի կը մնայ իր իմաստութեան մասին խօսիլ անոնց, որոնք այսօր միսիթարութեան եւ քաջալերանքի պէտք ունին:

Իրեն հետ պիտի ըլլամ տազնապի մէջ: [Սաղմ. 91. 15]

ԱՍՏՈՒԾՈՅ ԲԱԶՈՒԿՆԵՐՈՒՆ ՄԷՁ

Ա կռայ ծակող գործիքին ձայնը՝ սարսափեցուց հինգ տարեկան Սառան (Sarah): Ան վեր ցատկեց ատամնաբուժի ակթոռէն եւ մերժեց դարձեալ նստիլ: Ատամնաբուժը հասկնալով վիճակը, գլուխով նշան ըրաւ՝ եւ ըսաւ հօր. «Հայրի՛կ, նստիր ակթոռին վրայ»: Ծէյսըն՝ (Jason) խորհեցաւ թէ ցոյց պիտի տայ իր գուստրին, թէ որքա՛ն պարզ է: Բայց յետոյ՝ ատամնաբուժը դարձաւ փոքրիկ աղջիկին եւ ըսաւ. «Հիմա՛ բարձրացիր ու նստիր հայրիկին գիրկը»: Հիմա՛ հայրիկը երբ գրկած էր գինք իր հանգստացնող բազուկներուն մէջ, Սառան լիովին հանգստացաւ եւ ատամնաբուժը կրցաւ շարունակել իր գործը:

Այդ օր, Ծէյսըն՝ մե՛ծ դաս մը սորվեցաւ՝ Իր Երկնաւոր Հօր մխիթարող ներկայութեան մասին: Ան ըսաւ. «Երբեմն՝ Աստուած չ՛ուզեր ղեկը ստանձնել երբ բանի մը մէջէն անցնելու ըլլանք: Բայց Աստուած ինձի ցոյց կու տար թէ՛ Ես այստեղ պիտի ըլլամ քեզի հետ»:

Սաղմոս 91-ը՝ կը խօսի Աստուծոյ մխիթարական ներկայութեան եւ զօրութեան մասին, որ մեզի ուժ կու տայ դիմագրաւելու մեր փորձութիւնները: Իմանալ, որ մենք կրնանք հանգստանալ Անոր բազուկներուն մէջ, մեզի մեծ վստահութիւն կու տայ, ինչպէս Անոր խոստումը անոնց, որոնք կը սիրեն գինք. «Ինձի պիտի գոչէ եւ իրեն պատասխան պիտի տամ. իրեն հետ պիտի ըլլամ տազնապի մէջ» (Հմ. 15):

Կեանքի մէջ կան բազմաթիւ անխուսափելի մարտահրաւէրներ եւ փորձութիւններ, ու մենք անխուսափելիօրէն ստիպուած պիտի ըլլանք անցնիլ ցաւի եւ տառապանքի մէջէն: Բայց եթէ Աստուծոյ յուսադրող բազուկները փաթթուած ըլլան մեզի, մենք կրնանք կրել մեր ծանր ճգնաժամերը եւ պարագաները եւ թոյլ կու տանք, որ Ան ամրապնդէ մեր հաւատքը, մինչ մենք կ'աճինք անոնց միջոցով:

Աղօթք - Շնորհքի Յայր, շնորհակալ եմ Ձու յուսադրող ներկայութեանդ համար իմ վիճակներուս մէջ: Կը խնդրե՛մ, օգնե՛ր ինձի որ անոնց միջոցով հասկնամ՝ որ Դուս միշտ ինձի հետ ես: Ամեն:

Փորձութիւններու մէջէն անցնիլը անխուսափելի է, սակայն կարելի է մենք մեզի յիշեցնել՝ որ Աստուած միշտ մեզի հետ է:



Մարդուն մտքին մէջ յաւիտենականութեան
մտածումը դրաւ: [Ժող. 3. 11]

ԱՍՏՈՒԾՈՅ ԱՅԺՄՈՒ ԵՒ ՅԱԻԻՏԵՆԱԿԱՆ ՆԵՐԿԱՅՈՒԹԻՒՆԸ

Մօնիք (Monique) կը պայքարէր: Ան ունէր ընկերներ, որոնք կը հաւատային Յիսուսի եւ ան կը յարգէր՝ թէ ինչպէս անոնք կը վարուին կեանքի դժուարութիւններուն մէջ: Ան նոյնիսկ քիչ մըն ալ կը նախանձէր անոնց: Բայց Մօնիք չէր մտածեր, որ կրնայ ապրիլ այնպէս, ինչպէս անոնք կ'ապրէին: Ան կը կարծէր, որ Քրիստոսի հանդէպ հաւատք ուենալը կանոններու հետեւիլ է: Վերջապէս, գոլէճի ուսանող մը օգնեց իրեն տեսնելու, որ Աստուած չէր ցանկար բճացնել իր կեանքը. փոխարէնը, Ան կը ցանկար լաւագոյնը իրեն համար իր վերելքներուն եւ վայրէջքներուն մէջ: Այս բանը հասկնալէ ետք, Մօնիք պատրաստ էր վստահելու Տէր Յիսուսի, որպէս իր Փրկիչը եւ ընդունելու իր հանդէպ Աստուծոյ սիրոյ մասին հոյակապ ճշմարտութիւնը:

Սողոմոն թագաւոր՝ կրնար Մօնիքին նման խորհուրդ տալ: Ան ընդունեց որ այս աշխարհը ունի իսկապէս իր վիշտերը: Իսկութեան մէջ կայ՝ «ամէն ինչի ատենը» (Ժող. 3. 1), «հեծեծելու ժամանակ եւ ցատկոտելու ժամանակ» (Հմ. 4): Բայց կայ աւելին: Աստուած «մարդուն մտքին մէջ յաւիտենականութեան մտածումը դրած է» (Հմ. 11): Յաւիտենականութիւնը, որ նախատեսուած է Անոր ներկայութեան մէջ ապրելու:

Մօնիք ձեռք բերաւ «լիարժէք» կեանք, ինչպէս Յիսուս ըսաւ (Յովհ. 10. 10), երբ Անոր վստահեցաւ: Բայց ան շատ աւելին շահեցաւ: Հաւատքի միջոցով ան ունեցաւ յաւիտենականութիւնը իր սրտին մէջ (Ժող. 3.11), որպէս խոստում ապագայի համար՝ երբ կեանքի դժուարութիւնները պիտի մոռցուին (Ես. 65. 17) եւ Աստուծոյ փառաւոր ներկայութիւնը յաւիտենական իրականութիւն պիտի ըլլայ:

Աղօթք - Սիրելի Յիսուս, Կեանքը թաւալող գնացք մըն է: Շնորհակալ եմ՝ որ այս կեանքը արժեքաւոր ըրիր եւ արժէ ճիգ: Շնորհակալ եմ յաւիտենական ուրախութիւններուն համար, որոնք կը սպասեն: Ամէն: **Զգացա՛ծ ես՝ Յիսուսի առաջարկած լիարժէք կեանքը: Որո՞նք են իր մէջ քու ունեցած կեանքիդ որոշ բաները, որոնց համար դուն շնորհակալ ես:**

Հագե՛ք Նոր մարդը, որ ստեղծուած է
Աստուծոյ պատկերին համաձայն: [Եփ. 4. 24]

ՄԵՐ ՆՈՐ ԲՆՈՅԹԸ՝ ՔՐԻՍՏՈՍԻ ՄԷՁ

Մեր կապոյտ եղեւին՝ խոզակներ ու ասեղներ կը թափէր: Ծառի բոխչկը՝ հայեացք մը նետեց անոր եւ բացատրեց խնդիրը եւ ըսաւ. «Պարզապէ՛ս եղեւին է»: Ես աւելի լաւ բացատրութիւն մը լսելու յոյսը ունէի: Կամ ալ դարման մը: Բայց ծառի մարդը ուսերը թօթուելով դարձեալ ըսաւ. «Ա՛յդ՝ ուղղակի եղեւին է»: Իր բնոյթին մէջ է՝ ասեղներ թափելը եւ կարելի չէ փոխել:

Բարեբախտաբար, մեր հոգեւոր կեանքը սահմանափակուած չէ՛ միայն անփոփոխ գործողութիւններով եւ վերաբերմունքներով: Պօղոս առաքեալ շեշտեց այս ազատագրող ճշմարտութիւնը՝ Եփեսոսի նոր հաւատացեալներուն: Հեթանոսներուն «միտքը խաւարած է» ըսաւ ան, անոնք ուժացած են Աստուծոյ կեանքին: Անոնք ունին կարծրացած սիրտեր, որոնք կը պարունակեն «ամէն տեսակի անմաքրութիւն» եւ կը փնտռեն միայն հաճոյքներ եւ ազահուութիւն» (Եփ. 4. 18-19):

Բայց առաքեալը կը գրէ, «քանի որ դուք այսպէս չսորվեցաք Քրիստոսը» եւ Անոր ճշմարտութեան մասին, ուստի «թօթափեցէք ձեր նախկին վարքին վերաբերող հին մարդը» (Հմ. 22): Պօղոս նշեց, թէ ինչպէս է մեր հին բնոյթը որ «ապականուած է խաբեբայ ցանկութիւններով»: Ան ըսաւ. «Նորոգուիք ձեր մտքին հոգիով, ու հագնիք նոր մարդը, որ ստեղծուած է արդարութեամբ եւ ճշմարիտ սրբութեամբ Աստուծոյ պատկերին համաձայն» (Հմ. 22-24):

Ապա՛ ան կը թուարկէ՝ ապրելու նոր ուղիներ: Դադրիլ՝ ստելէ: Դիմադրել՝ զայրոյթ: Դադրիլ հայհոյելէ: Հրաժարիլ գողութենէ: Անոր փոխարէն «թող աշխատի՛ իր ձեռքերով գործելով ինչ որ բարի է, որպէսզի բան մը ունեայ տալու կարօտեալին» (Հմ. 28): Մեր նոր անձը Քրիստոսով թոյլ կու տայ մեզի ապրիլ կեանքով մը, որ արժանի է մեր կոչումին, ենթարկուելով մեր Փրկիչին ցոյց տուած ուղիին:

Աղօթք - Սիրելի Յիսուս, նորոգէ մեր բնոյթը այսօր, մինչ կը փորձենք աւելի նմանիլ Զեզի: Ամէն:
Ի՞նչ կը նշանակէ քեզի համար հագնիլ նոր բնոյթը եւ ինչպէ՞ս կարելի է ձգտումը ունենալ՝ քալելու Յիսուսի ճանապարհով:

Շնորհակա՛լ եղեք Տերոջմով, որովհետև բարի է, որովհետև անոր կարեկցութիւնը յաւիտենական է: [Սաղմ. 107. 1]

ՅԻՆՏ ԼԱՒ ԲԱՆԵՐ

Լստ հետազօտութեան՝ մարդիկ, որոնք միտումնաւոր կերպով երախտապարտ են իրենց ունեցածին համար, կը նշեն որ աւելի լաւ կը քնանան, աւելի քի՛չ են հիւանդութեան ախտանիշերը եւ աւելի շատ երջանիկ են: Հոգեբանները նոյնիսկ կ'առաջարկեն, «երախտագիտութեան օրագիր» մը պահելու մեր բարեկեցութիւնը բարելաւելու համար՝ ամէն շաբաթ գրելով հինգ բաներ, որոնց համար երախտապարտ ենք:

Աստուածաշունչը՝ երկար ժամանակ մղած է երախտագիտութեան սովորութիւնը: Սկսած ճաշէն եւ ամուսնութենէն (Ա. Տիմ. 4. 3-5) մինչեւ արարչագործութեան գեղեցկութիւնը (Սաղմ. 104), Սուրբ Գիրքը կոչ ըրած է մեզի՝ տեսնելու նման բաներ, որպէս պարգեւներ եւ շնորհակալութիւն յայտնելու Տուողին՝ անոնց համար: Սաղմոս 107-ին մէջ թուարկուած են հինգ բաներ, որոնց համար Իսրայէլը կրնար յատկապէս երախտապարտ ըլլալ. անպատէն ազատուիլը (Հմ. 4-9), գերութենէն ազատուիլը (Հմ 10-16), հիւանդութիւններէն բուժուիլը (Հմ. 18-22), անվտանգ ծովուն վրայ նաւարկելը (Հմ. 23-32) եւ անոնց ծաղկումը ամայի երկրին մէջ (Հմ. 33-42): Սաղմոսերգուն կը կրկնէ. «Թող շնորհակալ ըլլան», որովհետեւ այս բոլորը Աստուծոյ «կարեկցութեան» նշաններն են (Հմ. 8, 15, 21, 31):

Զեռքիդ տակ նօթատետր մը ունի՞ս: Ինչո՞ւ չգրել հինգ լաւ բաներ, որոնց համար այժմ շնորհակալ ես: Այդ կրնայ ըլլալ՝ այն ընթրիքը, որ դուն հիմա վայելեցիր, քու ամուսնութիւնդ, կամ Իսրայէլի նման՝ Աստուծոյ փրկարար կէտերը քու կեանքիդ մէջ՝ մինչեւ այսօր: Շնորհակալ եղիր դուրսը երգող թռչուններուն համար, խոհանոցիդ անուշ հոտերուն համար, աթոռիդ հանգստաւետութեան համար, սիրելիներուդ մրմունջներուն համար:

Աղօթք - Յայր Աստուա՛ծ, երախտապարտ եմ ամեն լաւ բանի համար, որ Դուն բերած ես կեանքիս մէջ: Եւ ամենէն աւելի՝ շնորհակալ եմ Զեզի համար: Ամեն:

Աստուածաշունչը՝ յաճախ մեզի կը յուշէ եւ կոչ կ'ընէ շնորհակալ ըլլալու: Ո՞ր հինգ լաւ բաներու համար կ'ուզես շնորհակալ ըլլալ այսօր:

Արդարներուն յաջողութեամբ՝ քաղաքը կը հրճուի: [Առ. 11. 10]

ՀՐԾՈՒԱՆՔ ՔԱՂԱՔԻՆ ՄԷՋ

Երբ Ֆրանսա եւ Արժանթին հանդիպեցան 2022 թուականի Ֆուտբոլի Աշխարհի Ախոյեանութեան եզրափակիչ խաղին համար, անհաւանական մրցում մըն էր, որը շատեր անուանեցին «Աշխարհի Ախոյեանութեան պատմութեան մէջ՝ մեծագոյն խաղը»: Երբ խաղը լրացաւ, յաւելեալ ժամանակ աւելցնելէ ետք՝ արդիւնքը 3-3 էր եւ խումբերը պէտք էր տասնմէկ մեթրէն հարուածներ ընէին: Արժանթին յաղթական կօլը հարուածելէ ետք, ժողովուրդը բուռն խանդավարուեցաւ: Աւելի քան մէկ միլիոն Արժանթինցիներ խուրներամ հեղեղուած էին Պոյնէս Այրէսի (Buenos Aires) քաղաքի կեդրոնը: Անօթաչու թռչող սարքով առնուած նկարները, տարածուեցան ընկերային համացանցերուն վրայ՝ ցուցադրելով այս աղմկոտ եւ ուրախ տեսարանը: BBC-ի տեղեկատուութիւններէն մէկը՝ նկարագրեց թէ ինչպէ՞ս քաղաքը ցնցուեցաւ «ուրախութեան պայթումով»:

Ուրախութիւնը միշտ հիանալի պարզեւ մըն է: Առակաները, սակայն, կը նկարագրեն թէ ինչպէ՞ս քաղաք մը, ժողովուրդ մը կրնան ուրախութեան փորձառութիւնը ունենալ, որ աւելի խոր է եւ շատ աւելի երկար կը տեւէ: Առականը կ'ըսէ. «Արդարներուն յաջողութեամբ՝ քաղաքը կը հրճուի» (11. 10): Երբ անոնք, որոնք իսկապէս կ'ապրին՝ մարդկութեան համար Աստուծոյ ունեցած ծրագիրով, կը սկսին ազդել իրենց շուրջը եզոզ ժողովուրդին վրայ, ապա այս՝ նորութիւնը ցոյց կու տայ, քանի որ այդ կը նշանակէ, որ Աստուծոյ արդարութիւնը կը տիրէ: Ազահութիւնը կը նուազի: Աղքատները աջակցութիւն կը գտնեն: Ընչուածները կը պաշտպանուին: Ամէն անգամ, երբ Աստուծոյ համաձայն ճիշդ ապրելակերպը կը ծաղկի, այդ պարագային՝ քաղաքին մէջ հրճուանք եւ «օրհնութիւն» կ'ըլլայ (Հմ. 11):

Աստուած կը հրաւիրէ մեզ ըլլալու՝ աշխարհը բուժելու իր աշխատանքին մէկ մասը եւ հրճուանք բերելու քաղաքին:

Աղօթք - Սիրելի Աստուած, կը խնդրեմ՝ օգնէ ինծի միակալու Զեզի, հրճուանք պատճառելու ուրիշներուն: Ամէն:

Եթէ կը տեսնես քաղաքին մէջ ուրախութեան անհրաժեշտութիւնը, ինչպէ՞ս կրնաս այդտեղ բերել Աստուծոյ ուրախութիւնը:

Ուրեմն թօթաբե՛նք խաւարին գործերը, ու
հազկի՛նք լոյսին գրահը: [Յոճմ. 13. 12]

ՔՐԻՍՏՈՍԸ ՀԱԳԱԾ

Այնքան՝ ոգեւորուած էի, երբ առաջին անգամ դրի նոր
աւանդներս, բայց ընդամէնը քանի մը ժամ անց ուզեցի
զանոնք հանել ու նետել: Աչքերս կը ցաւէին եւ գլուխս կը
դառնար՝ նոր թիւերուն պատճառով: Ականջներս կը ցաւէին
անծանօթ շրջանակէն: Յաջորդ օրը, հառաչեցի՝ երբ յիշեցէ
թէ, պէտք էր զանոնք դնէի: Սակայն ստիպուած եմ գործածել
զանոնք ամէն օր, որպէսզի մարմինս յարմարի: Քանի մը
շաբաթներ տեւեց, բայց անկէ յետոյ՝ ես գրեթէ չնկատեցի, որ
զանոնք դրած էի աչքերուս:

Որեւէ բան դնելը՝ կը պահանջէ ճշդում, բայց ժամանակի
ընթացքին՝ մենք կաճինք անոր մէջ եւ այդ մեզի աւելի կը
յարմարի: Մենք նոյնիսկ կրնանք տեսնել այնպիսի բաներ,
որոնք նախապէս չէինք տեսած: Հռոմայեցիներու 13-րդ
գլուխին մէջ, Պօղոս առաքեալ հրահանգեց Քրիստոսի
հետեւողներուն հազնիլ «լոյսին գրահը» (հմ. 12) եւ վարուիլ
ճիշդ պարելակերպով: Անոնք արդէն հաւատացած էին Յիսուսի,
բայց կարծես «նիրհած» էին եւ աւելի իքնագոհ դարձած. պէտք
ունէին «արթննալու», գործելու, վարվելու արժանապատիւ
եւ հրաժարէին իրենց բոլոր մեղքերէն (հմ. 11-12): Պօղոս
խրախուսեց անոնց՝ հազնելու Յիսուսը եւ աւելի նմանելու
Անոր՝ իրենց մտքերով եւ գործերով (հմ. 14):

Մենք չենք սկսիր արտացոլացնել Տէր Յիսուսի սիրառատ,
մեղմ, բարի, շնորհքով եւ հաւատարիմ ուղիները՝ մէկ գիշերուան
մէջ: Ամէն օր «լոյսի գրահը հազնիլը» ընտրելու գործընթաց է,
նոյնիսկ երբ մենք չենք ուզեր, որովհետեւ այդ անյարմար է:
Ժամանակի ընթացքին՝ Ան կը փոխէ մեզ դէպի լաւը:

Աղօթք - Տէր Յիսուս, շնորհակալ եմ քեզի, որ Դո՛ւն զիս կը
փոխես՝ օրէ օր: Ամէն:

**Ի՞նչ կը նշանակէ քեզի՝ Յիսուսը հազնիլ: Ինչպե՞ս Քրիստոսի
նման ըլլալ կիրառելը ժամանակի ընթացքին՝ աւելի
յարմարաւետ կը դառնայ:**

Բեզի պիտի տամ ժողովուրդին՝ իբր ուխտ, ...
որպեսզի կոյրերուն աչքերը բանաս: [Ես. 42. 6-7]

ՏԵՍՆԵԼՈՒ ԱՉՔԵՐ

ԺընէԼԵԼ (*Genevieve*) պէտք էր ըլլար աչքեր՝ իր երեք երեխաներուն համար, որոնցմէ իւրաքանչիւրը ծնած էր բնածին ականքողով (*cataract*): Ամէն անգամ, երբ անոնց կը տանէր Արեւմտեան Ափրիկէի՝ Պէնին (*Benin*) Հանրապետութեան մէջ եղող իրենց գիւղը, ան կը կապէր փոքրիկ երեխան իր մէջքին եւ կը բռնէր երկու մեծերուն ձեռքը, միշտ ուշադիր ըլլալով վտանգին: Մշակոյթի մը մէջ՝ ուր կ'ենթադրուէր, որ կուրուիւնը եղած է կախարդութեամբ, ժընէԼԵԼ յուսահատ աղաղակեց Աստուծոյ՝ օգնութեան համար:

Ապա՝ իր գիւղէն մարդ մը պատմեց իրեն «Գթասրտութեան Նաւերու» ծառայութեան մասին, որ կարեւոր վիրահատութիւններ կ'իրականացնեն՝ յարգելու համար Յիսուսի՝ աղքատներուն յոյս բերելու եւ բժշկելու օրինակը: Անորոջ, թէ արդեօ՞ք անոնք կրնան օգնել, ան մօտեցաւ անոնց: Երբ երեխաները արթնցան իրենց վիրահատութենէն ետք, անոնք կը տեսնէին:

Աստուծոյ պատմութիւնը միշտ ալ եղած է՝ խաւարի մէջ պատուածներուն կողքին գալու եւ իր լոյսը բերելու մասին: Եսայի մարգարէն յայտարարեց, որ Աստուած կ'ըլլայ «Հեթանոսներուն լոյսը» (Ես. 42. 6): Ան «կը բանայ կոյր աչքերը» (Հմ. 7)՝ վերականգնելով՝ ո՛չ միայն Ֆիզիքական տեսողութիւնը, այլեւ՝ հոգեւոր տեսողութիւնը: Ան խոստացաւ «բռնել» իր ժողովուրդին ձեռքէն (Հմ. 6): Ան վերականգնեց տեսողութիւնը կոյրերուն եւ լոյս բերաւ խաւարին մէջ ապրողներուն:

Եթէ դուն կը զգաս, որ խաւարէն յաղթահարուած ես, կառչի՛ր յոյսին, մինչ կ'ընդունիս մեր սիրառատ Հօր խոստումները՝ միաժամանակ խնդրելով, որ Անոր լոյսը լուսաւորէ:

Աղօթք - Երկնաւոր Հայր, Դուն կը ցանկաս, որ ո՛չ մէկը ապրի խաւարի մէջ: Տո՛ւր սերդ անոնց, որոնք ինչ որ կերպ՝ կուրցած են, որպեսզի տեսնեն: Ամեն:

Ինչպէ՞ս Աստուած բացած է քու աչքերդ՝ ֆիզիքապէս եւ հոգեպէս: Ինչպէ՞ս Ան կը հեռացնէ կուրութիւնը, որ դուն կրնաս ունենալ:

Արօտները հօտերով կը ծածկուին, եւ հովիտները՝ ցորենով:
Անսըք ցնծութեամբ կը գոռան ու կ'երգեն: [Սաղմ. 65. 13]

ԵՐԳՈՂ ՄԱՐԳԱԳԵՏԻՆՆԵՐԸ

Յաճախ սիրալիր կը կատակեմ կեսուրիս հետ՝ շուներու հետ իր խօսելու կարողութեան մասին: Ան կը պատասխանէ անոնց հաջողութեան՝ գործովալիր հասկացողութեամբ: Թերեւս հիմա՝ ան եւ ամէն տեղ շուներու տէրերը, նոյնպէս՝ կը լսեն իրենց շուներուն ծիծաղները: Գիտնականները՝ պարզած են, որ շատ կենդանիներ, այդ թիւին մէջ ըլլալով՝ շուները, կովերը, աղուէսները, փոկերը (ծովահորթերը) եւ երկարապոջ թուխակները, բոլորն ալ ունին «ձայնային խաղի ազդանշանները», որ յայտնի է որպէս ծիծաղ: Այս ուղեկցող հնչիւններու բացայայտումը կ'օգնէ զանազանելու կենդանիին խաղային վարքագիծը՝ այն բանէն, որ այլ կերպ կրնայ նմանիլ կռուելու մարդկային դիտորդին:

Կենդանիներու ծիծաղի եւ ուրախութեան արտայայտումը, մեզի կու տայ հաճելի շող մը, թէ ինչպիսին կրնայ ըլլալ արարչագործութեան միւս մասերը, Աստուած փառաւորել իրենց յատուկ ձեւերով: Երբ Դաւիթ թագաւոր նայեցաւ իր շրջապատին, իրեն թուաց որ «բլուրները խայտանքով կը գօտեւորուին» իսկ մարգագետիններն ու ձորերը «ցնծութեամբ կը գոռան ու կ'երգեն» (Սաղմ. 65. 12-13): Դաւիթ հասկցաւ, որ Աստուած հոգացած եւ հարստացուցած է երկիրը ապահովելով թէ գեղեցկութիւն եւ թէ սնունդ:

Թէեւ մեր ֆիզիքական շրջապատը բառացիօրէն չի «երգեր», անոնք կը վկայեն Աստուծոյ գործնական աշխատանքին մասին Անոր արարչութեան մէջ եւ իրենց հերթին, կը հրաւիրեն մեզ փառաբանելու Անոր՝ մեր ձայներով: Թող որ մենք, որպէս «ամբողջ երկրի» մաս, «լեցուինք Անոր հրաշալիքներու ակնածանքով» եւ պատասխանենք Իրեն «ուրախութեան երգերով» (Հմ. 8): Մենք կրնանք վստահիլ, որ Ան կը լսէ եւ կը հասկնայ անոնց:

Աղօթք - Փառք Զեզ, Աստուած, ստեղծագործութեան մէջ՝
շարունակական աշխատանքիդ համար: Ամէն:
**Ինչպէ՞ս մեր ֆիզիքական շրջապատը կը խրախուսէ մեզ
փառաբանելու զԱստուած: Ուրիշ ո՞ր կը տեսնենք
Անոր ձեռքին գործը:**

Տերը կայնեցաւ անոր քով եւ ըսաւ. «Քաջալերուէ՛, Պօղո՛ս, որովհետեւ ի՛նչպէս վկայեցիր ինձի համար Երուսնղէմի մէջ, այնպէս ալ պէտք է վկայես Զոռմի մէջ: [Գործք 23. 11]

ԱՍՏՈՒԾՈՅ ԽԱՂԱՂՈՒԹԵԱՆ ԳՈՐԾԱԿԱԼՆԵՐԸ

Նորա (Nora) գնաց խաղաղ ցոյցի, քանի որ մտահոգ էր արդարութեան հարցով: Ինչպէս կը նախատեսուէր, ցոյցը լուռ էր: Ցուցարարները քալեցին լուռ քաղաքին կեդրոնը:

Յետոյ՝ երկու մարդակառքեր կանգնեցան: Գրգռիչները եկան քաղաքի դուրսի մասերէն: Շուտով խռովութիւն սկսաւ: Սրտացաւ Նորան հեռացաւ: Կը թուէր, թէ անոնց բարի մտադրութիւնները ապարդիւն էին:

Երբ Պօղոս առաքեալ այցելեց Երուսաղէմի տաճարը, մարդիկ որոնք կը հակառակէին իրեն, տեսան անոր այնտեղ: Անոնք «Ասիայի գաւարէն էին» (Գործք 21. 27) եւ Յիսուսը կը համարէին՝ սպառնալիք իրենց ապրելակերպին: Պօղոսի մասին բամբասանքներ եւ սուտեր աղաղակելով՝ անոնք շատ արագ անհանգստութիւն յառաջացուցին (Հմ. 28-29): Ամբոխը, տաճարէն դուրս քաշեց Պօղոսի եւ ձեծեց: Զիւռները վազելով եկան:

Երբ ձեռքակալեցին անոր, Պօղոս հարցուց Հռոմայեցի հրամանատարին, թէ արդե՞օք ան կրնա՞յ դիմել ամբոխին (Հմ. 37-38): Երբ թոյլատուութիւն տրուեցաւ, ան խօսեցաւ ամբոխին հետ՝ իրենց լեզուով, զարմացնելով անոնց եւ զբաւելով անոնց ուշադրութիւնը (Հմ. 40): Եւ ճիշդ այդ պահուն, Պօղոս խռովութիւնը վերածեց՝ հնարաւորութեան, բաժնեկցելու մեռած կրօնքէն փրկուելու իր պատմութիւնը (22. 2-11):

Ոմանք կը սիրեն բռնութիւնն ու պառակտումը: Մի՛ կորսնցնէք սիրտ: Անոնք պիտի չյաղթեն: Աստուած կը փնտռէ խիզախ հաւատացեալներ որոնք պիտի ուզեն բաժնեկցիլ իր լոյսն ու խաղաղութիւնը՝ մեր յուսահատ աշխարհին հետ: Այն ինչ որ կը թուի ճգնաժամային, կրնայ ըլլալ մեր հնարաւորութիւնը՝ ցոյց տալու մէկու մը՝ Աստուծոյ սէրը:

Աղօթք - Սիրելի Զայր, սիրտս կը ցաւի՝ մեր կոտորած աշխարհին համար: Օգնէ՛ ինձի հասկնալու, որ Զու Զոգրիդ ներկայութիւնը շատ արեւի հոգօ է, քան որեւէ յարձակում, որ աշխարհ կրնայ նետել վրաս: Ամէն: **Կրկանք ճգնաժամի մէջ ըլլալ՝ որ հասկնալի չէ: Ի՞նչ կը խորհիս: Սուրբ Զոգրին ինչպե՞ս կրնայ օգնել՝ իմաստ գտնելու եւ գիտնալու թէ ի՞նչ կարելի է ընել:**

Երկիրը ամայի ու դատարկ էր, անդունդին մակերեսին վրայ խաւար կար, եւ Աստուծոյ Հոգին ջուրերուն մակերեսին վրայ կը սաւառնէր: [Ծն. 1. 2]

ԿԱՐԳ ՈՒ ԿԱՆՈՆԻ ԱՍՏՈՒԱԾԸ

Երկիրը ամայի ու դատարկ էր, անդունդին մակերեսին վրայ խաւար կար, եւ Աստուծոյ Հոգին ջուրերուն մակերեսին վրայ կը սաւառնէր: [Ծն. 1. 2]

Սէթ (Seth) առաւ բոլոր գեղերը, որոնք կրնար գտնել գեղերու պահարանին մէջ: Հասակ առած ըլլալով ընտանիքի մը մէջ, որ լեցուն էր կոտորուածութիւններով եւ անկարգութիւններով, անոր կեանքը խառնաշփոթ էր: Անոր մայրը պարբերաբար բռնութեան ենթարկուած էր՝ հօր կողմէ, մինչեւ որ հայրը ինքնասպան եղաւ: Այժմ Սէթ՝ կը ցանկար «Պարզապէս վերջ տալ» իր կեանքին: Բայց յետոյ՝ միտք մը ծագեցաւ թէ ո՞ւր պիտի երթար, երբ մեռնէր: Աստուծոյ շնորհքով՝ Սէթ չմեռաւ այդ օր: Եւ ժամանակի ընթացքին, ընկերոջ հետ Աստուածաշունչը լաւ ուսումնասիրելէ ետք, ընդունեց Տէր Յիսուսը՝ որպէս իր Փրկիչը: Այն՝ որ Սէթին մղեց դէպի Աստուած, արարչագործութեան գեղեցկութիւնն ու կարգ ու կանոնը տեսնելն էր: Ան ըսաւ. «Ես կը տեսնեմ բաներ, որոնք պարզապէս գեղեցիկ են: Ինչ որ այս ամէնը՝ մէկը ստեղծած է»:

Ծննդոց 1-ին մէջ մենք կը կարգանք Աստուծոյ մասին, որ իսկապէս ստեղծած է բոլոր բաները: Եւ չնայած «երկիրը կատարեալ քառս էր» (Հմ. 2), Ան կարգ ու կանոն բերաւ անկարգութենէն: Ան «բաժնեց լոյսը խաւարէն» (Հմ. 4), ցամաքը դրաւ ծովերուն մէջ (Հմ. 10), եւ բոյսեր ու արարածներ ստեղծեց՝ ըստ իրենց «տեսակներուն» (Հմ. 11-12, 21, 24-25): Ան, որ «ստեղծեց երկինքն ու երկիրը եւ ամէն ինչ իր տեղը դրաւ» (Ես. 45. 18), ինչպէս Սէթ յայտնաբերեց, կը շարունակէ խաղաղութիւն եւ կարգ կանոն հաստատել Քրիստոսին յանձնուած կեանքերուն մէջ: Խնդրենք Աստուծոյ, որ օգնէ մեզի գտնելու գեղեցկութիւնն ու կարգը, որը միայն Ան կու տայ:

Աղօթք - Արարիչ Աստուած, շնորհակալութիւն խաղաղութեան եւ կարգի համար, որը միայն Դուս կրնաս ապահովել: Զու մէջ՝ կոտրած իրերը գեղեցիկ կը դառնան: Ամէն:

Քառսային վիճակներու մէջ կրնանք ըլլալ. սակայն Աստուած կ'օգնէ մեզի կարգ ու կանոն եւ խաղաղութիւն հաստատելու իրմով:

Նախ խնդրեցէք Աստուծոյ թագաւորութիւնը: [Մատթ. 6. 33]

ԱՍՏՈՒԱԾ ԳԻՏԷ ՄԵՐ ԿԱՐԻՔՆԵՐԸ

Մանիլայի (*Manila*) մէջ՝ Հասարակական փոխադրային միջոցի վարորդ Լանտօն (*Lando*), սուրճ խմեց ճամբուն եզրին եղող կրպակին մօտ: Ամէնօրեայ ուղեւորները արդէն շատցած էին Պսակաւոր Համաճարակի պատճառով եղած արգելափակումէն ետք: Իսկ մարզական միջոցառումները այսօր կը նշանակեն աւելի շատ ուղեւորներ՝ խորհեցաւ ան: Հետեւաբար կը վերագտնեմ կորսնցողցած եկամուտս եւ դադրիլ անհանգստանլէ:

Ան կը պատրաստուէր սկսիլ ինքնաշարժը վարելու, երբ նկատեց Ռոնին՝ (*Ronnie*) մօտը եղող նստարանին վրայ նստած: Փողոց աւուրը՝ անհանգիստ տեսք մը ունէր եւ կարծես խօսելու կարիքը ունէր: Բայց իւրաքանչիւր վայրկեան կարելոր է, մտածեց Լանտօն: Որքան շատ ուղեւորներ, այնքան աւելի շատ եկամուտ: Ես չեմ կրնար ուշանալ: Բայց ան զգաց, որ Աստուած կը ցանկար, որ ան մօտենայ Ռոնին եւ այդպէս ալ ըրաւ:

Յիսուս Հասկեցաւ թէ որքա՛ն դժուար է չանհանգստանալը (Մատթ. 6. 25-27), ուստի Ան կը վստահեցնէ, որ մեր երկնաւոր Հայրը գիտէ ճիշդ ինչի պէտք ունինք (Հմ. 32): Մեզի կը յիշեցնէ որ չանհանգստանանք, այլ վստահինք Իրեն եւ նուիրուինք ընելու այն, ինչ որ Ինք կը ցանկայ, որ մենք ընենք (Հմ. 31-33): Երբ մենք կ'ընդունինք եւ կը հնազանդինք Իր նպատակներուն, մենք կրնանք վստահ ըլլալ, որ մեր Հայրը, որ «կը հագուեցնէ դաշտի խոտը, որ այսօր կայ, եւ վաղը փուռը կը նետուի» կ'ապահովէ մեզի պէտք եղածը՝ Իր կամքին համաձայն, ճիշդ այնպէս ինչպէս

Ռոնինի Հետ Լանտօի գրոյցին պատճառով՝ փողոց աւելուող աղօթեց եւ դարձաւ Յիսուսի: Լանտօն ըսաւ. «Եւ Աստուած տակաւին բաւականաչափ ուղեւորներ ապահովեց այդ օր եւ ինծի յիշեցուց, որ իմ կարիքներս Իր մտահոգութիւնն էին, իմա՛ պարզապէս հետեւիլ է Իրեն»:

Աղօթք - Սիրելի Հայր, անհանգստանալու կարիք չունիմ, քանի որ Դո՛ւն խոստացած ես հոգ տանիլ եւ ապահովել ինծի համար: Ամէն:

Անհանգստութիւններ կը ծանրարան մեր վրայ, սակայն կարելոր է մեր բոլոր հոգերը Աստուծոյ յանձնել:



Երբ երթամ եւ տեղ պատրաստեմ ձեզի, դարձեալ պիտի գամ ու քովս ընդունիմ ձեզ: [Յովհ. 14. 3]

ՏՈՒՆԸ ՅԻՍՈՒՍԻ ՅԵՏ

«Տան նման տեղ չկայ», կ'ըսէ Տօրօթին (Dorothy)՝ սեղմելով իր կարմիր գոյնով սուտակ (ruby) հողաթափերուն կրունկները: «Օզի Կախարդը» (The Wizard of Oz) ֆիլմին մէջ՝ միայն այդ պէտք էր, որ Տօրօթին եւ Թօթօն (Toto) կախարդական ճանապարհով տեղափոխէին իրենց տունը՝ Գանասսի (Kansas) մէջ:

Դժբախտաբար, չկան բաւարար սուտակ հողաթափեր բոլորին համար: Թէեւ շատեր Տօրօթիի նման՝ տան կարօտը ունին, գտնել այդ տունը՝ որպէս պատկանելու տեղ մը, երբեմն աւելի դիւրին է ըսել, քան ընել:

Շատ շարժունակ, անցողիկ աշխարհի մէջ ապրելու հետեւանքներէն մէկը՝ անջատուած ըլլալու զգացումն է. մտածել թէ արդեօ՞ք մենք երբեւէ կը գտնենք տեղ մը, ուր մենք իսկապէս կը պատկանինք: Այս զգացումը կրնայ նաեւ ցոյացնել աւելի խոր իրականութիւն մը, որը արտայայտած է Գ. Ս. Լուիս (C. S. Lewis). «Եթէ ես իմ մէջս կը գտնեմ ցանկութիւն, որ այս աշխարհի մէջ ո՛չ մէկ փորձ չի կրնար բաւարարել, ամենահաւանական բացատրութիւնը այն է, որ ե՛ս ստեղծուած եմ այլ աշխարհի մը համար»:

Խաչին նախորդող գիշերը, Յիսուս վստահեցուց իր ընկերներուն այդ տան մասին ըսելով. «Շատ բնակարաններ կան իմ Հօրս տան մէջ. եթէ այդպէս չըլլար, միթէ պիտի ըսէի՞ ձեզի թէ կ'երթամ՝ որ տեղ պատրաստեմ ձեզի» (Յովհ. 14. 2):

Մենք ալ հիմա կրնանք տակաւին մեր տունը ըլլալ: Մենք ընտանիքի մը մէկ մասն ենք՝ Աստուծոյ եկեղեցիին եւ մենք կ'ապրինք համայնքի մը մէջ՝ մեր եղբայրներուն եւ քոյրերուն հետ: Մինչեւ այն օրը, երբ Յիսուս մեզ տանի այն տունը, որուն կը փափաքինք, կրնանք ապրիլ Անոր խաղաղութեան եւ ուրախութեան մէջ: Մենք միշտ տունն ենք՝ Իր հետ:

Աղօթք - Սիրոյ եւ շնորհքի Յայր, օգնէ ինձի յառաջ նայելու՝ Զեզի հետ տունը ըլլալու, Զու ներկայութեանդ մէջ: Ամէն:
Ի՞նչն է որ մեզի տուն ըլլալու զգացումը կու տայ: Մինչ կ'ապրինք այս աշխարհի վրայ, Տէր Յիսուսը ճանչնալով՝ մենք յաւիտեան Իր հետ ըլլալու վիճակին մէջ կ'ըլլանք:

Կ'աղաչեմ՝ ձեզի, որ ձեր ընթացքը արժանավայել ըլլայ այն կոչումին՝ որով կանչուեցաք: [Եփ. 4. 1]

ՊԱՏՐԱՍ ԵՐԹԱԼՈՒ ԱՍՏՈՒԾՈՅ ԶԱՄԱՐ

«Թագնուած Գործիչներ» գիրքը կը պատմէ Ճան Կլէննի (John Glenn) ղէպի տիեզերք իր թռիչքի նախապատարաստութեան մասին: Համակարգիչները նոր յայտնագործուած էին 1962 թուականին, որոնք ենթակայ էին խանգարումներու: Կլէնն չէր վստահեր անոնց ու կ'անհանգստանար մեկնարկի հաշուարկներով: Ան գիտէր, որ ետեւի սենեակին մէջ կար խելամիտ կինը, որ կրնար թուարկել: Ան կը վստահէր անոր ու ըսաւ. «Եթէ ան կ'ըսէ, որ թիւերը լաւ են, ես պատրաստ եմ երթալու»:

Գաթրին Ճանսոն (Katherinr Johnson) ուսուցչուհի եւ երեք երեխաներու մայր էր: Ան կը սիրէր Յիսուսի եւ կը ծառայէր իր եկեղեցիին մէջ: Աստուած օրհնած էր Գաթրինին՝ ուշադրաւ մտքով մը: NASA-ն խնդրեց իրմէ 1950-ականներու վերջաւորութեան, որ օգնէ տիեզերեկան ծրագիրին: Ան՝ Կլէննի՝ այսպէս ըսած՝ «խելամիտ կինն» էր՝ «մարդկային համակարգիչներէն» մէկը, որ անոնք վարձած էին այդ ժամանակ:

Մենք կրնանք կոչուամբ չունենալ փայլուն մաթեմատիկոսները ըլլալու, բայց Աստուած մեզ կը կանչէ՝ այլ բաներու համար: «Մեզմէ իւրաքանչիւրին շնորհք տրուած է՝ Քրիստոսի պարգեւին չափին համեմատ» (Եփ. 4:7): Մենք պէտք է «ապրինք կեանքով մը, որ արժանի է կոչումի», որը մենք ստացած ենք (Հմ. 1): Մենք մէկ մարմինի մը մէկ մասն ենք, ուր «իւրաքանչիւր անդամ իր գործը կ'ընէ» (Հմ. 16):

Գէթրին Ճանսոնի հաշուարկները հաստատեցին ընթացքին յետնագիծը: Կլէննի՝ ուղեծիր դուրս գալը, նման էր «նետը իր ճիշդ տեղը գառնելու»: Բայց այս Գէթրինի կոչումներէն մէկն էր միայն: Յիշենք, որ ան նաեւ մայր, ուսուցիչ եւ եկեղեցիին մէջ ծառայող մըն էր: Մենք կրնանք մենք մեզի հարց տալ, թէ Աստուած ի՞նչ բանի համար կանչած է մեզ՝ մեծ կամ փոքր: Արդե՞՞ք մենք «Պատրաստ ենք» գործադրելու Անոր շնորհած շնորհները:

Աղօթք - Սիրելի Յայր, օգնէ ինձի ընդունելու ան, ինչ որ տուած ես ու ապրելու քու կոչումիդ արժանի կեանքով: Ամեն:

Ի՞նչ ընելու համար Աստուած կանչած է քեզ: Ինչպե՞ս քեզի շնորհքներ տուած է:

Ճամբայ կայ՝ որ մարդուն ուղիղ կը թուի, բայց անոր վերջաւորութիւնը մահուան ճամբան է: [Առ. 14. 12]

ԸՆՏՐՈՒԹԻՒՆՆԵՐԸ՝ ԿԱՐԵՒՈՐ ԵՆ

Հովիւ Տամեանի (Damian) ժամանակացոյցը կը ներառէր Հիւանդանոցի այցելութիւններ՝ մահամերձ երկու հոգիներու, որոնք ընտրած էին կեանքի երկու տարբեր ուղիներ: Հիւանդանոցի մը մէջ կին մը կար սիրուած իր ընտանիքէն. անոր անձնուրաց հանրային ծառայութիւնը գինք սիրելի անձ մը դարձուցած էր՝ շատերու համար: Ուրիշ Յիսուսի հաւատացողներ՝ հաւաքուած էին անոր շուրջ եւ պաշտամունքով, աղօթքով եւ յոյսով լեցուած էր սենեակը: Ուրիշ Հիւանդանոցի մը մէջ՝ մահամերձ էր նաեւ հովիւ Տամեանի եկեղեցիի անդամի մը ազգականը: Անոր կարծրացած սիրտը՝ կը տանէր գինք դէպի դժուար կեանքի եւ անոր խեղճ ընտանիքը կ'ապրէր անոր վատ որոշումներուն եւ սխալ արարքներուն հետեւանքով: Երկու միջնորդատի տարբերութիւններ կ'արտացոլային այն հակադրութիւնները, թէ ինչպէ՞ս ապրած էր իւրաքանչիւրը:

Անոնք, որոնք չեն կրնար մտածել՝ թէ ո՞ւր կ'ուղուին կեանքի մէջ, յաճախ կը յայտնուին անհանգիստ, անցանկալի ու միայնակ վայրերու մէջ: Առակաց 14. 12-ին մէջ կը նշուի, որ «ճամբայ կայ՝ որ մարդուն ուղիղ կը թուի, բայց անոր վերջաւորութիւնը մահուան ճամբան է»: Երիտասարդ թէ տարեց, հիւանդ կամ առողջ, հարուստ կամ աղքատ, տակաւին ուշ չէ՛ վերանայելու մեր ուղիին: Ո՞ւր պիտի տանի մեզ: Արդեօ՞ք կը պատուէ զԱստուած: Արդեօ՞ք կ'օգնէ կամ կը խանգարէ ուրիշներուն: Արդեօ՞ք այդ լաւագոյն ճամբան է՝ Յիսուսի հաւատացողներուն համար:

Աստուած կ'օգնէ մեզի՝ կատարելու լաւագոյն ընտրութիւնները, երբ դիմենք Իրեն Իր Որդիին՝ Յիսուսի միջոցով, որ ըսաւ. «Եկէ՛ք ինձի ... եւ ես պիտի հանգստացնեմ ձեզ» (Մատթ. 11. 28):

Աղօթք - Սիրելի Յիսուս, Դուն ես կեանքի աղբիւրը: Տո՛ւր ինձի քաջութիւնն ու ուժը՝ կեանքս Զեզի յանձնելու եւ ընելու այն, ինչ որ կը պատուէ Զեզ: Ամէն:

Ի՞նչ բան մեզի արգելք կը հանդիսանայ որ Աստուծմէ օգնութիւն եւ քաջութիւն խնդրենք:

Անոնց համար ես նման էի անոր, որ կը բարձրացնէ փոքրիկ երեխան դէպի այտը: [Ով. 11. 4]

ԱԱՍՏՈՒԾՈՅ ՔՆՔՈՒՇ ՍԷՐԸ

2017 թուականի տեսանիւթի մը մէջ կը տեսնուի Հայր մը, որ կը հանգստացնէ իր երկու ամսական որդին, մինչ երեխան կը ստանայ սովորական պատուաստները: Միջազգային ուշադրութիւն գրաւեց, թէ ինչպէս է՝ այս հօր սէրը իր փոքր երեխային հանդէպ: Երբ հիւանդապահը աւարտեց պատուաստումները, Հայրը քնքշութեամբ մօտեցուց որդին իր այտին, եւ մանուկը շուտով դադրեցուց իր լացը: Չկայ ասկէ աւելի յուսադրող բան մը, քան սիրող ծնողի մը քնքուշ հոգատարութիւնը:

Աստուածաշունչին մէջ կան շատ գեղեցիկ նկարագրութիւններ Աստուծոյ մասին՝ որպէս սիրող ծնող. պատկերներ, որոնք կը վկայեն իր զաւակներուն հանդէպ Աստուծոյ ունեցած խոր սիրոյ մասին: Հին Կտակարանի Ովսիա մարգարէին պատգամ մը տրուեցաւ փոխանցելու Հիւսիսային Թագաւորութեան մէջ ապրող Իսրայէլացիներուն՝ բաժնուած թագաւորութեան ժամանակ: Ան կոչ ըրաւ անոնց՝ վերադառնալու Աստուծոյ հետ յարաբերութեան: Ովսէն յիշեցուց Իսրայէլացիներուն՝ իրենց հանդէպ Աստուծոյ ունեցած սիրոյ մասին, քանի որ ան կը պատկերացնէր Աստուծո՞ որպէս հեզ Հայր. «Երբ Իսրայէլ մանուկ էր զինք կը սիրէի» (Ով. 11. 1) եւ «Անոնց համար ես նման էի անոր, որ կը բարձրացնէ փոքրիկ երեխան դէպի այտը» (Հմ. 4):

Աստուծոյ սիրալիր հոգատարութեան այս նոյն յուսադրող խոստումը՝ ճշմարիտ է մեզի համար ալ: Անկախ անկէ, թէ մենք կը փնտռենք Անոր քնքուշ խնամքը՝ շրջանէ մը ետք, երբ մերժած ենք Անոր սէրը, կամ մեր կեանքին մէջ ցաւի եւ տառապանքի պատճառով, Ան մեզ իր զաւակները կ'անուանէ (Ա. Յովհ. 3. 1) եւ Անոր մխիթարիչ բազուկները՝ բաց են մեզ ընդունելու համար (Բ. Կորնթ. 1. 3-4):

Աղօթք - Երկնաւոր Յայր, շնորհակալութիւն, որ Դուն զիս Քու զաւակդ կ'անուանես եւ քնքուշ հոգատարութիւն կը ցուցաբերես, երբ կը վագեմ Քու մօտդ: Ամէն:

Աստուած իր մեծ սիրով մեր հոգատար Յայրն է. ո՛ւստի մեր բոլոր մտահոգութիւններն ու ցաւերը իրեն բերե՛նք այսօր:



Չորրորդ օրը՝ Օրհնութեան հովիտը
հաւաքուեցան: [Բ. Մնաց. 20. 26]

ՓԱՌԱԲԱՆՈՒԹԵԱՆ ՀՈՎԻՏԸ

Բանաստեղծ՝ Ուիլյամ Քուլբերը (*William Cowper*) իր կեանքի մեծ մասը պայքարեցաւ ճնշուածութեամբ: Անձնասպանութիւն փորձելէ ետք զինք տեղափոխեցին ապաստանարան մը: Հոն՝ Քրիստոնեայ բժիշկի մը հոգածութեամբ, Քուլբերը ջերմ ու կենսական հաւատք ունեցաւ Յիսուսի հանդէպ: Շուտով Քուլբերը ծանօթացաւ հովիւ եւ հոգեւոր երգերու հեղինակ ձան Նիուլթընի (*John Newton*), որ խրախուսեց զինք իր հետ համագործակցելու եւ աշխատելու իրենց եկեղեցիին համար իր պատարաստած հոգեւոր երգին վրայ: Քուլբերի գրած հոգեւոր երգերու շարքին է, «Աստուած Կը Շարժի Խորհրդաւոր Կերպերով», որ կը պարունակէ խօսքեր, որոնք կու գան իր անցեալի փորձառութեան խառնարանէն. «Քու սուրբերդ, թարմ քաջութիւն կը ստանան, ամպերը՝ որոնցմէ դուն կը սարսափիս, մեծ են ողորմութեամբ եւ օրհնութիւններ կը թափեն գլուխիդ վրայ»:

Ինչպէս Քուլբերը, Յուդայի ժողովուրդը նոյնպէս՝ անսպասելիօրէն հանդիպեցաւ Աստուծոյ բարութեան: Երբ զօրքերու դաշնակցութիւն մը ներխուժեցին անոնց վրայ, Յովսափատ թագաւորը հաւաքեց ժողովուրդին աղօթքի համար: Երբ Յուդայի բանակը դուրս եկաւ, առաջին շարքերուն մէջ գտնուող տղամարդիկ փառաբանեցին Աստուծոյ (*Բ. Մնաց. 20. 21*): Յարձակող բանակը չըջեցաւ ինք իր վրայ ու զիրար կոտորեց ու «ո՛չ մէկը ազատած էր: ... Աւարը երեք օր հաւաքեցին, որովհետեւ յոյժ շատ էր» (*Հմ. 24-25*): Չորրորդ օրը, այդ նոյն վայրը, ուր թշնամիին ներխուժող ուժը հաւաքուեցաւ Աստուծոյ ժողովուրդին դէմ, կոչուեցաւ Պէրաքահ (*Berakah*) (*Հ. 26*), որ տառացի կը նշանակէ «Օրհնութեան Հովիտը» կամ «Օրհնութիւն»:
Ինչպիսի՜ փոփոխութիւն: Աստուծոյ ողորմութիւնը կրնայ նոյնիսկ մեր ամենազժուար հովիտները վերածել՝ գովաբանութեան վայրերու, երբ մենք Աստուծոյ կը յանձնենք ամէն բան:

Աղօթք - Սիրոյ Աստուած, փառք կու տամ քեզի, որ Զու սերեդ ակելի խոր հովիտ չկա՛յ: Ամէն:

Աստուած բարիքներ կը բերէ մեր կեանքի դժուարութիւններուն մէջ: Ուստի՝ կ'արժէ շնորհակալ ըլլալ իրեն:

Յետամո՛ւտ եղէք խաղաղութեան՝ բոլորին հետ: [Եբ. 12. 14]

ԸՆՏԱՆԻՔԸ ԿԱՐԵՒՈՐ Է

Քոյրս, եղբայրս եւ ես, տարբեր նահանգներէն՝ տարբեր թոհիչքներու վրայ ելանք՝ մեր հօրեղբօր յուղարկաւորութեան ներկայ ըլլալու համար եւ կանգ առինք տեսնելու մեր ինխտուն տարեկան մեծմայրիկը: Ան կաթուածազար եղած էր, կորսնցուցած էր խօսելու կարողութիւնը եւ կրնար գործածել միայն իր աջ ձեռքը: Երբ կայնած էինք անոր անկողինին շուրջ, երկարեց այդ ձեռքը եւ բռնեց մեր ձեռքերէն իւրաքանչիւրը եւ մէկը միւսին վրայ իր սրտին դրաւ ու շոյեց: Այս անխօս շարժումներով՝ մեծմայրս խօսեցաւ մեր կոտորուած եւ հեռաւոր յարաբերութիւններուն մասին: «Ընտանիքը կարեւոր է»:

Աստուծոյ ընտանիքին եկեղեցիին մէջ, մենք նոյնպէս կրնանք իրարմէ բաժնուիլ: Մենք կրնանք թոյլ տալ, որ դառնութիւնը մեզ իրարմէ բաժնէ: Եբրայեցիս գիրքին հեղինակը կ'ակնարկէ այն դառնութեան, որ բաժնեց Եսաւը՝ իր եղբայրէն՝ Յակոբէն (Եբ. 12. 16) եւ մեզ՝ որպէս եղբայրներ եւ քոյրեր, կո՛չ կ'ընէ կառչելու իրարու՝ Աստուծոյ ընտանիքին մէջ: «Հետամո՛ւտ եղէք խաղաղութեան՝ բոլորին հետ» (Հմ. 14): Այստեղ ըսուած հետամուտ եղէք խօսքը, կը ներկայացնէ կանխամտածուած եւ վճռական ներդրում Աստուծոյ ընտանիքի մեր քոյրերուն եւ եղբայրներուն հետ՝ խաղաղութիւն հաստատելու համար: Իւրաքանչիւր նման ջանք՝ այնուհետեւ կը կիրառուի բոլորին նկատմամբ: Ամէնուն: Մէկ:

Ընտանիքը կարեւոր է: Թէ մեր երկրային ընտանիքները եւ թէ ալ Աստուծոյ հաւատացողներուն ընտանիքները: Կրնա՞նք բոլորս ներդնել այն ջաքերը, որոնք անհրաժեշտ են գիրար ամուր պահելու համար:

Աղօթք - Սիրելի Յայր, շնորհակալ եմ, որ զիս դէպի Զե՛զ կը քաշես: Օգնէ ինձի որ հետամուտ ըլլամ՝ Զու ընտանիքիդ բոլոր անդամներուն հետ խաղաղ ապրելու: Ամեն:

Ի՞նչ կը նշանակէ «հետամուտ ըլլալ խաղաղութեան» Աստուծոյ ընտանիքին մէջ: Արդեօք կա՞յ մէկը, որուն հետ հաշտուելու ենք:

Ստուգեան հացը մարդուն ախորժելի է, բայց վերջաւորութեան՝
անոր բերանը խիճով պիտի լեցուի: Առ. 20. 17]

ԳՈՂՅՈՒԱԾ ՔԱՂՅՐԵՂԷՆԻ ԴԱՌՆՈՒԹԻՒՆ

Գերմանիայի մէջ՝ գողեր գողցան՝ աւելի քան քսան թօն տուրմով լեցուն բեռնատարի սառնարանային կցասայլը: Գողցուած քաղցրեղէնի գնահատուած արժէքը՝ 80,000 տոլար էր: Տեղական ոստիկանութիւնը խնդրեց բոլորէն, որ եթէ մէկը առաջարկէ մեծ քանակութեամբ տուրմ՝ ոչ աւանդական միջոցներով, անմիջապէս տեղեկացնել այդ մասին: Վստահ՝ անոնք որոնք գողցած են հսկայական քանակութեամբ քաղցրեղէն, պիտի դիմագրաւեն դառն հետեւանքներ, եթէ անոնք բռնուին ու հետապնդուին:

Առակները կը հաստատեն այս սկզբունքը. «Ստուգեան հացը մարդուն ախորժելի է, բայց վերջաւորութեան՝ անոր բերանը խիճով պիտի լեցուի» (20. 17): Այն ինչ որ մենք ձեռք կը բերենք խաբէութեամբ կամ սխալ ձեռով, սկիզբը կրնայ քաղցր թուիլ մեզի համար՝ համեմուած գրգռութիւնով եւ ժամանակաւոր հաճոյքով: Բայց համը ի վերջոյ կը կորսուի եւ մեր խաբէութիւնը պիտի տանի այնտեղ, ուր մենք կը մնանք կարիքաւոր եւ դժուարութեան մէջ: Յանցանքի, վախի եւ մեղքի դառն հետեւանքները կրնան փճացնել մեր կեանքն ու հեղինակութիւնը: «Նոյնիսկ մանուկի մը արարքներէն կը հասկցուի անոր վարքին մաքուր եւ ուղիղ ըլլալը» (Հմ. 11): Թող մեր խօսքերն ու արարքները բացայայտեն Աստուծոյ համար մաքուր սիրտ, ոչ՝ թէ եսասիրական ցանկութիւններու դառնութիւն:

Երբ կը փորձուինք, եկէ՛ք խնդրենք Աստուծմէ, որ զօրացնէ մեզ եւ օգնէ հաւատարիմ մնալու Իրեն: Ան կրնայ օգնել մեզի՝ նայելու փորձութեան տեղի տալու կարճժամկէտ «քաղցրութեանէն» անդին եւ առաջնորդելու մեզ, որ ուշագիւր՝ նկատի առնելու երկար ժամկէտ հետեւանքներուն:

Աղօթք - Սիրելի Աստուած, ուժիդ պետք ունիմ՝ պայքարելու համար փորձութեան դէմ եւ հաւատարիմ մնալու Քեզի: Ամեն **Փորձութիւնը՝ դառն հետեւանքներու կը տանի. ո՛ւստի կարելոր է հաւատարիմ մնալ Աստուծոյ:**

Երեքպատիկ դերձանը դիւրին չի փոթիր: [Ժող. 4. 12]

ՀԱՄԱՅՆՔ՝ ՔՐԻՍՏՈՍԻ ՄԷՁ

«Գիտէի թէ յաջողութեան հասնելու միակ ճամբան՝ տունը, կինս, որդիս եւ դուստրս մոռնալ է», ըսաւ Ծօրտըն (Jordan): «Հասկցայ թէ չեմ կրնար ընել այդ բանը: Անոնք հիւսուած են սիրտիս եւ հոգիիս մէջ»: Մինակ հեռաւոր շրջանին մէջ, Ծօրտըն կը մասնակցէր հեռուստացոյցային իրական ծրագիրի մը, ուր մրցումին մասնակցողները՝ հնարաւոր եղածին չափ՝ գոյատեւելու են դուրսը նուազագոյն պաշարներով: Մրցումէն հրաժարելու պատճառը գորշ արջերը չէին, ոչ ալ ցուրտ ջերմաստիճանը, վիրաւորուիլը չէր, ոչ ալ անօթութիւնը, այլ ճնշող միայնակութիւնը եւ ընտանիքին հետ ըլլալու ցանկութիւնը:

Մենք կրնանք ունենալ անպատի համար անհրաժեշտ գոյատեւման հմտութիւնները, բայց համայքէն բաժնուիլը, ձախողելու հաստատ ճամբան է: Ժողովողի գիրքին իմաստուն հեղինակը ըսաւ. «Երկուքը մէկէն լաւ է, ... քանի որ եթէ իյնան, մէկը ընկերակիցը կը վերցնէ» (4. 9-10): Քրիստոսի յարգող համայնքը, նոյնիսկ իր բոլոր խառնաշփոթութեամբ, կարեւոր է մեր ծաղկման համար: Մենք առիթը չունինք այս աշխարհի փորձութիւններուն դէմ, եթէ փորձենք ինքնուրոյն յաղթահարել անոնց: Մէկը, որ մինակը կը տքնի, ի գուր կը տանջուի (հմ. 8): Առանց համայնքի, մենք աւելի ենթակայ ենք վտանգի (հմ. 11-12): Ի տարբերութիւն մէկ թելի, «Երեքպատիկ դերձանը դիւրին չի փոթիր» (հմ. 12): Սիրող՝ Քրիստոսակեդրոն համայնքի պարզեւր այն է, որը ո՛չ թէ միայն կը քաջալերէ, այլեւ մեզի ուժ կու տայ բարգաւաճելու՝ հակառակ դժուարին իրավիճակներուն: Մենք իրարու պէտք ունինք:

Աղօթք - Հայր շնորհակալ եմ համայնքի պարգեւին համար: Բա՛ց սիրտս սիրելու եւ ուրիշներու հետ ժամանակ անցընելու համար: Ամէն **Ինչպէ՞ս կարելի է պարտաւորուիլ ժամանակ անցընելու հաւատացեալներու ընտանիքին հետ, յիշելով որ մեր շրջապատին մէջ կան մարդեր, որոնք մեկուսացած են եւ կարիքաւոր:**

Այս բաները խօսեցայ ձեզի, որպեսզի խաղաղութիւն ունենաք ինձմով: [Ա. Յովհ. 16. 33]

ՅԻՍՈՒՄԻ՝ ՃՇՄԱՐԻՏ ԽԱՂԱՂԱՐԱՐԸ

Դեկտեմբեր 30, 1862-ին, սկսաւ Ամերիկայի Միացեալ Նահանգներու քաղաքացիական կատաղի պատերազմը: Միութեան եւ Համադաշնակցութեան զորքերը շուրջ եօթը հարիւր մեկը հեռաւորութեամբ՝ դէմ դիմաց բանակցեցան, Թէնըսիի Մթօնզ (Tennessee Stones) գետին հակառակ կողմերուն վրայ: Երբ անոնք կը տաքնային խարոյկին մօտ, Միութեան զինուորները վերցուցին իրենց ջութակներն ու շրթնաերգէհօնները (harmonica) ու սկսան նուագել «Եանքի Տուտըլ» (Yankee Doodle): Ի պատասխան՝ Համադաշնակցային զինուորները նուագեցին «Տիքսի» (Dixie): Յատկանշական էր, որ երկու կողմերն ալ միացան եզրափակումին՝ նուագելով «Տուն, Քաղցր Իմ Տուն» (Home, Sweet Home): Երթուեալ թշնամիները բաժնեկցեցան երաժշտութիւն, մութ գիշերուան մէջ՝ աներեւակայելի խաղաղութեան շողեր: Մեղեդային զինադադարը, սակայն, կարճ տեւեց: Յաջորդ առաւօտ անոնք վար դրին ջութակները ու վերցուցին իրենց հրացանները եւ 24,645 զինուոր մեռաւ:

Խաղաղութիւն ստեղծելու մեր մարդկային ջանքերը անխուսափելիօրէն կը մաշին: Ռազմական գործողութիւնները կը դադրին վայրկեան մը, միայն թէ կը բռնկին ուրիշ տեղ մը: Յարաբերական մեր վէճը՝ ներդաշնակութիւն կը գտնէ, սակայն ամիսներ ետք՝ դարձեալ կը ներքաշուի նեղութեան մէջ: Աստուածաշունչը կ'ըսէ մեզի, որ Աստուած մեր միակ վստահելի խաղաղարարն է: Յիսուս՝ այդ ճշմարտութիւնը պարզ կերպով ըսաւ. «Խաղաղութիւն ունենաք ինձմով» (16. 33): Մենք խաղաղութիւն ունինք Յիսուսի մէջ: Մինչ կը մասնակցինք Անոր խաղաղարար առաքելութեան, Աստուծոյ Հաշտութիւնն ու վերանորոգութիւնն է, որ հնարաւոր կը դարձնէ իրական խաղաղութիւնը:

Թէեւ մեր ջանքերը յաճախ ապարդիւն են, մեր սիրող Աստուածը խաղաղութիւն կը հաստատէ այս ցասկոտ աշխարհին մէջ:

Աղօթք - Սիրող Յայր, կը խնդրե՛մ՝ ցոյց տուր ինծի խաղաղութեան ճամբան: Ամեն:

Ո՞ր կը տեսնեք, որ մարդիկ կ'աշխատին յանուն խաղաղութեան: Սակայն ինչո՞վ կը տարբերի Աստուծոյ խաղաղութիւնը:

Ո՛վ որ Աստուծո՛ւ ծնած է կը յաղթէ աշխարհի: [Ա. Յովհ. 5. 4]

ՀԱԿԱՏՔՈՎ ՅԱՂԹԱՆԱԿ

Այսօր՝ պատմութիւնը կը փաստէ թէ քաղաքական, ռազմական եւ տնտեսական ուժով կարելի է յաղթանակներ արձանագրել, հողեր գրաւել եւ կայսրութիւններ հիմնել: Անցեալ դարերու պատմութեան էջերուն մէջ՝ շատ օրինակներ կան, որ ռազմական ուժով ու դիւանագիտութեամբ կարելի եղած է յաջողութիւններ արձանագրել ու նուաճումներ րնել: Կարելի է յիշել քանի մը հատ այդ կայսրութիւններէն. Եգիպտական, Փիւնիկեան, Փիւզանդական, Ասորական, Բաբելոնական, Հռովմէական, եւայլն: Սակայն այդ բոլոր կայսրութիւնները բլուզուածի ենթարկուած են՝ զանազան պատճառներով եւ ներկայիս անոնց մասին կը կարդանք պատմական գիրքերու մէջ, կամ թանգարաններու մէջ կը հանդիպինք անոնց փառաւոր անցեալին մասին

Պատերազմները, ցեղասպանութիւնները, տեղահանութիւնները թոհուբոհի մէջ կը ձգեն խեղճ ժողովուրդը, մարդկային ճգնաժամային մարտահրաւէրներու առջեւ դնելով զանոնք: Անապահովութիւնը, անորոշութիւնը, ունեցածը կորսնցնելու ահն ու սարսափը կը տկարցնէ մարդ արարածը ու կը հասցնէ յուսահատութեան ու անկարողութեան: Նման վիճակի մէջ եղած է նաեւ Հայ ազգը անցեալին, ինչպէս Համաշխարհային Ա. Պատերազմի օրերուն՝ Հայկական ցեղասպանութեան հետեւանքով, նաեւ վերջին քանի մը տարիներուն՝ Արցախի ժողովուրդին պատահած անմարդկային ու մարդասպան արարքներով: Աստուծոյ սրբազան խօսքը կ'ըսէ. «Ո՛վ որ Աստուծո՛ւ ծնած է կը յաղթէ աշխարհի» (Ա. Յովհ. 5.4):

Հաւատանք իր Խօսքին ու ամուր կառչած մնանք մեր հաւատքին: Մենք կրնանք յաղթել մեզի դէմ սպառնացող բոլոր մարտահրաւէրներուն՝ մի միայն հաւատքով:

Աղօթք - Կեանք տուող Աստուած՝, Դո՛ւն ես մեր յոյսը, վստահութիւնս ու ապաւենը: Տո՛ւր մեզի վստահութիւնս ու համոզումը, որ կարելի է աշխարհին յաղթել հաւատքով: Ամէն:

Անյոյս ու անկարելի թուացող բաներ, Աստուծոյ համար անկարելի չեն: Հաստատ հաւատքով՝ անոնք կարելի կ'ըլլան:

Տերը իմ օգականս է, ուստի պիտի չվախևամ: [Եբ. 13. 6]

ԱՍՏՈՒԾ ԻՄ ՕԳՆԱԿԱՆՍ Է

Ընկերս՝ Ռալիին (*Raliegh*) արագ կը սուրբայ դէպի իր ութսուն հինգերորդ տարեդարձը: Աւելի քան երեսուն հինգ տարներ առաջ՝ իր հետ իմ ունեցած առաջին զրոյցէն ի վեր, ան ոգեշնչումի աղբիւր եղած է: Երբ վերջերս նշեց, որ հանգստեան թոշակի անցնելէ ետք, ձեռագիր գիրք մը ամբողջացուցած է եւ սկսած մէկ ուրիշ ծառայութեան նախաձեռնութիւն մը. հիացայ բայց չզարմացայ:

Աստուածաշունչին մէջ նշուած՝ ութսուն հինգ տարեկան Քաղէբ՝ նոյնպէս պատարաստ էր կանգ առնելու: Անոր հաւատքն ու նուիրումը Աստուծոյ՝ պահած էին զինք տասնամեակներ շարունակ՝ անապատներու մէջ ապրելով եւ պատերազմներով ապահովելու այն ժառանգութիւնը, որ Աստուած խոստացած էր Իսրայէլի ժողովուրդին: Ան ըսաւ. «Այսօր տակաւին ուժեղ եմ, ինչպէս էի այն օրը՝ երբ Մովսէս զիս զրկեց. ինչպէս էր ոյժս այն ատեն, հիմա ալ ոյժս նոյնպէս է՝ պատերազմելու, ելլելու եւ մտնելու համար» (Յես. 14. 11): Քաղէբ յայտարարեց, որ «Տէրը ինձի հետ ըլլայ, ու ես զանոնք վտարեմ, ինչպէս Տէրը ըսաւ» (Հմ. 12):

Անկախ տարիքէն, կեանքի փուլերէն կամ պարագաներէն՝ Աստուած կ'օգնէ բոլոր անոնց, որոնք սրտանց կը վստահին Իրեն: Յիսուսի միջոցով, Աստուած տեսանելի դարձաւ: Աւետարանները հաւատք կը ներշնչեն առ Աստուած՝ այն ամէն բաներուն միջոցով, որ մենք կը տեսնենք Քրիստոսի մէջ: Ան ցոյց տուաւ Աստուծոյ հոգատարութիւնն ու կարեկցութիւնը, բոլոր անոնց հանդէպ, որոնք օգնութիւն կը խնդրէին Իրմէ: Ինչպէս Եբրայեցիս գիրքին հեղինակը կը հաստատէ. «Տէրը օգնականս է, ուստի պիտի չվախնամ» (Եբ. 13. 6): Երիտասարդ, թէ՛ ձեր, թոյլ կամ ուժեղ, կապուած կամ ազատ, արագընթաց կամ կաղացող. ի՞նչը կը խանգարէ մեզ այսօր Անոր օգնութիւնը խնդրելու:

Աղօթք - Ամենակարող Աստուած, օգնէ ինձի տեսնելու Զեզ՝ որպէս օգնութեանս աղբիւրը՝ ամէն պարագաներու մէջ: Ամէն: Ո՛վ ներշնչած է քեզ: Ինչպէ՛ս կը տեսնես Աստուած՝ որպէս քո՛ւ օգնութեան աղբիւրը՝ ամէն բանի մէջ:

Մինչեւ Թեսաղոնիկե դրկեցիք ինձի պետք եղածը՝ մէկ-երկու անգամ: [Փիլ. 4. 16]

ՄԻԱՍԻՆ ԾԱՌԱՅԵԼ ՅԻՍՈՒՄՈՎ

Փրկարարները՝ Համագործակցեցան իրարու հետ Միքրոնէզիայի (*Micronesia*) կղզիին վրայ արգելափակուած երկու մարդերու օգնելու համար: Անոնց միասին աշխատիլը անհրաժեշտ էր, քանի որ համատարած առողջական ճգնաժամը իրենցմէ կը պահանջէր սահմանափակել իրարու հետ շփուիլը: Օգնելու, որ առաջինը եղաւ նկատելու նաւաբեկուածները եւ տեղեկացնելու մօտը գտնուող Ավստրալական մարտանաւին: Նաւը զրկեց երկու ուղղաթիւ, որոնք հասցուցին սնունդ, ջուր եւ բժշկական օգնութիւն: Աւելի ուշ Ամերիկայի Միացեալ Նահանգներու առափնիա պահակախումբը հասաւ ստուգելու ու անոնց տրամադրելու հաղորդակցութեան միջոց: Ի վերջոյ, Միքրօնէզիա հսկիչ նաւը, զիրենք տեղափոխեց իրենց նպատակակէտին:

Մենք կրնանք շատ բան ընել, երբ միասին աշխատինք: Փիլիպպէի հաւատացեալները միաւորեցին իրենց ջանքերը՝ աջակցելու Պօղոս առաքեալին: Լիդիան եւ իր ընտանիքը, զինք ընդունեցին իրենց տան մէջ (Գործք 16. 13-15): Կղեմէսը եւ նոյնիսկ Լաւոդիան եւ Սիւնտիքը (որոնք իրարու հետ համաձայն չէին) բոլորն ալ ուղղակիօրէն աշխատեցան առաքեալին հետ՝ բարի լուրը տարածելու համար (Փիլ. 4. 2-3): Աւելի ուշ, երբ Պօղոս բանտարկուեցաւ Հռոմի մէջ, եկեղեցին հաւաքեց խնամքի ծրարի համար անհրաժեշտ եղած բաները եւ առաքեց զանոնք Եպափրոդիտոսի միջոցով (Հմ. 14-18): Սակայն ամենակարեւորը, թերեւս, Փիլիպպեցիները աղօթեցին իրեն համար՝ իր ծառայութեան ընթացքին (1. 19):

Այս հինաւուրց եկեղեցիին մէջ՝ միասին ծառայող հաւատացեալներու օրինակները կրնան ոգեշնչել մեզ այսօր: Համագործակցելով հաւատակիցներու հետ՝ աղօթելու եւ ուրիշներուն ծառայելու համար, ինչպէս Աստուած կ'առաջնորդէ եւ կը զօրացնէ մեզ, շատ աւելին կը հասնի, քան երբեւէ կարող էինք առանձին ընել:

Աղօթք - Սիրելի Աստուած, կը խնդրեմ՝ ցոյց տուր ինձի, թէ ինչպէ՞ս կրնամ միանալ միւսներուն, որոնք կը ծառայեն Քեզի: Ամէն:

Ե՞րբ լաւ ծառայած էք՝ միւս հաւատացեալներուն հետ: Ի՞նչն է հոգեւոր կապի հիմքը, որ դուք կը բաժնեկցիք անոնց հետ:

Կը լսէ խօսքը, սակայն այս աշխարհի հոգեքը ...
կը խեղդեն խօսքը: [Մատթ. 13. 22]

ՔԱՇԷ՝ ՀՈԳԵՐՈՒ ՄՈԼԱԽՈՏԵՐԸ

Քանի մը սերմեր թաղելէ ետք՝ տանս բակի բանջարանոցին մէջ, սպասեցի տեսնելու արդիւնքները: Կարդալով, որ սերմերը բողբոջելու են տասէն՝ տասնչորս օրուան ընթացքին, յաճախ կը ստուգէի՝ հողը ջրելու ընթացքին: Շուտով տեսայ քանի մը կանաչ տերեւներ, որոնք դուրս եկած էին: Բայց իմ ուրախութեան պղպղակը շուտով պայթեցաւ, երբ ամուսինս ըսաւ, որ ատոնք մոլախոտեր են: Ան խրախուսեց զիս, որ շուտով քաշեմ զանոնք, որպէսզի չխեղդեն այն բոյսերը, որոնք ես կը փորձէի աճեցնել:

Յիսուս նաեւ պատմեց ներխուժողներու հետ գործ ունենալու կարեւորութեան մասին, որոնք կրնան խանգարել մեր հոգեւոր աճումին: Ան բացատրեց իր առակին մէկ հատուածը այսպէս. երբ սերմնացանը իր սերմերը նետեց ոմանք «ինկան փուշերու մէջ ... եւ փուշերը խեղդեցին զանոնք» (Մատթ. 13. 7): Փուշերը կամ մոլախոտերը ճիշդ այդ մէկը կ'ընեն՝ բոյսերուն ու կը դադրեցնեն անոնց աճը (Հմ. 22): Եւ հոգեքը, անշուշտ, կը խանգարեն մեր հոգեւոր աճումին: Աստուածաշունչ կարդալը եւ աղօթելը մեր հաւատքը աճեցնելու հիանալի միջոցներ են, բայց հասկցայ, որ պէտք է զգուշանամ հոգեքը փուշերէն: Ատոնք «կը խեղդեն» իմ մէջս դրուած բարի խօսքը ստիպելով ինձի կեդրոնանալ այն բանին վրայ, թէ ինչ բան կրնայ սխալ ըլլալ:

Հոգիին պտուղները, որոնք կը գտնուի Աստուածաշունչին մէջ, կը ներառեն այնպիսի բաներ, ինչպիսին են սէրը, ուրախութիւնը, խաղաղութիւնը (Պաղ. 5. 22): Բայց որպէսզի մենք տանք այդ պտուղը, Աստուծոյ զօրութեամբ՝ պէտք է դուրս քաշենք կասկածի կամ մտահոգութեան որոմը, որ կրնայ շեղել մեզ եւ ստիպել որ կեդրոնանանք որեւէ այլ բանի վրայ, բացի իր վրայ:

Աղօթք - Սիրելի Երևաւոր Հայր, կը խնդրեմ՝ յիշեցո՛ւր ինձի, որ յաճախ մոլախոտ քաշեմ՝ հրաժարելով մտահոգութեան եւ խաբէական մտքերէն, որպէսզի աճիմ եւ պտուղ տամ: Ամէն:
Աստուած կ'օգնէ մեզի որ աճեցնենք այն սերմերը, որոնք ինք տնկած է մեր մէջ, եթէ մենք պատրաստ ըլլանք՝ քաշելու հոգերու որոմները:

Ահա՛ քու առջեւեղ հրեշտակ մը կը դրկեմ, որ
ճամբան պահպանե քեզ: [Ել. 23. 20]

ՀՐԵՇՏԱԿ ՈՒՂԵԿԻՑՆԵՐ

Քանի որ բժշկական քննութենէ քնութիւն՝ լեցուցին
Պէվի (Bev) ժամանակացոյցը, ան ծանրաբեռնուեցաւ ու
հոգնած զգաց: Բժիշկները ահագանգած էին իրեն, երբ ըսէր
էին, որ իր մարմինին մէջ՝ տեղ մը քաղցկեղ կը փնտռեն:
Ամէն օր՝ Աստուած հաւատարիմ կերպով կը քաջալերէր զինք,
ներկայութեան խոստումով եւ մշտական խաղաղութիւնով, երբ
ան կը դիմէր Անոր կամ կը կարգար Աստուածշունչը: Պէվ
կը պայքարէր անորոշութիւններու դէմ եւ յաճախ կը սորվէր
գլորել «ի՞նչ կ'ըլլար եթէ» Աստուծոյ ուսերուն վրայ: Առաւօտ
մը, Պէվ հանդիպեցաւ համարի մը Ելից 23-ին մէջ, որ դուրս
եկաւ էջէն իր սիրտին՝ լուրջ վիրահատութենէ մը առաջ: «Ահա՛
քու առջեւեղ հրեշտակ մը կը դրկեմ, որ ճամբան պահպանէ
քեզ» (Հմ. 20):

Այդ խօսքերը Աստուած՝ Մովսէսի միջոցով ըսաւ իր
ժողովուրդին՝ Իսրայէլացիներուն: Ան կու տար իր օրէնքները,
որպէսզի իր ժողովուրդը հետեւի եւ առաջնորդեց զիրենք դէպի
նոր երկիրը (Հմ. 14-19): Բայց այդ հրահանգներուն մէջտեղ
Ան ըսաւ անոնց, որ հրեշտակ մը կը դրկէ անոնց առջեւէն,
«որպէսզի պահպանէ զիրենք ճանապարհին»: Թէեւ սա՛ Պէվի
կեանքի իրավիճակը չէր, ան յիշեց, որ հրեշտակներու խնամքը
կը յիշատակուի Աստուածաշունչին մէջ: Սաղմոս 91. 11-ին
մէջ կ'ըսուի. «Արդարեւ իր հրեշտակներուն պիտի պատուիրէ
քու մասիդ, որ բոլոր ճամբաներուդ մէջ պահպանեն քեզ»: Եւ
Եբրայեցիս 1. 14-ին մէջ կ'ըսուի, որ Աստուած հրեշտակներ կը
դրկէ՝ որպէս «սպասաւորութիւն ընող հոգիներ»՝ ծառայելու
Յիսուսի հաւատացողներուն:

Եթէ մենք կը ճանչնանք Քրիստոսը, Ան հրեշտակ կամ
հրեշտակներ ունի մեր մօտ, որպէսզի ծառայեն նաեւ մեզի:

Աղօթք - Սիրելի Յայր, երախտապարտ եմ, որ Դուն միշտ մօտ
ես եւ Դո՛ւն նաեւ ունիս Զու հրեշտակներդ, որոնք կը հսկեն Զու
զաւակներուդ: Ամէն:

**Աստուած շատ բաներ կրնայ ընել իր հրեշտակներուն միջոցով.
ուստի թող քաջալերուինք այս խօսքով:**

Ամեն ատեն աղօթեցէ՛ք Յոգիով՝ ... յարատեւութեամբ եւ աղերսանքով՝ բոլոր սուրբերուն համար: [Եփ. 6. 18]

ԱՂՕԹԷ ԵՒ ՀՍԿԷ

Երբ կը մղուին հոգեւոր մարտեր, Յիսուսի հաւատացողները՝ պէտք է լուրջ վերաբերին աղօթքին: Ճլորիտայէն (Florida) կին՝ մը հասկցաւ, թէ որքա՛ն վտանգաւոր կրնայ ըլլալ եթէ անխոհեմ կերպով կիրառենք աղօթքը: Երբ ան աղօթէր, կը փակէր աչքերը: Բայց օր մը ինքնաշարժը վարած ատեն փակ աչքերով աղօթելով, չկրցաւ կենալ կանգ առնելու ազգանշանին մօտ: Սուրաց խաչմերուկին եւ ճամբէն դուրս ելլելով, մտաւ տան մը բակը: Երբ ան փորձեց ետեւ երթալ եւ դուրս գալ բակէն՝ չյաջողեցաւ: Թէեւ ան չվիրաւորուեցաւ, սակայն ոստիկանները իրեն անզգուշ վարորդի տուգանք տուին՝ գոյքերու վնաս հասցնելուն համար: Այս աղօթքի մարտիկը՝ չտեսաւ Եփեսացիս 6. 18 հատուածին հիմնական մասը՝ հսկեցէքը:

Որպէս Աստուծոյ ամբողջ սպարազինութեան մաս՝ Եփեսացիս 6-ին մէջ, Պօղոս առաքեալ կը ներառէ երկու վերջին կէտեր: Նախ, մենք պէտք է հոգեւոր մարտեր մղելու ենք աղօթքով: Սա՛ կը նշանակէ, աղօթել Հոգիով եւ ապաւինիլ Անոր զօրութեան: Նաեւ հանգստանալով Անոր առաջնորդութեամբ եւ արձագանքելով Անոր յիշեցումներուն՝ աղօթելով ամէն տեսակի աղօթքներ ամէն առիթներով (Հմ. 18): Երկրորդ՝ Պօղոս մեզ քաջալերեց «հսկելու»: Հոգեւոր հսկողութիւնը կրնայ օգնել մեզ պատրաստուելու Յիսուսի վերադարձին (Մար. 13. 33), յաղթել փորձութեան (14. 38) եւ բարեխօսելու այլ հաւատացեալներու համար (Եփ. 6. 18):

Մինչ մենք ամէն օր մարտեր կը մղենք, եկէ՛ք ներթափանցենք մեր կեանքը «աղօթէ եւ հսկէ» մօտեցումով՝ ու պայքարինք չար ուժերու դէմ եւ խաւարը խոցելով՝ Քրիստոսի լոյսով:

Աղօթք - Միրելի Յայր, կը խնդրե՛մ, օգնէ որ հսկեմ եւ աղօթեմ ինծի եւ ուրիշներու համար: Ամէն:

Մեր հոգեւոր պայքարներուն մէջ՝ կարելոր է «աղօթել եւ հսկել»ու մտածելակերպը որդեգրել:

Մենք կը սիրենք զայն, որովհետեւ նախ ան
սիրեց մեզ: [Ա. Յովհ. 4. 19]

ԿԱՐԵԼԻ ՉԷ՝ ՉՍԻՐԵԼ ԱՍՏՈՒԾՈՅ

Երբ իմ այժմու մեծցած տղամ Ջավյէր (*Xavier*), մանկապարտէզ էր, իր բազուկները լայն բացաւ ու ըսաւ. «Ես քեզ այսչա՛նի կը սիրեմ»: Ես ալ աւելի երկար բազուկներս՝ լայն բացի եւ ըսի. «Ես քեզ շատ կը սիրեմ»: Բռունցքները դնելով կոնքերուն վրայ ան ըսաւ. «Նախ ես քեզ սիրեցի»: Օրօրեցի գլուխս եւ ըսի. «Ես քեզ սիրեցի, երբ Աստուած դրաւ քեզ իմ արգանդիս մէջ»: Ջավյէրի աչքերը բացուեցան երբ ըսաւ. «Դուն յաղթեցիր»: Ես ալ ըսի. «Մենք երկուքս ալ յաղթեցինք, որովհետեւ Յիսուս նախ մեզ երկուքս սիրեց»:

Մինչ Ջավյէր կը պատրաստուի իր առջինեկին լոյս աշխարհ գալուն, կ'աղօթեմ, որ ան հաճոյք ստանայ իր որդին աւելի շատ սիրելու, մինչ անոնք քաղցր յիշատակներ կը ստեղծեն: Բայց մինչ ես կը պատրաստուիմ մեծմայր դառնալու, կը զարմանամ, թէ որքա՛ն կը սիրէի թոռնիկիս՝ այն պահէն, երբ Ջավյէր եւ իր կինը մեզի ըսին, որ երեխայ կը սպասեն:

Յովհաննէս առաքեալ հաստատեց, որ Տէր Յիսուսի ունեցած սէրը՝ մեր հանդէպ, մեզի հնարաւորութիւնը կու տայ սիրելու զի՛նք եւ ուրիշներ (Ա. Յովհ. 4. 19): Իմանալով՝ որ Ան կը սիրէ մեզ, մեզի կու տայ ապահովութեան զգացում մը, որ կը խորացնը մեր անձնական յարաբերութիւնը իր հետ (Հմ. 15-17): Մինչ կ'անդրադառնանք մեզի հանդէպ իր ունեցած սիրոյն խորութեան (Հմ. 19), մենք կրնանք աճիլ իր հանդէպ մեր ունեցած սիրոյն մէջ եւ սէր արտայայտել այլ յարաբերութիւններու մէջ (Հմ. 20): Յիսուս ո՛չ միայն մեզ կը զօրացնէ սիրելու, այլ նաեւ կը պատուիրէ սիրել. «Սա՛ պատուիրանը ունինք անկէ. ո՛վ որ կը սիրէ Աստուած, թող սիրէ նաեւ իր եղբայրը եւ քոյրը» (Հմ. 21): Երբ հարցը կու գայ լաւ սիրելու, Աստուած միշտ կը յաղթէ: Հոգ չէ՛ թէ որքան ալ աւելի փորձենք, չենք կրնար չսիրել Աստուած:

Աղօթք - Սիրելի Փրկի՛չ, շնորհակալ եմ, որ առաջ Դո՛ն գիս սիրեցիր, որպէսզի կարենամ սիրել ուրիշները: Ամէն:

Աստուած կը սիրէ մեզ եւ կ'օգնէ որ մենք ալ ուրիշները սիրենք:
Կարելի է սեր ցոյց տալ ուրիշներուն այս շաբաթ:

Ամեն իշխանութիւն ինձի՝ տրուեցաւ: [Մատթ. 28. 18]

ՅԻՍՈՒՍԻ ԻՇԽԱՆՈՒԹԻՒՆԸ

Նոյնի՛սկ, երբ Յիսուս ազատեց որդիս՝ Ճէֆֆը (Geoff), տարիներ շարունակ թմրանիւթ չարաչափէլէ ետք, ես ունէի տակաւին որոշ մտահոգութիւններ: Մենք՝ միասին շատ բաներու մէջէն անցած ենք, սակայն ուշադրութիւնս երբեմն մնաց իր դժուար անցեալին վրայ, փոխանակ ապագային, որ Աստուած ունէր իրեն համար: Թմրամոլներու ծնողները՝ յաճախ կ'անհանգստանան՝ իրենց զաւակներուն կրկին մոլի ըլլալու մասին: Օր մը՝ ընտանեկան հաւաքոյթի ժամանակ մէկ կողմ քաշեցին Ճէֆֆին եւ ըսի «Յիշէ՛, մենք ունինք հզօր հակառակորդ մը»: «Գիտե՛մ՝ Հայրիկ», պատասխանեց ան, «զօրութիւն ունի, սակայն չունի իշխանութիւն»:

Այդ պահուն յիշեցի Յիսուսի անզուգական իշխանութիւնը՝ փրկելու մեզ մեր մեղքերէն եւ փոխելու մեր կեանքը, եթէ մենք կը նայինք Իրեն: Անմիջապէս մտածեցի Անոր խօսքերուն մասին՝ ուղղուած աշակերտներուն՝ նախ քան վերադարձը երկինք գտնուող Իր Հօր մօտ. «Ամէ՛ն իշխանութիւն ինձի՛ տրուեցաւ՝ երկինքի մէջ ու երկրի վրայ: Ուրեմն գացէ՛ք ...» (Մատթ. 28- 18-19):

Նսաչեալ եւ յարուցեալ Յիսուսը՝ մեզի համար ճամբայ բացած է՝ Անոր մօտ գալու, հոգ չէ թէ ի՞նչ է մեր անցեալը: Ան կը պահէ թէ՛ մեր անցեալը եւ թէ՛ մեր ապագան: Քանի որ Ան խոստացած է միշտ մեզի հետ ըլլալ (Հմ. 20), մենք կրնանք վստահ ըլլալ, որ Ան կ'իրականացնէ Իր նպատակները եւ մեր կեանքը կը գտնուի Իր անխափան ձեռքերուն մէջ: Յիսուս մեզի կու տայ անզուգական յոյս. յոյս մը՝ այնքա՛ն լաւ է, որ չենք կրնար պահել զայն մենք մեզի: Ստանան եւ աշխարհը կրնան ունենալ փոքր ժամանակ՝ քիչ մը զօրութիւն, բայց «ամբողջ իշխանութիւնը»՝ յաւիտեան կը պատկանի Յիսուսի:

Աղօթք - Սիրելի Հայր, շնորհակալ եմ որ սիրով զիս կանչեցիր Քու մօտդ: Կը խնդրե՛մ, առաջնորդէ զիս մէկու մը մօտ, որու հետ այսօր կրնամ բաժնեկցիլ Քու սերդ: Ամեն:

Տէր Յիսուսի իշխանութիւնը մեզի յոյս կը ներշնչէ: Հետեալքար մենք կրնանք բաժնեկցիլ՝ Անոր մեզի համար ըրածը՝ մէկու մը հետ:

Որովհետև Աստուած այնպես սիրեց աշխարհը, որ մինչև ևս անգամ տուաւ իր միածին Որդին: [Յովի. 3. 16]

ՍԱՂՏՈՍ 72 ԱՌԱՋՆՈՐԴՆԵՐ

Մէրի Շէլլի (*Mary Shelley*) Ֆրէնգըշթայնի (*Frenkestein*) մէջի «Հրէշը», ամենայայտնի գրական կերպարներէն մէկն է, որ կը գրաւէ մեր մշակութային երեւակայութիւնը: Բայց սիրելի վէպին մտերիմ ընթերցողները գիտեն, որ կարելի է հիմնաւոր փաստեր հաստատել, որ Շէլլին իրականութեան մէջ կը պատկերացնէ Վիքթոր Ֆրէնգըշթայն մոլորուած գիտնականը, որ ստեղծած է այդ արարածը, որպէս իսկական հրէշը: Խելացի արարած մը ստեղծելէ ետք, Վիքթոր կը մերժէ որեւէ առաջնորդութիւն, ընկերակցութիւն կամ երջանկութեան յոյս՝ կարծես երաշխաւորելով արարածին իջնելը դէպի յուսահատութիւն եւ զայրոյթ: Հակառակելով Վիքթորին, արարածը կ'ողբայ. «Դո՛ւն՝ զիս ստեղծողը, պիտի պատուէիր ու յաղթէիր ինձի»:

Աստուածաշունչը կը բացայատէ՛, թէ որքա՛ն տարբեր է բոլոր բաներու ճշմարիտ Արարարիչը, անփոփոխ անխոնջ սիրով իր ստեղծագործութեան հանդէպ: Աստուած քմահաճոյքով չստեղծեց աշխարհը, այլ սիրով մղուած՝ գեղեցիկ, «չառ լաւ» (Ծն. 1. 31): Ու նոյնիսկ այն ժամանակ, երբ մարդկութիւնը հեռացաւ իրմէ՝ ընտրելու հրեշաւոր չարը, Աստուծոյ նուիրումն ու մարդկութեան հանդէպ իր ունեցած սէրը՝ չփոխուեցաւ:

Ինչպէ՛ս Յիսուս բացատրեց Նիկոզիմոսի, Աստուծոյ սէրը իր ստեղծագործութեան հանդէպ՝ այնքան մեծ էր, որ Ան պատարաստ էր տալ՝ նոյնիսկ այն, ինչ որ ամենասուղն էր իրեն համար՝ «իւր միածին Որդին» (Յովհ. 3. 16), որպէսզի աշխարհը փրկուի: Յիսուս զոհաբերեց ինքզինք՝ կրելով մեր մեղքին պատիժը, որպէսզի «ո՛վ որ հաւատայ անոր՝ չկորսուի, հապա ունենայ յաւիտենական կեանք» (Հմ. 15):

Արարիչ մը ունինք՝ որու կրնանք վստահիլ՝ մեր սիրտով եւ կեանքով:

Աղօթք - Սիրելի Աստուած, շնորհակալ եմ Զեզի՛ լաւ Արարիչ ըլլալուդ համար, ու ես կարող եմ վստահիլ Զեզի: Ամէն:
Ինչպէ՛ս Աստուծոյ հաւատարմութիւնը իր ստեղծագործութեան վրայ, կ'ազդէ մեր վրայ: Ինչպէ՛ս կրնանք արծագանգել մեզի հանդէպ անոր ցուցաբերած սիրոյն:



Քու աղօթքդ լսեցի եւ արցունքներդ տեսայ.
սհա՛ քեզ պիտի բուժեմ: [Դ. Թագ. 20. 5]

ԱՂՕԹՔԻ ՀԱՐՑԵՐ

«Աղօթքներ՝ ուղեղի առաջիկայ քննութեան համար»:

«Որպէսզի երեխաներս վերադառնան եկեղեցի»:
«Մխիթարութիւն Տէյվին (Dave) համար, որ կորսնցուց իր կողակիցը»: Մեր քարտերու ծառայութեան խումբը կը ստանայ նման աղօթքներու խնդրանքներու՝ շաբաթական ցուցակ մը, որպէսզի մենք կարենանք աղօթել եւ իւրաքանչիւր անձի՝ ձեռագիր գրութիւն մը ղրկել: Խնդրանքները ճնշիչ են, եւ մեր ջանքերը կրնան թուիլ փոքր ու անկատար: Սակայն այդ փոխուեցաւ, երբ ստացայ սրտագին շնորհակալութեան բացիկ մը Տէյվին, վերջերս սգակիր դարձած ամուսինէն, իր սիրելի կնոջ մահազգի օրինակին հետ: Ես նո՛ր հասկցայ, որ աղօթքը կարեւոր է:

Յիսուս օրինակ եղաւ, որ մենք պէտք է աղօթենք ջերմեռանդ, յաճախ եւ յուսադրող հաւատքով: Երկրի վրայ Իր ժամանակը սահմանափակ էր, բայց Ան առաջնահերթութիւն սեպեց՝ առանցնանալով աղօթելը (Մարկ. 1. 35, 6. 46, 14. 32):

Հարիւրաւոր տարիներ առաջ՝ Իսրայէլի Եզեկիա թագաւորը նոյնպէս սորվեցաւ այս դասը: Անոր ըսին, որ հիւանդութիւնը շուտով պիտի խլէր իր կեանքը (Դ. Թագ. 20. 1): Վիշտի մէջ եւ դառնօրէն լալով, Եզեկիա «իր երեսը պատին դարձուց եւ Տէրոջ աղօթեց» (Հմ. 2): Այս դէպքին մէջ՝ Աստուծոյ արձագանգը անմիջական էր: Ան բժշկեց Եզեկիայի հիւանդութիւնը, տասնհինգ տարիներ աւելցուց անոր կեանքին վրայ եւ խոստացաւ փրկել թագաւորութիւնը հակառակորդներէն (Հմ. 5-6): Աստուած պատասխանեց անոր աղօթքին՝ ո՛չ թէ այն պատճառով, որ Եզեկիա կ'ապրէր լաւ կեանքով, այլ «իր ծառային՝ Դաւիթի սիրոյն համար» (Հմ. 6): Մենք միշտ չէ՛, որ կը ստանանք այն ինչ որ կը խնդրենք, բայց կրնանք վստահ ըլլալ, որ Աստուած կ'աշխատի իւրաքանչիւր աղօթքի մէջ եւ միջոցով:

Աղօթք - Երկնաւոր Յայր, շնորհակալ եմ՝ որ լսեցիր իմ աղօթքներս: Ամէն:

Ո՛վ այսօր պէտք ունի քու աղօթքիդ: Ինչպե՞ս կրնաս յիշել դուն քեզի, որ աւելի յաճախ կենաս եւ աղօթես:

Երբ վախնամ՝ քեզի պիտի վստահիմ: [Սաղմ. 56. 3]

ՀԱԿՏՔԻ ՅԱՂԹԱՆԱԿԸ

Փոքրիկ չորս տարեկան Կալվինի (Calvin) առողջական սովորական քննութիւնը, անոր մարմինին վրայ յայտնաբերեց քանի մը անսպասելի բիծեր: Այցելութեան ընթացքին քանի մը պատուաստներ ըրին ու ներարկման տեղը ծածկեցին կաշուն վիրակապով: Տունը՝ երբ ժամանակը հասաւ կաշուն ծածկը հանելու, Կալվին վախէն՝ հեծկտաց: Ուզելով հանգստացնել որդիին՝ հայրը ըսաւ. «Կալվին, գիտես թէ բնաւ բան մը պիտի չընեմ՝ քե՛զ ցաւցնելու համար»: Հայրը կ'ուզէր, որ իր որդին աւելի շատ վստահի իրեն, քան վախնալու կաշուն վէրքին կապը հանելէ:

Միայն չորս տարեկանները չէ՛, որոնք կը նուազին անհանգստութեան պարագային: Վիրահատութիւնները, սիրելիներէն բաժնուիլը, մտային կամ հոգեբանական հարցերը, ու շատ աւելին, կ'առաջացնեն մեր վախերը, հեծեծանքները, լացն ու հառաչանքները:

Դաւիթի սարսափելի պահերէն մէկն էր, երբ ան ինքզինք գտաւ Փղշտացիներու տարածքին մէջ, մինչ փախուստ կու տար Սաւուղ թագաւորէն: Երբ ճանչցան զինք, ան մտահոգ էր թէ ի՞նչ կրնայ պատահիլ իր հետ (տե՛ս Ա. Թագ. 21. 10-11). «Դաւիթ .. Գէթի թագաւորէն Անքուսէն շատ վախցաւ» (Հմ. 12): Անդրադառնալով այս անհանգիստ իրավիճակին՝ Դաւիթ գրեց. «Երբ վախնամ՝ քեզի պիտի վստահիմ. ... Աստուծոյ կը վստահիմ, պիտի չվախնամ» (Սաղմ. 56. 3-4):

Ի՞նչ ընենք, երբ կեանքի անհանգստութիւնները բորբոքեն մեր վախերը: Մենք կրնանք մեր վստահութիւնը դնել՝ մեր Երկնաւոր Հօր վրայ:

Աղօթք - Սիրելի Հայր, իմ մարդկային տկարութեանս մէջ՝ ես կը վախնամ: Օգնե՛ ինձի տեսնելու ու զգալու Քու սերդ ու հոգատարութիւնդ, նոյնիսկ իմ փորձութիւններուս եւ անհանգստութիւններուս մէջ: Ամէն:

Որոշ իրավիճակներ կրնան մեզի վախ պատճառել, սակայն կարելի է հանգիստ ըլլալ՝ Անոր խնամքին տակ, եթէ աղօթքով մեր բոլոր վախերը բերենք մեզ սիրող Երկնաւոր Հօրը առջեւ:

Լալով պիտի գան, եւ աղաչանքներով
գանոնք պիտի բերեմ: [Եր. 31. 9]

ՈՒՐԱԽՈՒԹԵԱՆ ԱՐՑՈՒՆՔՆԵՐ

Առաւօտ մը՝ տունէն դուրս գալով, Տիին (Dean) գտաւ քանի մը ընկերներ, որոնք զինք կը սպասէին փուչիկներով: Իր ընկերը՝ Ճօշ (Josh) առաջ անցաւ ու պահարան մը յանձնելէ առաջ ըսաւ. «Քու գրած բանաստեղծութիւններդ մրցոյթի մտցուցինք»: Պահարանին մէջ բացիկ մը կար՝ որու վրայ գրուած էր «Առաջին մրցանակ», եւ շուտով բոլորը ուրախութենէն սկսան արտասուել: Տիինի ընկերները գեղեցիկ բան մը ըրած էին՝ հաստատելով անոր գրելու տաղանդ ունենալը:

Ուրախութենէն արտասուելը՝ տարրաբանական փորձառութիւն մըն է: Արցունքները սովորաբար ցաւի պատասխան են, ո՛չ թէ ուրախութեան. եւ ուրախութիւնը՝ սովորաբար կ'արտայայտուի ծիծաղով եւ ո՛չ թէ արցունքներով: Իտալացի հոգեբաններ նշած են, որ ուրախութեան արցունքները կու գան խոր անձնական նշանակութիւն ունեցող պահերուն մէջ. օրինակ՝ երբ մենք խորապէս սիրուած կը զգանք կամ երբ կը հասնինք հիմնական նպատակի մը: Այս իրողութիւնը՝ անոնց ստիպեց եզրակացնելու, որ ուրախութեան արցունքները մեր կեանքի իմաստին ցուցանիչներն են:

Ես կը պատկերացնեմ, որ ուրախութեան արցունքները կը ժայթքին ամէն տեղ, ուր Յիսուս կ'երթար: Ինչպէ՞ս կրնային կոյր ծնած մարդուն ծնողները ուրախութենէն հարտասուել, երբ Յիսուս բժշկեց անոր (Յովհ. 9. 1-9), կամ Մարիամն ու Մարթան ուրախութեան արցունքներ չթափէին՝ իրեցն եղբօր յարութենէն ետք (11. 38-44): Երբ Աստուծոյ ժողովուրդը կը բերուի վերականգնած աշխարհը՝ Աստուած կ'ըսէ. «Լալով պիտի գան, եւ աղաչանքներով զանոնք պիտի բերեմ» (Եր. 31. 9):

Երբ արցունքները կը հոսին մեր դէմքերուն վրայ, մենք անկասկած պիտի իմանանք, որ կեանքի իմաստը մի՛շտ ալ եղած է՝ Անոր հետ մտերիմ ապրելով:

Աղօթք - Դայր Աստուած, շնորհակալ եմ՝ Զեզ սիրողներուն սպասող ուրախութեան համար: Ամէն:

Ե՞րբ վերջին անգամ ուրախութենէ լացիր: Ի՞նչ կը խորհիս՝ որ է կեանքի իմաստը:

Ան որ ունի իմ պատուիրաններս եւ կը պահէ
զանոնք, անիկա՛ Է զիս սիրողը: [Յովի. 14. 21]

ՍԻՐՈՂ ՀՆԱԶԱՆԴՈՒԹԻՒՆ

Մեր հարսանեկան արարողութեան ընթացքին՝ մեր հովիւը ըսաւ ինծի. «Կը խոստանա՞ս սիրել, յարգել եւ հնազանդիլ ամուսինիդ, մինչեւ որ մահը ձեզ իրարմէ զատէ՛»: Նայելով նշանածիս՝ փսփսացի. «Հնազանդիլ՞»: Մենք մեր յարաբերութիւնները կառուցած էինք սիրոյ եւ յարգանքի վրայ, ո՛չ թէ կոյր հնազանդութեան, ինչպէս ամուսնական ուխտը կ'ըսէ: Ամուսինիս հայրը՝ Փիլմի առած էր իմ աչքս լայն բացած պահը, երբ ես կը փորձէի մշակել հնազանդիլ բառը եւ ըսի. «Այո»:

Տարիներու ընթացքին՝ Աստուած ինծի ցոյց տուաւ, որ հնազանդիլ բառին իմ ունեցած դիմադրութիւնս ո՛չ մէկ կապ չունի ամուսինի եւ կնոջ միջեւ անհաւատելի բարդ յարաբերութիւններուն հետ: Ես հասկցած էի՝ որ հնազանդիլ կը նշանակէ «Հպատակիլ» կամ «Հարկադիր ենթարկուիլ», որը չի՛ հաստատեր Աստուածաշունչը: Ընդհակառակը, հնազանդիլ բառը՝ Աստուածաշունչին մէջ, կ'արտայատէ Աստուած սիրելու բազմաթիւ ձեւեր: Երբ ես ու ամուսինս՝ կը նշենք մեր ամուսնութեան երեսուն ամեակը, Սուրբ Հոգիին զօրութիւնով մենք տակաւին կը սորվի՛նք սիրել Յիսուսի եւ զիրար:

Երբ Յիսուս ըսաւ. «Եթէ կը սիրէք զիս՝ պահեցէ՛ք պատուիրաններս» (Յովհ. 14. 15): Ան մեզի ցոյց տուաւ, որ Աստուածաշունչին հնազանդիլը, կ'ըլլայ Իր հետ շարունակական սիրայիւր եւ մտերիմ յարաբերութիւններու արդիւնքը (Հմ. 16-21):

Յիսուսի սէրը անշահախնդիր է, անվերապահ եւ երբէ՛ք բռնի կամ չարաշահական չէ: Երբ մենք կը հետեւինք ու կը պատուենք Անոր մեր բոլոր յարաբերութիւններուն մէջ, Սուրբ Հոգին կրնայ օգնել մեզի տեսնելու Անոր հնազանդիլը, որպէս վստահութեան եւ երկրպագութեան իմաստուն եւ սիրառատ գործողութիւն:

Աղօթք - Տէր Յիսուս, օգնէ՛ ինծի որ սիրեմ Զեզ եւ ուրիշները՝
Աստուծոյ Խօսքին հնազանդելու միջոցով: Ամէն:

**Աստուծոյ հնազանդիլը՝ որպէս սիրոյ եւ վստահութեան արարք տեսնելը՝
կը փոխէ մեր տեսակէտը՝ Աստուծոյ հնազանդելու ցանկութեան
մասին: Աստուած կ'ապացուցակէ որ մենք կրնանք վստահիլ Իրեն:**

Ուստի՝ ունենալով շնորհներ, որոնք կը տարբերին այն շնորհքին համեմատ՝ որ մեզի տրուած է: [Ռոմ. 12. 6]

ԱՍՏՈՒԱԾԱՏՈՒՐ ԱՆՁՆԱԴՈՐՈՒԹԻՒՆ ԵՒ ՊԱՐԳԵՒՆԵՐ

Տասնեակ տարիներ առաջ՝ մասնակցեցայ գույշճական համագումարի մը, ուր բոլորը կը խօսէին անձնաւորութեան քննութեան տեսակի մասին: Մէկը ըսաւ. «Ես ՆԶՄԴ եմ» (Ներդարձական, Զգացական, Մտածող եւ Դատող - ISTJ - *Introversion, Sensing, Thinking, Judgement*): Ուրիշ մը ըսաւ. «Ես ԱՆԶԻ եմ» (Արտահայտող, Ներգիտակից, Զգայուն եւ Իմացական - ENFP - *Extraversion Intuition, Feeling, Perception*): Ես ալ ապշած կատեկեցի ըսելով. «Ես ալ ԱԲԳՔՕՅ եմ (ABCXYZ):

Այդ օրէն ի վեր, ես շատ բան սորվեցայ Մայրըգ-Պրիկզ (Myers-Brigs) քննութեան եւ այլ տեսակի քննութիւններու մասին, ինչպիսին են ԳԱԿԶ (Գերիշխողութիւն, Ազդեցութիւն, Կայունութիւն եւ Համապատասխանութիւն - DISC - *Dominance, Influence, Steadiness and Compliance*) քննութիւնները: Զանոնք գրաւիչ կը համարեմ, քանի որ անոնք կրնան օգնել մեզի հասկնալու մենք զմեզ եւ ուրիշներու օգտակար եւ բացայայտող ձեւերով լոյս սփռելու՝ մեր նախասիրութիւններուն, զօրութիւններուն եւ տկարութիւններուն վրայ: Պայմանով՝ որ մենք չափէն աւելի չօգտագործենք զանոնք, որոնք կրնան օգտակար գործիք ըլլալ, որ Աստուած կը գործածէ մեզ անհասկնալու համար:

Աստուածաշունչը՝ մեզի անհատականութեան քննութիւններ չառաջարկեր: Բայց կը հաստատէ իւրաքանչիւր մարդու եզակիութիւնը Աստուծոյ աչքին (տե՛ս Սաղմ. 139. 14-16, Երեմ. 1. 5), եւ ցոյց կու տայ թէ ինչպէ՛ս Աստուած բոլորս կը զինէ իւրայատուկ անհատականութիւնով եւ եզակի պարզեւներով: Պօղոս կ'ըսէ. «Ուստի՝ ունենալով շնորհներ, որոնք կը տարբերին այն շնորհքին համեմատ՝ որ մեզի տրուած է»: Այդ պարզեւները միայն մեզի համար չեն, այլ Աստուծոյ ժողովուրդին՝ Քրիստոսի մարմինին ծառայելու նպատակով են (Հմ. 5): Անոնք մեզ կը հրաւիրեն ըլլալու Աստուծոյ ծառայութեան իւրայատուկ անօթ մը:

Աղօթք - Յայր, շնորհակալ եմ՝ տուած պարգեւներուդ համար: Կը խնդրեմ, օգնէ ինձի ընդունելու այն ուղիները, որոնք տուած ես՝ սիրելու եւ ծառայելու ուրիշներուն՝ Զու թագաւորութեանդ մէջ: Ամէն: **Աստուած պարգեւներ տուած է մեզի՝ ուրիշներու ծառայելու համար. ո՛ւստի գործածէ՛նք զանոնք ուրիշներու ծառայելու համար:**

Եղիտ աղօթելով ըսաւ. «Ո՛վ Տէր, կ'աղերսե՛մ, անոր աչքե՛րը բաց, որպէսզի տեսնէ: [Դ. Թագ. 6. 17]

ՏԵՍՆԵԼՈՒ ԱԶՔԵՐ

Ճօյ՝ (Joy) մտահոգ էր իր ազգական Սէնտիի (Sandy) համար, որ տարիներ շարունակ կը պայքարէր ալքոհոլամոլութեան եւ հոգեկան առողջութեան հետ կապուած խնդիրներու դէմ: Երբ ան գնահայ Սէնտիի բնակարանը, դռները կղպուած էին եւ դատարկ կը թուէր ըլլալ: Երբ ան ուրիշ բարեկամներու հետ կը ծրագրէր Սէնտիին փնտռելու աշխատանքը, Ճօյ աղօթեց. «Աստուած, օգնէ ինծի տեսնելու այն, ինչ որ ես չեմ տեսներ»: Երբ անոնք կը հեռանային, Ճօյ ետ նայեցաւ Սէնտիի բնակարանին եւ տեսաւ վարագոյրի փոքր շարժում մը: Այդ պահուն, ան իմացաւ, որ Սէնտիին ողջ է: Թէեւ անոր հասնելու համար շտապ օգնութեան կարիքը եղաւ, սակայն Ճօյ շատ ուրախացաւ՝ այս պատասխանուած աղօթքին համար:

Եղիսէ մարգարէն գիտէր Աստուծոյ բան մը խնդրելու գորութիւնը՝ իրեն յայտնելու իր իրականութիւնը: Երբ Սուրբական բանակը շրջապատեց քաղաքը, Եղիսէի սպասարկուն՝ վախէն դողաց: Սակայն ոչ Աստուծոյ մարդը, որովհետեւ Աստուծոյ օգնութեամբ՝ ան նշոյլ մը տեսած էր անտեսանելիի վրայ: Եղիսէ աղօթեց, որ սպասարկուն նոյնպէս տեսնէ եւ «Տէրը սպասաւորին աչքերը բացաւ» տեսնելու որ «լեռը կրակէ ձիերով եւ կառքերով լեցուն էր» (Դ. Թագ. 6. 17):

Աստուած վերցուց հոգեւոր եւ Ֆիզիքական աշխարհներուն միջեւ եղող վարագոյրը՝ Եղիսէի եւ իր սպասարկունին համար: Ճօյ կը հաւատար, որ Աստուած օգնեց տեսնելու վարագոյրի փոքր թարթումը, իրեն յոյս ներշնչելով: Մենք ալ կրնանք խնդրել իրմէ, որ մեզի հոգեւոր տեսլական տայ՝ հասկնալու, թէ ի՞նչ կը կատարուի մեր շուրջ: Եւ մենք ալ կրնանք ըլլալ Անոր սիրոյ, ճշմարտութեան եւ կարեկցութեան գործակալները:

Աղօթք - Բոլոր ողորմութիւններու Դայ՛ր, կը խնդրեմ բաց աչքերս՝ տեսնելու Քու սերդ եւ շնորհքդ, որպէսզի գանոնք բաժնեկցիմ որիշներու հետ: Ամէն:

Սեզ ճնշող պարագաներու մէջ՝ խնդրենք Աստուծմէ, որ բանայ մեր աչքերը տեսնելու իր ճշմարտութիւնը՝ մեզ ծանրաբեռնող իրավիճակներու մէջ:

Անապատն ու տափաստանը բոլորովին պիտի ծաղկի: [Ես. 35. 2]

ԾԱՂԿՈՂ ԱՆԱՊԱՏՆԵՐ

Դար մը առաջ փարթամ անտառներ կը ծածկէին Եթովպիայի (Ethiopia) հողամասին մօտաւորապէս 40 տոկոսը, բայց ներկայիս՝ այդ կը կազմէ միայն մօտ չորս տոկոսը: Հողի մաքրումը՝ բոյսեր մշակելու համար ու ծառերը չպաշտպանելը, պատճառ եղած է կազմուած մարմիններու եւ շրջապատի փոխյարաբերութեան ուսումնասիրութեան ճգնաժամի: Կանաչ եւ բարեբեր մնացած փոքր հատուածներու ճնշող մեծամասնութիւնը՝ պաշտպանուած է եկեղեցիներով: Դարեր շարունակ՝ տեղական Եթովպիական Ուղղափառ Թուայիտօ (Tewahido) եկեղեցիները սնուցած են այս ովասիսները՝ ամայի անապատին մէջ: Եթէ նայինք վերէն առնուած պատկերներու, կը տեսնենք կանաչապատ կղզիներ շրջապատուած սրճագոյն աւազով: Եկեղեցիի ղեկավարները կը պնդեն, որ ծառերու վրայ հսկելը՝ Աստուծոյ հանդէպ իրենց հնգանդութեան մէկ մասն է, որպէս Անոր ստեղծագործութեան տնտեսներ:

Եսայի մարգարէն գրեց Իսրայէլին, ժողովուրդի մը՝ որ կ'ապրէր չոր երկրի մէջ, ուր մերկ անապատն ու դաժան երաշտը կը սպառնար: Եւ նկարագրեց Աստուծոյ նախատեսած ապագան, ուր «անապատն ու տափաստանները պիտի բերկրին, եւ անբնակ երկիրը պիտի խայտայ ու նարկիսի պէս պիտի ծաղկի» (Ես. 35. 1): Աստուած մտադիր է բուժելու Իր ժողովուրդին, բայց Ան նաեւ մտադիր է բուժելու երկիրը: Ան «նոր երկինք մը ու նոր երկիր մը պիտի ստեղծէ» (65. 17): Աստուծոյ նորոգուած աշխարհին մէջ «անապատը բոլորովին ծաղիկներով կը ծաղկի» (35. 2):

Աստուծոյ հոգատարութիւնը կը մղէ մեզ ըլլալու հոգ տանելու եւ խնամակալները ըլլալու Անոր ստեղծածին: Մենք կրնանք միանալ Աստուծոյ, որպէսզի բոլոր տեսակի անապատները ծաղկին կեանքով եւ գեղեցկութեամբ:

Աղօթք - Արարիչ Աստուած, կը խնդրեմ ցոյց տուր ինծի, թէ ինչպե՞ս օգնեմ բուժելու եւ վերականգնելու՝ ինչ որ կոտրուած է աշխարհի մէջ: Ամէն: **Երբ տեսնենք արարչագործութեան մաս մը՝ ամուլ եւ տառապող, ի՞նչ ընելով եւ ինչպե՞ս՝ կարելի է մասնակցիլ անապատներու ծաղկման:**

Որովհետև դուք շնորհքով փրկուած էք՝ հաւատքի միջոցով, եւ ատիկա ո՛չ թէ ձեզմէ է՝ հապա Աստուծոյ ընծան է: [Եփ. 2. 8]

ՓՈՐՁԵ՛Լ ՄԵՆՔ ԶՄԵՉ ՓՐԿԵԼ

Տարիներ առաջ՝ Նիու Եօրք Քաղաքը մեկնարկեց «Ապահով Մնայ: Հաստատ Մնայ» (Stay Safe. Stay Put) գովազդի արշաւը, մարդոց սորվեցնելու, թէ ինչպէ՞ս պահպանել հանգստութիւն եւ ապահով մնալ երբ վերելակին մէջ արգելափակուին: Փորձագէտները տեղեկացուցին, որ արգելափակուած որոշ մարդեր՝ մեռած են, երբ փորձած են բանալ վերելակին դռները կամ փորձած են դուրս գալ այլ միջոցներով: Նման պարագաներու մէջ լաւագոյնը այն է, որ պարզապէս սեղմեն ահազանգի կոճակը՝ օգնութիւն կանչելու համար եւ սպասեն շտապ օգնութեան գործիչներու ժամանումին:

Պօղոս առաքեալ տուաւ շատ տարբեր տեսակի փրկութեան ծրագիր մը՝ օգնելու անոնց, որոնք կը թակարդուին մեղքին ներքեւ: Ան յիշեցուց Եփեսացիներուն՝ իրենց կատարեալ հոգեւոր անօգնականութեան մասին՝ եւ ըսաւ թէ իսկապէս «մեռած էին յանցանքներու եւ մեղքերու մէջ» (Եփ. 2. 1): Անոնք թակարդուած էին հնազանդելով սատանային (Հմ. 2) եւ կը հրաժարէին ենթարկուելու Աստուծոյ: Ու այդ վիճակին արդիւնքը եղաւ, որ անոնք դառնան Աստուծոյ բարկութեան առարկան: Բայց Ան չձգեց զանոնք հոգեւոր խաւարի թակարդին մէջ: Իսկ անոնք, որոնք կը հաւատան Յիսուսի, առաքեալը գրեց. «Շնորհքով փրկուած են» (Հմ. 5, 8): Աստուծոյ տուած փրկութեան նախաձեռնութեան արձագանգելու արդիւնքը կ'ըլլայ հաւատք: Եւ հաւատքը կը նշանակէ, որ մենք կը հրաժարինք մենք զմեզ փրկելու փորձէն եւ կը կանչենք Յիսուսի, որ մեզի փրկէ:

Աստուծոյ շնորհքով մեղքի թակարդէն փրկուելը մեզմէ չի ծագիր: Այդ «Աստուծոյ պարգեւն է»՝ միայն Յիսուսի միջոցով (Հմ. 8):

Աղօթք - Տէր, ես այնքան երախտապարտ եմ, որ երբ ես թակարդուած էի մեղքի մէջ եւ կը փորձէի փրկել իմ անձս, Դո՛ւն նախաձեռնեցիր իմ փրկութիւնս եւ դրկեցիր Փրկիչը՝ զիս ազատելու համար: Ամէն:

Մենք չենք կրնար մենք զմեզ ազատել մեղքի թակարդէն:

Աստուած տուած է այն միջոցը, որ կրնայ մեզ փրկել:



Հապա ձեր խօսքը ըլլայ՝ այո՛ն՝ այո՛, եւ ո՛չը՝ ո՛չ. ասկէ աւելին յառաջ կու գայ չարէն: [Մատթ. 5. 37]

ՔՐԻՍՏՈՍՈՎ ԿԵՆԱԼ ԸՆԹԱՑՔԻՆ ՄԷՉ

Երբ Կանտալֆ Մոխրագոյնը՝ (*Gandalf the Grey*) ճակատեցաւ Սարուման Սպիտակին (*Saruman the White*) հետ, յստակ եղաւ՝ որ վերջինս շրջած է այն ամէնէն, ինչ որ պէտք էր ընէր՝ օգնելով պաշտպանել Միջին երկիրը՝ Սաուրօնի (*Sauron*) չար ուժէն: Աւելին, Սարումանը դաշնակցեցաւ Սաուրօնին հետ: «Մտտանիի Ընկերակցութեան» Ֆիլմի այս տեսարանին մէջ, որ հիմնուած է Ճ. Ռ. Ռ. Թոլքէյնի (*J. R. R. Tolkien*) դասական ստեղծագործութեան վրայ, երկու նախկին ընկերները այնուհետեւ կը մասնակցին դիւցազներգական բարիի-չարի դէմ պայքարի մը: Եթէ միայն Սարումանը մնար այդ ընթացքին եւ ըներ այն, ինչ գիտէր թէ ճիշդ է:

Սաւուղ թագաւոր՝ նոյնպէս դժուարութիւններ ունեցաւ շարունակելու իր ընթացքը: Մէկ արձանագրութեան մը մէջ, ան իրաւացիօրէն «վհուկներն ու նշանագէտները հաներ էր» Իսրայէլէն (Ա. Թագ. 28. 3): Լաւ քայլ էր, քանի որ Աստուած յայտարարած էր, որ դիւթաբանութեամբ զբաղիլը «գարշելի էր» (Բ. Օր. 18. 9-12): Բայց երբ Աստուած չպատասխանեց թագաւորին խնդրանքին, նախկին անյաջողութիւններուն պատճառով, թէ ինչպէ՛ս վարուիլ Փղշտացիներու հսկայական բանակին հետ, Սաւուղ գիջեցաւ ու ըսաւ. «Ինձի վհո՛ւկ կին մը փնտոեցէք, որպէսզի երթամ անոր խորհուրդ հարցնեմ» (Ա. Թագ. 28. 7): Ամբողջական հակադարձութիւն: Սաւուղ անգամ մը եւս ձախողեցաւ, քանի որ իր հրամանին դէմ գնաց, ինչ որ կը կարծէր թէ ճիշդ էր:

Հազարամեակ մը վերջ՝ Յիսուս ըսաւ Իր աշակերտներուն. «Հապա ձեր խօսքը ըլլայ այո՛ն՝ այո՛, եւ ո՛չը՝ ո՛չ. ասկէ աւելին յառաջ կու գայ չարէն» (Մատթ. 5. 37): Այլ խօսքով, եթէ մենք յանձնառու եղած ենք հնազանդելու Քրիստոսի, կենսական է՝ որ պահենք մեր ուխտտերը եւ ըլլանք ճշմարտացի:

Աղօթք - Սիրելի Յիսու՛ս, կը խնդրեմ՝ օգնէ ինձի շարունակելու ընթացքս շաւիղներուդ հետեւելով: Ամէն:

Կարեւոր է մեր ըրած խոստումները լի ու լի կատարել ու շարունակել միշտ ճշմարիտ ըլլալ:

Երբ կը մտաբերեմ քու մէջդ եղած անկեղծ հաւատքը,
որ նախ բնակեցաւ մեծ մօրդ՝ Լաւոդեայի ու մօրդ՝
Եւսիկէի մէջ: [Բ. Տիմ. 1. 5]

ՀՈԳԵՒՈՐ ԺԱՌԱՆԳՈՒԹԻՒՆ ՄԸ ՁԳԵԼ

Որպէս դեռահաս, քոյրս եւ ես չէինք հասկնար մօրս որոշումը՝
ընդունելու Յիսուս որպէս իր Փրկիչը, բայց մենք չէինք
կրնար ժխտել այն փոփոխութիւնները, որ տեսանք իր մէջ:
Ան ունէր աւելի շատ խաղաղութիւն եւ ուրախութիւն. եւ
սկսաւ հաւատարիմ ծառայել եկեղեցիին: Աստուածաշունչը
ուսումնասիրելու այնպիսի քաղցը ունէր, որ յաճախեց եւ
աւարտեց Աստուածաբանական ձեմարանը: Մօրս որոշումէն
քանի մը տարիներ ետք, քոյրս ընդունեց Քրիստոսը եւ սկսաւ
ծառայել Անոր: Եւ անկէ քանի մը տարիներ ետք՝ ես ալ նոյնպէս
վստահեցայ Յիսուսի եւ սկսայ ծառայել Իրեն: Շատ տարիներ
անց՝ հայրս ալ միացաւ մեզի՝ հաւատալով նաեւ Անոր: Մօրս
որոշումը Քրիստոսի համար ստեղծեց կեանք փոխող ալիքային
ազդեցութիւն՝ մեր անմիջական եւ մեծ ընտանիքին մէջ:

Երբ Պօղոս առաքեալ գրեց իր վերջին նամակը Տիմոթէոսի
եւ քաջալերեց զինք յարատեւելու Յիսուսի հանդէպ իր
հաւատքին մէջ, ան նչեց Տիմոթէոսի հոգեւոր ժառանգութիւնը:
«Երբ կը մտաբերեմ քու մէջդ եղած անկեղծ հաւատքը, որ նախ
բնակեցաւ մեծ մօրդ՝ Լաւոդեայի ու մօրդ՝ Եւսիկէի մէջ, եւ
համոզուած եմ թէ քու մէջդ ալ կայ» (Բ. Տիմ. 1. 5):

Մայրեր եւ մեծ մայրեր, ձեր որոշումները կրնան ազդել
սերունդներու վրայ:

Որքա՛ն գեղեցիկ է, որ Տիմոթէոսի մայրն ու մեծ մայրը
օգնեցին դաստիարակելու իր հաւատքը, որպէսզի ան կարենայ
դառնալ այն մարդը, որուն Աստուած կը կանչէր:

Այս Մայրերու Օրուան մէջ եւ անդին, եկէ՛ք յարգենք մեր
մայրերուն, որոնք որոշում կայացուցած են՝ հետեւելու Յիսուսի:
Հոգեւոր ժառանգութիւն ալ ձգենք նաեւ մեր սիրելիներուն:

Աղօթք - Հայր Աստուած, շնորհակալ եմ մեր Աստուծապաշտ
մայրերուն համար: Կը խնդրեմ, օգնէ ինձի նաեւ հոգեւոր
ժառանգութիւն ձգելու ուրիշներու համար: Ամէն:

**Մինչ կը յարգենք մեր Աստուծապաշտ մայրերը, եկէ՛ք հոգեւոր
ժառանգութիւն մը ձգենք ուրիշներու:**

Տերը կ'ապրի՛. իմ Աստուածս ինձի ինչ որ ըսէ՛
զայն պիտի խօսիմ: [Բ. Մնաց. 18. 13]

ՄԻԱՅՆԱԿ ՉԱՅՆ ՄԸ

Փարիզի Խաղաղութեան Համաժողովէն ետք, որ աւարտեց Առաջին Համաշխարհային Պատերազմը, Ֆրանսացի Մարաշախտ Ֆէրտինանտ Ֆօշ (Ferdinand Foch) դառնօրէն յայտարարեց. «Սա խաղաղութիւնն չէ՛: Այս քսան տարուայ զինադադար մըն է»: Ֆօշի տեսակէտը հակասեց ժողովրդական ընդունուած կարծիքին, որ սարսափելի հակամարտութիւնը՝ պիտի ըլլայ «բոլոր պատերազմներուն վերջ տալու պատերազմը»: Քսան տարի եւ երկու ամիս անց՝ բռնկեցաւ Երկրորդ Համաշխարհային պատերազմը: Ֆօշ ճիշդ էր:

Դարեր առաջ՝ Միքիան, այդ ժամանակաշրջանի Աստուծոյ միայնակ մարգարէն, հետեւողականօրէն մարգարէացած էր Իսրայէլի կրեւիք՝ սարսափելի արդիւնքներուն մասին (Բ. Մնաց. 18. 7): Ի հակադրութիւն՝ Աքաաբ թագաւորի չորս հարիւր սուտ մարգարէները կանխագուշակեցին յաղթանակ ու պալատի պաշտօնական պատգամաւոր մը ըսաւ Միքիային. «Ահա՛ բոլոր մարգարէները մէկ բերանով թագաւորին համար բարիք գուշակեցին. կ'աղբսնեմ, քու խօսքդ ալ անոնց մէկուն խօսքին պէս թող ըլլայ, ու բարիք գուշակէ» (Հմ. 12): Միքիա պատասխանեց. «Իմ Աստուածս ինձի ինչ որ ըսէ՛ զայն պիտի խօսիմ» (Հմ. 13): Ան մարգարէացաւ, թէ ինչպէս է Իսրայէլը «լեռներու վրայ ցրուած տեսայ՝ հովիւ չունեցող ոչխարներու պէս» (Հմ. 16): Միքիան ճիշդ էր: Արամայեցիները սպաննեցին Աքաաբին, իսկ անոր զօրքը փախաւ (Հմ. 33-34, Գ. Թագ. 22. 35-36):

Յիսուս ըսաւ. «Ո՛չ մէկը կու գայ Հօրը քով՝ բացի միայն ինձմով՛ (Յովհ. 14. 6): Շատեր չեն սիրեր այս պատգամը, որովհետեւ խստօրէն նեղացուցիչ կը թուի ըլլալ: Չափազանց բացառիկ՝ կ'ըսեն մարգիկ: Սակայն Քրիստոս կը բերէ միխթարական պատգամ մը, որ կը ներարէ բոլորը: Ան կ'ողջունէ բոլորին, որոնք կը դիմեն Իրեն:

Աղօթք - Հայր, կը խնդրեմ, տո՛ւր ինձի իմաստութիւն՝ Զուճմարտութիւնդ հասկնալու համար: Ամէն:

Հոգին կ'առաջնորդէ որոշ բաներ ըսելու կամ ընելու՝ սիրով, երբ Աստուած մարտահրաւէր կու տայ մեր սեփական ենդաթրուդիւններուն:

Ես ուրախութիւնը դրուատեցի, որովհետեւ մարդ արեւին տակ ակելի լաւ բան չունի՝ քան ուտել, իմել եւ ուրախանալ: [Թողով. 8. 15]

ՈՒՐԱԽՈՒԹԻՒՆ ԵՒ ԻՍԱՍՏՈՒԹԻՒՆ

Քաղցր բուրումնաւէտ կեռասի ծառը կը ծաղկի ամէն գարնան հեղեղուն ձաթոնական նուրբ եւ վառ վարդագոյն ծաղիկներով՝ ուրախացնելով ինչպէս բնակիչներուն, այնպէս ալ զթօսաշրջիկներուն: Ծաղիկներու կարծատեւ բնոյթը, ձաթոնացիներուն մօտ կը զարգացնէ խոր գիտակցութիւն մը՝ վայելելու գեղեցկութիւնն ու բոյրը, մինչ անոնք կը պահպանուին. այս գիտաւորեալ հաճոյքը կ'անուանեն բան մը, որ արագ կը փոխուի:

Որպէս մարդիկ, հասկնալի է՝ որ մենք կը ցանկանք փնտռել եւ երկարել ուրախութեան զգացումներ: Սակայն, այն իրականութիւնը, որ կեանքը լի է դժուարութիւններով, կը նշանակէ, որ մենք պէտք է զարգացնենք ե՛ւ ցաւը, ե՛ւ հաճոյքը սիրող Աստուծոյ հանգէպ հաւատքի ոսպնեակին միջոցով գիտելու կարողութիւնը: Պէտք է չափազանց հոռետես ըլլանք, ա՛յ ալ պէտք է մեզի անիրատեսական հայեացք ձեւաւորենք կեանքի նկատմամբ:

Ժողովողի գիրքը մեզի համար օգտակար օրինակ կ'առաջարկէ: Թէեւ այս գիրքը երբեմն կը նկատուի բացասական յայտարարութիւններու զբացուցակ, նոյն Սողոմոն թագաւորը, որ գրեց թէ «ամէն ինչ ունայնութիւն է» (1. 2), նաեւ կը խրախուսէ իր ընթերցողներուն ուրախութիւն գտնել կեանքի պարզ բաներուն մէջ՝ ըսելով. «Մարդ արեւին տակ ակելի լաւ բան չունի՝ քան ուտել, իմել եւ ուրախանալ» (8. 15):

Ուրախութիւնը կու գայ, երբ կը խնդրենք Աստուծմէ օգնել մեզի «իմաստութիւն գիտնալու» եւ սորվիլ պահպանել «Աստուծոյ ըրած բոլոր գործերը» (Հմ. 16-17) ինչպէս գեղեցիկ, այնպէս ալ դժուար եղանակներու մէջ (3. 11-14, 7. 13-14), իմանալով՝ որ ո՛չ մէկը մնայուն չէ՝ երկինքի այս կողմը:

Աղօթք - Սիրելի Յայր, շնորհակալ եմ, որ իմ կեանքիս մէջ գեղեցկութեան եւ ուրախութեան աղբիւրն ես: Ամէն:
Ի՞նչ եղանակի մէջ ես հիմա: Ինչպէ՞ս կրնաս անոր մէջ ուրախութիւն գտնել:



[Զարախօսը] ստախօս է՝ եւ սուտին հայրը: [Յովհ. 8. 44]

ՍՈՒՏԵՐ ԵՒ ՃՇՄԱՐՏՈՒԹԻՒՆ

Ատօլֆ Հնիթլեր (*Adolf Hitler*) հաւատաց թէ մեծ սուտերը աւելի հզօր են քան փոքրերը, եւ ողբերգականօրէն՝ ան յաջողութեամբ փորձեց իր տեսութիւնը: Իր քաղաքական գործի սկսիզբը ան կը պնդէր, որ գոհ էր ղաղկեցնու ուրիշներու ըզմանքներուն: Ու երբ եկաւ իշխանութեան, ըսաւ որ իր կուսակցութիւնը մտադիր է նեւ մէկուն հետապնդելու: Աւելի ուշ՝ ան օգտագործեց լրատուական միջոցները՝ ինքզինք ներկայացնելու որպէս հօր պատկեր եւ բարոյական առաջնորդ մը:

Սատանան կ'օգտագործէ սուտը մեր կեանքին մէջ իշխանութիւն ձեռք բերելու համար: Հնարաւորութեան պարագային՝ վախ, բարկութիւն եւ յուսահատութիւն կ'առաջացնէ, քանի որ ան «ստախօս է եւ սուտին հայրը» (Յովհ. 8. 44): Սատանան չի կրնար ըսել ճշմարտութիւնը, քանի որ ինչպէս ըսաւ Յիսուս, անոր ներսիզին որեւէ ճշմարտութիւն չունի:

Ահա թշնամիին սուտերէն քանի մը հատը: Առաջին, մեր աղօթքները նշանակութիւն չունին: Ո՛չ, անոնք կարեւոր են: Աստուածաշունչը կ'ըսէ. «Արդարին ներգործող աղերսանքը շատ ազդեցիկ է» (Յակ. 5. 16): Երկրորդ, երբ մենք ղժուարութեան մէջ ենք, ելք չկայ: Կրկին սխալ է: «Ամէն բան կարելի է Աստուծոյ քով» (Մարկ. 10. 27), եւ «ելք մըն ալ պիտի տայ» (Ա. Կորնթ. 10. 13): Երրորդ, Աստուած մեզ չի՛ սիրեր: Այդ ալ սխալ է: Ոչինչ «պիտի կարենայ գատել մեզ» Աստուծոյ սէրէն Յիսուսի Քրիստոսի միջոցով (Հռոմ. 8. 38-39):

Աստուծոյ ճշմարտութիւնը աւելի հզօր է, քան սուտը: Եթէ մենք հնազանդինք Յիսուսի ուսուցումին իր զօրութեամբ, ապա «ճշմարտութիւնը պիտի գիտնանք», մերժենք ինչ որ սուտ է, եւ «ճշմարտութիւնը պիտի ազատէ մեզ» (Յովհ. 8. 31-32)

Աղօթք - Սիրելի Յիսու՛ս, Դուն ես ճամբան, ճշմարտութիւնը եւ կեանքը: Կը խնդրե՛մ, օգնէ ինձի կառչիլ այն ճշմարտութիւններուն, որոնք կարդացած եմ Աստուածաշունչին մէջ: Ամէն:

Կան սուտեր, որոնց հաւանաբար կը հաւատանք, սակայն Աստուած կրնայ թարմացնել մեր միտքը՝ Իր ճշմարտութեամբ:

Ինչ հոյակապ է քու անուկ ամբողջ երկրի վրայ: [Սաղմ. 8. 1]

ԱՍՏՈՒԾՈՅ ԶԵՌԱԳՈՐԾԸ

12 Յուլիս, 2022-ին, գիտնականները կը սպասէին տեսնել ձէյմս Ուէյպ (James Webb) նոր տիեզերական աստղադիտակէն ամենախոր տիեզերքի առաջին նկարները: Գերազանց աստղադիտակը կրնայ տիեզերքի ամենէն խոր մասին նայիլ, քան մարդկութիւնը երբէք նայած էր անցեալին: Յանկարծ ի յայտ կու գայ շոնչ կտրող պատկեր մը՝ Քարինա Նէպուլա (Carina Nebula) գունաւոր տիեզերական պատկերը, որ նախապէս երբէք այսպիսին չէր տեսնուած: Նասսայի աստղագէտ մը մէջբերեց ծանօթ անաստուած Քարլ Սական (Carl Sagan). «Ինչ որ տեղ մը անհաւանական բան մը կը սպասուի»:

Երբեմն մարդիկ կրնան նայիլ Աստուծոյ աչքերուն եւ չտեսնել զինք: Բայց Սաղմոսերգու Դաւիթը՝ նայեցաւ դէպի երկինք եւ գիտցաւ թէ ճիշդ ի՞նչ կը տեսնէ. «Քու փառաւորութիւնդ երկինքէն վեր դիրք» (Սաղմ. 8. 1): Սակայն՝ ճիշդ ըսած էր, որ «անհաւանական բան մը կը սպասուի», բայց ան չկրցաւ ընդունիլ այն, ինչ որ Դաւիթ յտակ կերպով ընկալեց. «Երբ տեսնեմ երկինքը՝ քու մատներուդ գործը, լուսինը եւ աստղերը՝ որոնք դուն հաստատեցիր, մարդը ի՞նչ է՝ որ գայն կը յիշես, կամ մարդու որդին՝ որ անոր կ'այցելես» (Հմ. 3-4):

Երբ մենք կը տեսնենք ամենախոր տիեզերքի պատկերները, կը զարմանաք, ո՛չ այնքան գիտութեան համար, հապա կը զարմանանք, որովհետեւ արարչագործութեան մեծութեան մէջ Աստուած մեզ «իր գործերուն վրայ տիրել կու տայ» (Հմ. 6): Իրաւ, «անհաւանական բան մը կը սպասուի», Աստուած, կը սպասէ Յիսուսի հաւատացողներու, որ բերէ իր մօտ, երբ Ան վերադառնայ: Սա՛ թղորէն աւելի հիասքանչ պատկերն է:

Աղօթք - Յայր, Արարիչ Աստուած, զարմացած եմ երկինքի փառքով եւ Զու ձեռքիդ գործերուն գեղեցկութեամբ: Շնորհակալ եմ՝ Զու զարմանահրաշ ստեղծագործութեան մէջ՝ ինծի հոգատար ըլլալուդ համար: Ամէն:

Ի՞նչ խորհուրդներ կ'ունենանք՝ երբ կը նայինք տիեզերքի խոր պատկերներուն եւ ինչպե՞ս կը զգանք Աստուած անոնց մէջ:



Մենք կ'ուզենք հեռանալ մարմինն ու մօտ ըլլալ Տէրոջ: [Բ. Կորնթ. 5. 8]

ՎԱՅՐԻ ՓՈՓՈԽՈՒԹԻՒՆ

Ընկերուհիս՝ Ճօէննը (Joann) մահացաւ կաթուածէն՝ ճիշդ այն ժամանակ, երբ Պսակաւոր Ժահրը սկսաւ տարածուիլ 2020 թուականին: Նախ իր ընտանիքը յայտարարեց թէ անոր յիշատակի պաշտամունքը տեղի պիտի ունենայ եկեղեցիին՝ մէջ, սակայն յետոյ որոշեց՝ որ աւելի լաւ պիտի ըլլայ արարողութիւնը կատարել թաղման տան մէջ՝ որպէսզի կարելի ըլլայ սահմանափակել ներկաներուն թիւը: Առցանց ծանուցումը այսպէս կ'ըսէր. «Ճօէնն Ուարներդ - Փոխուած Վայր»:

Այո, անոր վայրը փոխուած էր: Ան գացած էր երկրի վայրէն՝ դրախտի վայրը: Աստուած փոխեց անոր կեանքը՝ տարիներ առաջ եւ ան սիրով ծառայեց Աստուծոյ մօտ յիսուն տարիներ: Նոյնիսկ երբ մահամերձ պարկած էր հիւանդանոցը, ան հարցուց ուրիշներու մասին, որոնց կը սիրէր եւ գիտէր թէ անոնք կը պայքարէին դժուարութիւններու դէմ: Այժմ ան ներկայ է Անոր հետ. ան փոխած է Հանդիպումի վայրը:

Պօղոս առաքեալ ցանկութիւն ունէր Քրիստոսի հետ ըլլալու մէկ այլ վայրի մը մէջ (Բ. Կորնթ. 5. 8), բայց ան նաեւ կը կարծէր, որ աւելի լաւ կ'ըլլար, որ մարդիկ որոնք իրեն համար ծառայեցին՝ մնային երկրի վրայ: Ան գրեց Փիլիպպեցիներուն. «Մարմինի մէջ մնալը աւելի հարկաւոր է ձեզի համար» (Փիլ. 1. 24): Երբ մենք կը սգանք Ճօէննի նման մէկու մը համար, մենք կրնանք նման բան մը ազդակել Աստուծոյ. «Անոնք պէտք են այստեղ՝ ինձի եւ շատ ուրիշներու համար, որոնք սիրեցին ու ծառայեցին»: Բայց Աստուած գիտէ՛, թէ ե՞րբ է անոնց ու մեր վայրը փոխելու լաւագոյն ժամանակը:

Հոգիին զօրութեամբ՝ մենք այժմ «պատիւ կը համարենք ընդունելի ըլլալ անոր» (Բ. Կորնթ. 5. 9), մինչեւ տեսնենք զԻնք դէմ առ դէմ, ինչ որ շատ աւելի լաւ պիտի ըլլայ:

Աղօթք - Սիրելի Յայր, ես իմ անձս կը յանձնեմ Զեզի ու կը խնդրեմ, որ լեցնես զիս Զու սիրոյ Յոգիով եւ կեանքս հաշուէ՝ Զեզի համար: Ամէն: **Ինչպե՞ս կը բացայատենք մեր սերը Աստուծոյ եւ ուրշներուն հանդէպ, ուր որ ալ ըլլանք: Ինչպե՞ս կրնանք ծառայել Իրեն այսօր:**

Աստուծոյ Յոգիով լեցուցի զայն՝ իմաստութեամբ, հանճարով ու գիտութեամբ, ամէն տեսակ գործի համար: [Ել. 31. 3]

ԱՍՏՈՒԾՄԷ ԿԱՆՉՈՒԱԾ ՈՒ ԶԻՆՈՒԱԾ

Գործի ղեկավարը տեղեկացուց ինծի. «Գիրքի Միջազգային Ցուցահանդէսի ընթացքին՝ քու գործդ է՝ կազմակերպել ձայնասփիւռի հաղորդումներ»: Ես՝ վախ զգացի, քանի որ այս, ինծի համար նորութիւն էր: Աղօթեցի. «Աստուած, ես երբէ՛ք նման բան չեմ ըրած, կը խնդրեմ օգնէ ինծի»:

Աստուած տրամադրեց միջոցներ ու մարզիկ՝ զիս առաջնորդելու համար. փորձառու մասնագէտներ եւ ձայնասփռողներ, առաւել յիշեցումներ ցուցահանդէսի ընթացքին՝ այն բաներուն մասին, որոնք կրնայի նկատի չառնել: Յետադարձ ակնարկ մը նետելով՝ ես գիտեմ, որ ձայնասփռումը լաւ եղած է, քանի որ Ան գիտէր, թէ ի՞նչ է անհրաժեշտ եւ զիս դրդեց, որ օգտագործեմ՝ այն հմտութիւնները, որոնք Ան արդէն տուած էր ինծի:

Երբ Աստուած մեզ կը կանչէ՝ որեւէ գործի, Ան նաեւ կը պատրաստէ մեզ ատոր համար: Երբ Ան յանձնարարեց որ Բեսելիէլը աշխատի խորանին վրայ, Բեսելիէլ արդէն հմուտ արհեստաւոր էր: Աստուած՝ յետազային զինեց անոր՝ լեցնելով զինք Իր Հոգիով եւ իմաստութեամբ, հանճարով ու գիտութեամբ» (Ել. 31. 3): Աստուած անոր նաեւ օգնական մը տուաւ Ոհողիարը, ինչպէս նաեւ հմուտ աշխատուծ (հմ. 6): Անոր օգնութեամբ, խումբը նախագծեց եւ պատրաստեց վրանը, ատոր կահաւորումը եւ քահանաներուն տարագները: Ասոնք մեծ դեր ունեցան Իսրայէլացիներու կողմէ՝ Աստուծոյ պատշաճ փառաբանութեան մէջ (հմ. 7-11):

Բեսելիէլ՝ կը նշանակէ «Աստուծոյ ստուէրին կամ պաշտպանութեան մէջ»: Արհեստաւորները աշխատեցան Աստուծոյ նախատեսութեան, գորութեան եւ ապահովութեան ներքեւ՝ կեանքի ծրագրի վրայ: Եկէ՛ք խիզախօրէն հնազանդինք Անոր տուած յիշեցումներուն, երբ կը կատարենք առաջադրանքը մինչեւ վերջ: Ան գիտէ՛, թէ ի՞նչ պէտք է մեզի, ինչպէ՞ս եւ ե՞րբ տալ զանոնք:

Աղօթք - Յայր, շնորհակալ եմ, որ զի՛ս զինեցիր այն ամէն բաներով, որոնց կարիքը ունիմ: Ամէն:

Ի՞նչ բանի համար Աստուած կը կանչէ քեզ: Ի՞նչ բաներու մէջ կամ համար դուն կրնաս աղօթել՝ խնդրելով Իր առաջնորդութիւնը:

Փրկութիւնը մեր Աստուծոյն է՝ որ կը բազմի գահին վրայ, նաեւ Գառնուկին: [Յայտ. 7. 10]

ԱՍՏՈՒԱԾ ԸՆԴՈՒՄԻ ԴԱՐՁՆԵԼ

Աստուծոյ եւ մարդոց հանդէպ սէրը՝ հիմքն է Գաղբինի (Kathryn) Աստուածաշունչի թարգմանական աշխատանքին: Ան կ'ուրախանայ, երբ Հնդկաստանի մէջ՝ կիներ աւելի խոր կերպով կը հասկնան Աստուածաշունչը՝ կարգալով զայն իրենց մայրենի լեզուով: Ան կը նշէ, որ երբ անոնք կարդան, «Յաճախ կը սկսին ծափ գառնել եւ ցնծալ: Անոնք կը կարդան Յիսուսի մասին ու կ'ըսեն. 'Ո՛հ, հիանալի'»:

Գաղբին կը ցանկայ, որ աւելի շատ մարդիկ կարդան Աստուածաշունչը՝ իրենց լեզուով: Այս ցանկութեան մէջ՝ ան իր սիրտին մօտ կը պահէ Պատմոս կղզիին մէջ ձերացող աշակերտ Յովհաննէսի տեսիլքը: Հոգիին միջոցով՝ Աստուած անոր տարաւ դրախտի գահի սենեակը, ուր ան տեսաւ «մեծ բազմութիւն մը, որ ո՛չ մէկը կրնար համրել, բոլոր ազգերէն, տոհմերէն, ժողովուրդներէն ու լեզուներէն: Անոնք կայնած էին գահին առջեւ եւ Գառնուկին առջեւ» (Յայտ. 7. 9): Անոնք բոլորը միասին երկրպագեցին Աստուծոյ ըսելով. «Փրկութիւնը մեր Աստուծոյն է» (Հմ. 10):

Աստուած կը շարունակէ աւելցնել շատեր՝ զինք գովաբանող մարդոց մեծ թիւին: Ան կը գործածէ՝ ոչ միայն Աստուածաշունչի թարգմանիչներ եւ անոնց համար աղօթողներ, այլ անոնց, որոնք Յիսուսի բարի լուրը կը հասցնեն իրենց շուրջ եղողներուն: Մենք կրնանք ուրախանալ այս ուրախ առաքելութեամբ՝ զարմանալով, թէ ինչպէ՞ս Աստուած կը ստիպէ աւելի շատ մարդոց միանալ հրեշտակներուն հետ՝ ըսելով. «Ամէ՛ն. օրհնութիւն, փա՛ռք, իմաստութիւն, շնորհակալութիւն, պատի՛ւ, զօրութիւն ու կարողութիւն մեր Աստուծոյն՝ դարէ դար: Ամէն» (Հմ. 12):

Աղօթք - Փրկող Աստուած, շնորհակալ եմ Յիսուսի պարգեւին համար: Կը խնդրե՛մ, օգնէ ինծի բաժնեկցիլ Քու հրաշալի սերո՛ւ՝ ուրիշներու հետ: Ամեն:

Աստուած կը դրդէ մարդիկ, որ զինք գովաբանեն ու պատուեն: Ան կը հրաւիրէ նաեւ մե՛զ, որ միանանք Յիսուսի բարի լուրը տարածելու իր առաքելութեան:

Ձեզի պիտի այցելեմ ու ձեզի տուած իմ բարի խոստումս պիտի իրագործեմ՝ ձեզ այս տեղը վերադարձնելով: [Եր. 29. 10]

ԱՍՏՈՒԱԾ՝ ԱՆՑԵԱԼԻՆ ԵՒ ՆԵՐԿԱՅԻՆ ՄԷՋ

Տարիներ անցած են այն օրէն, երբ ձգեցինք Օրիկօն (Oregon) քաղաքը, ուր մեծցուցինք մեր ընտանիքը: Մենք հիանալի յիշատակներ ունինք այդ տեղէն եւ վերջերս կատարած մեր այցելութիւնը, ինծի յիշեցուց այն պահերը, որոնք մոռցած էի. մեր աղջիկներուն ֆութպօլի խաղերը, մեր հին տունը, եկեղեցական հաւաքոյթները եւ մեր ընկերներուն Մեքսիքական ճաշարանը: Քաղաքը փոխուած էր, բայց բաւական ծանօթներ կային, որպէսզի այցելութեան համար վերադառնալու ցանկութիւնս աւելցնեն:

Երբ Իսրայէլացիները աքսորուեցան Բաբելոն, անոնք կարօտը ունեցան մարդոց ծանօթութեան, տեսարժան վայրերու եւ մշակոյթի: Անոնք մոռցան որ աքսորուած էին՝ Աստուծոյ դէմ ապստամբելու համար: Երբ սուտ մարգարէները ըսին աքսորեալներուն, որ անոնք տուն կը վերադառնան երկու տարիներու ընթացքին (Եր. 28. 2-4, 29. 8-9), անոնք գտան ընկալող ժողովուրդ մը: Հեշտ էր լսել սուտ մարգարէներու խորամանկ խօսքերը, որոնք կը խոստանային շուտով տուն վերադառնալ:

Աստուած բարիացակամ չվերաբերեցաւ անցեալի այս առեւտրականներուն եւ անոնց կեղծ խոստումներուն: Ան ըսաւ. «Ձեր մէջ եղող ձեր մարգարէներն ու ձեր դիւթերը ձեզ թող չհրապուրեն» (29. 8): Ան ծրագիրներ ունէր Իր ժողովուրդին համար, «ծրագիրներ՝ անոնց ապագայ մը եւ յոյս մը տալու համար» (Հմ. 11): Իրավիճակը մարտահրաւէրներով լեցուն՝ դժուար էր ու նոր, բայց Աստուած իրենց հետ էր: Ան ըսաւ. «Զիս պիտի փնտռէք եւ պիտի գտնէք, որովհետեւ ձեր ամբողջ սիրտով զիս պիտի որոնէք» (Հմ. 13): Աստուած անոնց պիտի վերադարձնէր «այն տեղը, ուրկէ փոխադրէր էր» (Հմ. 14). բայց Իր ժամանակին մէջ:

Հայրենաբաղձութիւնը՝ խաղ կը խաղայ մտքին վրայ՝ Բայց Աստուած կը կատարէ Իր խոստումը:

Աղօթք - Հա՛յր, թող որ Ձեզ որոնեմ ներկային մէջ ու ո՛չ թէ ցանկութիւն ունեւամ անցեալին համար: Ամէն:
Երբ դժուարութիւններ եւ նեղութիւններ դիմագրաւենք, յիշէ՛նք թէ Աստուած բարի ու հաւատարիմ է՝ մեզի Իր տուած խոստումները իրագործելու համար:

Եսաւ վագեց զայն դիմաւորելու. զայն գրկեց, անոր վիզին վրայ ինկաւ, զայն համբուրեց, եւ լացին: [Ծն. 33. 4]

ԸՆԴԱՐՉԱԿԵԼ ՔՐԻՍՏՈՍԻ ԲԱՐՈՒԹԻՒՆԸ

Բարութի՞ւն, թէ՛ վրէժ: Եսային (Isaiah) գլխուն անակնկալ գնդակի հարուած մը ստացաւ, Պէյսալօլի տեղական Փոքր Լիկայի ախոյանութեան խաղի մը ժամանակ: Ան գլուխը բռնած գետին ինկաւ: Բարեբախտաբար, անոր սաղաւարտը պաշտպանեց զինք լուրջ վնասուելէ: Երբ խաղը վերսկսաւ, Եսայի նկատեց որ գնդակ նետողը՝ ցնցուած էր՝ իր ըրած ակամայ սխալէն: Այդ պահուն՝ Եսայի այնքան արտասովոր բան մը ըրաւ, որ իր պատասխանին տեսանքիզը տարածուեցաւ: Ան մօտեցաւ գնդակը նետողին, անոր վիզին փաթթուեցաւ համոզիչ կերպով, վստահեցնելու անոր որ ամէն ինչ կարգին է: Վիճակի մը մէջ, որը կարելի էր ձեռնադրուի վերածուիլ, Եսայի ընտրեց բարութիւնը:

Հին Կտակարանին մէջ, մենք կը տեսնենք, որ Եսաւ նման, թէեւ շատ աւելի բարդ ընտրութիւն մը կ'ընէ, հրաժարելով իր խաբեբայ երկտրեակ եղբօր՝ Յակոբին դէմ վրէժ լուծելու վաղեմի ծրագիրէն: Երբ Յակոբ վերադարձաւ տուն՝ քսան տարիներ աքսորուելէ ետք, Եսաւ ընտրեց բարութիւն եւ ներողամտութիւն՝ վրէժ լուծելու փոխարէն, թէ ինչպէս Յակոբ իրեն հետ վարուած ըլլալուն համար: Երբ Եսաւ տեսաւ Յակոբին, «վագեց զայն դիմաւորելու եւ գրկեց զայն» (Ծնն. 33. 4): Եսաւ ընդունեց Յակոբի ներողութիւնը եւ յայտնեց անոր, որ ամէն ինչ կարգին է (Հմ. 9-11):

Երբ մէկը կը գղջայ մեր դէմ իր կատարած սխալին համար, մենք ընտրութիւն ունինք բարութիւն կամ վրէժխնդրութիւն ընելու: Բարութեամբ ընդունելու ընտրութիւնը կը հետեւի Յիսուսի օրինակին (Հռոմ. 5. 8) եւ հաշտութեան ճանապարհին:

Աղօթք - Տէր Յիսուս, կը խնդրե՛մ օգնէ ինձի հետեւելու Զուօրինակիդ եւ ողորմութիւն ցուցաբերելու, երբ ինձի դէմ անարդարութիւն ըլլայ: Ամէն:

Ե՞րբ բարութիւն տեսած ես՝ սխալ մը ընդունելէ ետք: Ինչպէ՞ս կրնաս բարութիւն դրսեւորել՝ ուրիշի մը հանդէպ:

Արդարեւ Տերոջ աչքերը ամբողջ երկրին մէջ կը շրջագային, որպէսզի իրեն կատարեալ սիրտով յարողները ուժովցնէ: [Բ. Մաաց. 16. 9]

ՊԱՅՊԱՆԵԼՈՎ ՄԵՐ ՀՈԳԵՒՈՐ ԵԶՐԸ

Ռօքզի (*Rocky*) Ֆիլմերը կը պատմեն պարզ բռնցքամարտիկի մը մասին, որ կը սնուի երբէ՛ք չմեռնելու վճռակամութեամբ ու կը յաղթէ ամէն տեսակի անհաւանականութեան խոչնդոտ՝ ախոյեան դառնալու համար: Ռօքզի Գ. Ֆիլմին մէջ, այժմ յաջողակ Ռօքզին՝ տպաւորուած է իր սեփական ձեռքերումներով: Հեռուստացոյցի գովազդները կը խաթարեն անոր ժամանակը մարզասրահին մէջ: Ախոյեանը կը դառնայ փափուկ եւ գետին կը խորտակուի՝ մրցակիցի մը կողմէ: Ֆիլմին մնացեալ մասին մէջ՝ Ռօքզի կը փորձէ վերականգնել իր մարտունակութիւնը:

Հոգեւոր իմաստով՝ Յուդայի Ասա թագաւորը կորսնցուց իր մարտունակութիւնը: Իր գահակալութեան սկիզբը, ան ապաւինեցաւ Աստուծոյ սարսափելի դժուարութիւններու ատեն: Երբ հօր Եթովպիացիները կը պատրաստուէին յարձակելու, Ասա աղօթեց. «Մեզի օգնէ՛, ո՛վ Տէր, մեր Աստուածը, որովհետեւ քեզի ապաւինեցանք եւ այս բազմութեան դէմ քու անունովը եկանք» (Բ. Մնաց. 14. 11): Աստուած պատասխանեց անոր աղօթքին, Յուդան հարուածեց եւ ցիր ու ցան ըրաւ թշնամիները (Հմ. 12-15):

Տարիներ ետք՝ Յուդայի դարձեալ սպառնացին: Այս անգամ ինքնագոհ Ասան անտեսեց Աստուծոյ եւ փոխարէնը՝ օգնութիւն խնդրեց Արամի թագաւորէն (16. 2-3): Կարծես յաջողեցաւ: Բայց Աստուած գոհ չէր. Հանանի մարգարէն Ասային ըսաւ, որ ան դադրած է Աստուծոյ վստահելէ (Հմ. 7-8): Ինչո՞ւ հիմա ան Աստուծոյ չէր ապաւիներ, ինչպէս ըրաւ այն ժամնակ:

Աստուած անկասկած վստահելի է: Անոր աչքերը «ամբողջ երկրին մէջ կը շրջագայեն, որպէսզի իրեն կատարեալ սիրտով յարողները ուժովցնէ» (Հմ. 9): Երբ պահենք մեր հոգեւոր առաւելութիւնը՝ պիտի զգանք Անոր զօրութիւնը:

Աղօթք - Սիրելի Յիսու՛ս, թող որ ես ամէն օր աւելի շատ հանգստանամ՝ Զու մէջդ: Ամէն:

Մեր տարիքը անելով՝ աւելի հեշտ է՞, թէ դժուար՝ վստահիլ երկնաւոր Դօր: Ինչո՞ւ կը կարծես որ այդպէս է: Սակայն յիշէ՛նք թէ Աստուած կրնայ մեր հաւատքը զօրացնել:



Երկինքը Աստուծոյ փառքը կը պատմէ: [Սաղմ. 19. 1]

ՆԱՅԻՐ ԴԷՊԻ ԵՐԿԻՆՔ

Ալէքս Սմոլլին (*Alex Smalley*) կ'ուզէ որ ամէն մարդ առաւօտուն կանուխ արթննայ, կամ գուցէ՝ աւելի շատ դադար առնէ օրուան վերջաւորութեան: Ինչո՞ւ: Արեւածագին եւ մայրամուտին նայելու համար: Այդ անցողիկ պահերը՝ օրուան ամենագեղեցիկ եւ ակնածանք ներշնչող ժամանակներն են, ըստ Սմոլլիի՝ ակնածանք առաջացնող եղանակային ազդեցութիւններու Բրիտանական հետազօտութեան առաջատար հետազօտողին: Նոյնիսկ աւելի քան կապոյտ երկինքը՝ կամ շողշողացող գիշերային տեսարանները, ցնցող արեւածագը կամ մայրամուտը, կրնան բարելաւել մեր տրամադրութիւնը, աւելցնել մեր դրական յոյզերը եւ նուազեցնել ճնշումները: Սմոլլին կ'ըսէ. «Երբ կը տեսնէք հսկայական եւ ապշեցուցիչ տեսարան մը, կամ բան մը որ կ'առաջացնէ այս ակնածանքի զգացումը, ձեր անձնական խնդիրները կրնան պակսիլ եւ դուք այդքան ալ անհանգիստ չըլլաք անոնց մասին»:

Հրաշքներու մասին անոր բացայայտումները կը կրկնեն Երեմիա մարգարէի խօսքերը. «Ո՛հ, Տէր Եհովա, ահա՛ դուն քու մեծ կարողութեամբդ եւ երկարած բազուկովդ երկինքն ու երկիրը ստեղծեցիր. ո՛չ մէկ բան քեզի համար դժուար է» (Եր. 32. 17):

Դաւիթ նոյնպէ՛ս տեսաւ Աստուծոյ ստեղծագործութիւնը՝ յայտարարելով. «Երկինքը Աստուծոյ փառքը կը պատմէ» (Սաղմ. 19. 1): Ի՛նչ կը վերաբերի արեգակին, Երկինքի մէկ ծայրէն կ'ելլէ, ու կը շրջի մինչեւ միւս ծայրը. ոչի՛նչ կը ծածկուի անոր տաքութենէն»: Ուստի կը գրէ Դաւիթ. «Տէրոջը Օրէնքը անթերի է, անձր կը վերանորոգէ» (Հմ. 7): Աստուծոյ փառաւոր ստեղծագործութիւնը կ'արտացոլայ ամենահզօր Արարիչը: Ինչո՞ւ այսօր ժամանակ չյատկացնել երկինք նայելու եւ Իրմով հիանալու համար:

Աղօթք - Հայր, Զու փառահեղ երկինքին մէջ, ցոյց կու տաս ինծի Զու զօրութեանդ հրաշքը: Ամէն:

Ո՛ր է քու նախասիրած վայրը՝ արեւածագը կամ մայրամուտը դիտելու համար: Երբ կը տեսնես երկինքը, ի՞նչ կը բացայատես Աստուծոյ մասին:

Աստուած մեզ կը պատժէ՝ մեր օգուտին համար, որպէսզի բաժին ստանանք իր սրբութենէն: [Եբ. 12. 10]

ՀԱՄԱՅՈՒՆՈՎ ՍՐԲԱԳՐՈՒԹԻՒՆ

Իր «Իմաստուն Կինը» առակին մէջ Ճորճ ՄէկՏանըլտ (George MacDanold) կը պատմէ երկու աղջիկներու պատմութիւնը, որոնց եաստիրութիւնը դժբախտութիւն կը պատճառէ բոլորին, մէջը ըլլալով իրենք, մինչեւ որ իմաստուն կին մը կ'ենթարկէ զանոնք շարք մը քննութիւններու, որպէսզի օգնէ անոնց՝ որ դարձեալ «սիրուն» ըլլան:

Աղջիկները՝ իւրաքանչիւր քննութեան մէջ ձախողելէ, ամօթով տառապելէ եւ մեկուսանալէ ետք, անոնցմէ մէկը՝ Ռոզմօնտ (Rosemond) վերջապէս կը հասկնայ, որ չի կրնար փոխել ինքզինք: «Չէի՞ր կրնար օգնել ինծի», ան հարցուց իմաստուն կնոջ: «Մի գուցէ կրնայի», կը պատասխանէ կինը, «հիմա որ դուն կը հարցնես»: Եւ իմաստուն կնոջ խորհրդանշած աստուածային օգնութեամբ՝ Ռոզմօնտ կը սկսի փոխուիլ: Յետոյ՝ ան կը հարցնէ, թէ արդեօ՞ք կինը կը ներէր իր պատճառած բոլոր հարցերուն: «Եթէ ես քեզ չնրէի», կ'ըսէ կինը, «ես երբէ՞ք չէի պատժէր քեզ»:

Կ'ըլլան ժամանակներ, երբ Աստուած կը խրատէ մեզ: Կարեւոր է հասկնալ, թէ ինչո՞ւ: Անոր սրբագրութիւնը պայմանաւորուած է՝ ո՛չ թէ հատուցումով, այլ մեր բարօրութեան համար հայրական հոգածութեամբ (Եբ. 12. 6): Ան նաեւ կը ցանկայ, որ մենք կարենանք «բաժին ստանալ իր սրբութենէն», վայելելով «արդարութեան խաղաղարարար պտուղը» (Հմ. 10-11): Եսաստիրութիւնը կը բերէ դժբախտութիւն, բայց սրբութիւնը մեզի կը դարձնէ իրեն նման ամբողջական, ուրախ եւ «սիրուն»:

Ռոզմօնտ կը հարցնէ իմաստուն կնոջ, թէ ինչպէ՞ս կրնայ սիրել իր նման եաստէր աղջիկ մը: Կինը ծռելով անոր համբուրելու համար կը պատասխանէ. «Տեսայ՝ թէ ի՞նչ պիտի ընես»: Աստուծոյ սրբագրութիւնը նոյնպէ՛ս կու գայ սիրով եւ մեզի այնպիսի մէկը դարձնելու ցանկութեամբ, որ մենք պէտք է ըլլանք:

Աղօթք - Հայր Աստուած, շնորհակալ եմ քո՛ւ տուած ուղղութեանդ համար, որքան ալ ցաւալի ըլլայ այդ: Դո՛ւն իմ լաւութեանս համար կ'ընես: Ամէն:

Աստուծոյ խրատը լաւ հասկնալու ենք, ընդունելով՝ որ Ան կրնայ մեզ «սիրուն դարձնել»:



Ուրեմն մենք դեսպաններ ենք Զրիստոսի համար, ...
Կ'աղերսենք ձեզի Զրիստոսի կողմէն, հաշտուցե՛ք
Աստուծոյ հետ: [Բ. Կորնթ. 5. 20]

ԱՆՈՆՑ ԸՍԷ՛ ԹԷ ԱՍՏՈՒԱԾ Ի՞ՆՉ ԸՐԱՒ

Գ ուէճի ընկերս՝ Պիլլ Թօպեաս (Bill Tobias) երկար տարիներ ծառայած է՝ որպէս միսիոնար Խաղաղական ովկիանոսի կղզիներէն մէկուն վրայ: Ան կը պատմէ պատմութիւնը երիտասարդի մը մասին, որ լքած է իր հայրենի քաղաքը իր բախտը փնտռելու համար: Բայց ընկեր մը զինք տարաւ եկեղեցի, որտեղ ան լսեց Յիսուսի առաջարկած բարի լուրը, եւ վստահեցաւ Քրիստոսի՝ որպէս իր Փրկիչը:

Երիտասարդը ուզեց աւետարանը տանիլ իր ժողովուրդին, որոնք «կախարդութեան մէջ թաթախուած» էին, ուստի ան փնտռեց միսիոնար մը, որ հասնի անոնց: Բայց միսիոնարը անոր ըսաւ պարզապէս «Գնա՛ տունդ քուկիներուդ քով, ու պատմէ՛ անոնց ամէն ինչ որ Տէրը ըրաւ քեզի» (տե՛ս Մարկոս 5. 19): Եւ ան այդ մէկը ըրաւ: Իր հայրենի քաղաքին մէջ քանի մը հոգի ընդունեցին Յիսուսի, բայց ամենամեծ առաջընթացը եղաւ այն ատեն, երբ քաղաքի կախարդը հասկեցաւ, որ Քրիստոս է «ճամբան, ճշմարտութիւնը եւ կեանքը» (Յովհ. 14. 6): Յիսուսի հաւատալէ ետք, ան ամբողջ քաղաքին պատմեց Անոր մասին: Չորս տարուան ընթացքին մէկ երիտասարդի վկայութիւնը՝ առաջնորդեց տարածաշրջանին մէջ եօթը եկեղեցիներուն հիմնադրութեան:

Բ. Կորնթացիսին մէջ՝ Պողոս կը ներկայացնէ աւետարանը ծանօթացնելու յստակ ծրագիր մը՝ անոնց, որոնք տակաւին չեն ճանչնար Քրիստոսի եւ այդ կը համապատասխանի այն ինչ որ միսիոնարը ըսաւ Յիսուսի հաւատացող երիտասարդին: Մենք պէտք է ըլլանք «Քրիստոսի դեսպանները»՝ Անոր ներկայացուցիչները, «որպէս թէ Աստուած կ'աղաչէր ձեզի մեր միջոցով» (5. 20): Իւրաքանչիւր հաւատացեալ ունի իր փրկութեան պատմութիւնը: Եկէ՛ք պատմենք ուրիշներու, թէ Ան ի՞նչ ըրած է մեզի համար:

Աղօթք - Սիրելի Աստուած, օգնէ՛ ինձի որ բաժնեկցիմ իմ հաւատքի պատմութիւնս ուրիշներու հետ: Ամէն:

Ի՞նչ կը նշանակէ Յիսուսով փրկութիւնը: Ինչպէ՞ս կրնաս աւելի լաւ պատրաստուած ըլլալ՝ քու պատմութիւնդ ուրիշներու հետ բաժնեկցելու:

Անոնց մոխիրի տեղ խոյր տալու, սուգի տեղ՝
բերկրանքի հոտաւետ իւղ, ու մռայլ հոգիի
տեղ՝ գովաբանութեան հագուստ: [Ես. 61. 3]

ԳԵՂԵՑԿՈՒԹԻՒՆ՝ ՅՈՂԻ ՓՈԽԱՐԷՆ

Երեկոյ մը, նկատեցի հողի կոկիկ շարքեր իմ տանս մօտ
գտուող ազատ տարածքին վրայ: Իւրաքանչիւր շարք՝
կը պարունակէր փոքր կանաչ տերեւներ, որոնցմէ դուրս կը
ցայտէին փոքրիկ բողբոջներ: Յաջորդ առաւօտ՝ կանգ առի, երբ
տեսայ գեղեցիկ կարմիր կակաչներ, որոնք կը բողբոջէին այդտեղ:

Նախորդ աշնան, խումբ մը՝ տնկած էր հարիւր հազար
կոճղէզ, Շիքագոյի (Chicago) հարաւային մասի դատարկ
տարածքներուն մէջ: Անոնք ընտրեցին կարմիրը՝ խորհրդանշելու
համար, թէ ինչպէս կարմիր գիծերը (գրամատուներու կողմէ
վարկերու տրամադրումի խտրականութիւնը) ազդած էին
այն շրջաններուն վրայ, ուր հիմնականին մէջ կ'ապրէին
փոքրամասնութիւններ: Կակաչները կը խորհրդանշէին՝ այն
տուները, որոնք կրնային ըլլալ այդ շրջաններուն մէջ:

Աստուծոյ ժողովուրդը դժուարութիւններուն տակաց՝ իրենց
հայրենիքէն աքսորուած ըլլալէն սկսած մինչեւ կարմիր գիծերու
նման խտրականութիւն: Մենք տակաւին կրնանք յոյս գտնել:
Եսայի աքսորի ժամանակ կը յիշեցնէ Իսրայէլի, որ Աստուած
չի թողուր անոնց: Ան՝ անոնց «գեղեցկութեան պսակ» կու տայ՝
մոխիրի փոխարէն: Նոյնիսկ աղքատները կը ստանան «բարի
լուր»ը (61. 1): Աստուած խոստացաւ յոսսահատ հոգիները
փոխանակել «գովաբանութեան հագուստով»: Այս բոլոր
պատկերները կ'առաջացնեն Անոր շքեղութիւնը եւ ուրախութիւն
կը պատճառեն մարդոց, որոնք այժմ «արդարութեան բեւեկներ»
կ'ըլլան, վհատած աքսորեալներու փոխարէն (Հմ. 3): Այդ
կակաչները նաեւ ցոյց կու տան, որ Աստուած կրնայ շքեղութիւն
ստեղծել՝ կեղտէն եւ խտրականութենէն: Ես անհամբեր կը
սպասեմ կակաչներ տեսնելու՝ ամէն գարնան, եւ աւելի կարեւորը
վերանորոգուած յոյս իմ շրջանիս եւ այլ գաղութներու մէջ:

Աղօթք - Յայր, շնորհակալ եմ Զեզի՝ այն գեղեցկութեան

համար, որ Դուն թոյլ կու տաս ինծի տեսնելու, նոյնիսկ երբ իմ

պարագաներս սարսափելի կը թուին ըլլալ: Ամէն:

**Եթէ տեսած ես գեղեցկութիւն յուսահատութեան փոխարէն:
Ինչպէ՞ս կրնաս գեղեցկութիւն ստեղծել՝ յուսահատութեան մէջ:**



Ձեր ոսոխը, Չարախօսը՝ կը շրջի մռնչող առիծի պէս, փնտռելով թէ ո՛վ կլլէ: [Ա. Պետ. 5. 8]

ԵՐԲ ԺԱՄՆԱԿՆ Է

Երբ ընկերներս՝ էլ եւ Գէթի Շիֆֆըր (*Al and Kathy Schiffer*) սաւառնեցին Երկրորդ Համաշխարհային Պատերազմի շրջանի սաւառնակ մը՝ օդանաւերու ցուցադրութեան մը, տարեց վեթերաններուն արձագանգն էր ամենէն իմաստալիցը՝ իրենց համար: Անոնք կու գային խօսելու այն պատերազմներուն մասին, ուր ծառայեցին եւ սաւառնակներ վարեցին: Անոնց մարտական պատմութիւններուն մեծ մասը, կը պատմէին արցունքոտ աչքերով: Շատեր ըսած էին, թէ լաւագոյն լուրը, որ ստացած էին իրենց երկրին համար ծառայելու ընթացքին, «պատերազմը աւարտած է՝ տղաներ եւ տո՛ւն երթալու ժամանակն է» խօսքերն էին:

Աւելի վաղ սերունդի այս խօսքերը կը վերաբերին այն պատերազմին, որով կը զբաղէին Յիսուսի հաւատացողները, որ մեր հաւատքի բարի պատերազմն է սատանային մեր հոգիներուն թշնամիին դէմ: Պետրոս առաքեալ նախազգուշացուց մեզի. «Ձեր ոսոխը, Չարախօսը՝ կը շրջի մռնչող առիծի պէս, փնտռելով թէ ո՛վ կլլէ»: Ան կը փորձէ մեզ տարբեր ձեւերով եւ յուսահատութիւնը կ'օգտագործէ տառապանքի եւ հալածանքի մէջ՝ փորձելով մեզ հեռացնել Տէր Յիսուսի հանդէպ մեր ունեցած հաւատքէն: Պետրոս մարտահրաւէր տուաւ իր առաջին ընթերցողներուն եւ մեզի այսօր, որ «զգաստ եւ արթո՛ւն» ըլլանք (Ա. Պետ. 5. 8): Մենք կախեալ ենք Սուրբ Հոգիէն, այնպէս որ մենք թոյլ չենք տար, որ թշնամին ստիպէ մեզ յանձնել կռիւր եւ մեզ վար ձգէ:

Երբ Յիսուս վերադառնայ օր մը, Անոր խօսքերը կ'ունենան այնպիսի ազդեցութիւն, ինչպիսին էր զիռուրներու զգացումը, արցունքներ առաջացնելով մեր աչքերուն եւ ուրախութիւն՝ մեր սիրտերուն. «Պատերազմը աւարտած է՝ տղաներ եւ տո՛ւն երթալու ժամանակն է»:

Աղօթք - Ամենակարող Աստուած, Դուն շատ ատելի մեծ ես, քան ռեւէ մէկը կամ որեւէ բան, որ կեցած է դիմացս: Կը խնդրեմ՝ օգնէ ինծի՝ որ ապաւինիմ Զու ուժիդ եւ զօրութեանդ: Ամէն:
Աստուծոյ օգնութեան պետք ունիք՝ սատանային ծրագիրներուն դէմ դնելու համար: Մեր հաւատակիցները կրնան օգնել մեզի, որ Աստուծոյ դիմենք՝ օգնութեան համար:

Կես գիշերին՝ Պողոս եւ Շիղա կ'աղօթէին ու կ'օրհնէրգէին Աստուծոյ: [Գործք 16. 25]

ՅԱՆՊԱՏՐԱՍՏԻՑ ԳՈՎԱՍԱՆՔ

Եթովալիայի մէջ՝ կարճ ժամանակով մեր միսիոնարական ուղեւորութեան ժամանակ, մեր խումբը ուղեկցեցաւ տեղական նախարարութեան մէկ այլ խումբի հետ՝ ծանօթանալով խումբի երիտասարդներուն, որոնք դժուար ժամանակներու մէջ ապրած էին ու կը բնակէին տնակներու մէջ, տառացիօրէն աղբանոցի մէջ: Մենք միասին բաժնեկցեցանք վկայութիւններ, քաջալերական խօսքեր եւ աղօթքներ: Այդ երեկոյ իմ նախասիրած պահերէն մէկը այն էր, երբ տեղացի խումբին անդամ մը նուազեց իր կիթարը եւ մենք պաշտամունք բարձրացուցինք՝ մեր նոր ընկերներուն հետ՝ պայծառ լուսինին տակ: Ի՞նչ սուրբ պահ մը էր: Հակառակ իրենց յուսահատ վիճակին, անոնք՝ յոյս եւ ուրախութիւն ունէին, որը կարելի է գտնել միայն Յիսուսի մէջ:

Գործք16-ին մէջ մենք կը կարդանք՝ մէկ այլ յանպատրաստից գովասանքի ժամանակի մասին: Այս փառաբանութիւնը սկսաւ Փիլիպպէի բանտին մէջ: Պողոս եւ Շիղա ձերբակալուած, ծեծուած, մտրակուած եւ բանտարկուած էին՝ Յիսուսի ծառայելուն համար: Յուսահատութեան տրուելու փոխարէն՝ անոնք իրենց բանտի խցիկին մէջ «աղօթելով եւ երգելով» Աստուծոյ փառաւորեցին: «Յանկարծ հզօր երկրաշարժ մը եղաւ, այնպէս որ բանտին հիմերը սարսեցան. անմիջապէս բոլոր դռները բացուեցան եւ բոլորին կապերը քակուեցան» (Հմ. 26):

Բանտապահին առաջին խորհուրդը՝ իր կեանքին վերջ տալ եղաւ, բայց երբ ան հասկեցաւ որ բանտարկեալները չեն փախած, ան ակնածանքով լեցուեցաւ Աստուծոյ հանդէպ, եւ փրկութիւնը եկաւ իրեն եւ իր ընտանիքին (Հմ. 27-34):

Աստուծոյ կ'ուրախանայ լսելով, որ մենք կը գովաբանենք զինք: Եկէ՛ք երկրպագենք Անոր, մեր կեանքի թէ բարձունքներուն եւ թէ ցած ժամանակներուն համար:

Աղօթք - Սիրելի Ասուած, կը խնդրեմ, օգնէ ինձի փառաբանելու Զեզ, անկախ անկէ, թէ ինչ կը դիմագրաւեմ իմ կեանքիս մէջ: Ամէն:

Աստուած մեզի հնարաւորութիւնը կու տայ փառաբանելու եւ երկրպագելու Իրեն՝ վատ ժամանակներու մէջ: Ուստի՝ պատրաստ ըլլանք նոյնիսկ յանպատրաստից գովաբանելու:

Թա՛ղք եղէք իրարու հանդէպ, գթած, ներելով իրարու: [Եփ. 4. 32]

ՏԱՐԵՑԷՆ ԽՈՐՀՈՒՐԴ ՍՏԱՆԱԼ

«Քիչի՞նչ համար կ'ափսոսամ»: Այդ՝ այն հարցումն էր, որու պատասխանեց Նիու Եօրք Թայմզի (New York Times) լաւագոյն գրողներէն Ճորճ Սանտրըզ (George Saunders), 2013-ի Սիրաքուս (Syracuse) Համալսարանի շրջանաւարտից հանդէսի՝ իր պատգամին մէջ: Իր մօտեցումը՝ տարեց անձի մը (Սանտրըզի) մօտեցումն էր, որ բաժնեկցեցաւ մէկ կամ երկու ափսոսանք, որ ունեցած էր իր կեանքին մէջ՝ երիտասարդներուն հետ (շրջանաւարտներուն), որոնք կրնային բան մը սորվիլ իր օրինակէն: Ան թուարկեց քանի մը բաներ, որոնք մարդիկ կրնան ենթադրել՝ որու համար ինք կը գղջայ. օրինակ՝ աղքատ ըլլալը, սարսափելի գործեր աշխատիլ: Բայց Սանտրըզ ըսաւ, որ իրապէս՝ ընդհանրապէս չի գղջար անոնց համար: Սակայն՝ ան կ'ափսոսայ բարութիւն ընելու անյաջողութեան համար եւ այն հնարաւորութիւններուն համար, որոնք ան ունէր մէկու մը հանդէպ բարի ըլլալու համար, եւ ան թոյլ տուած էր, որ այդ առիթները անցնին:

Պօղոս առաքեալ գրեց Եփեսոսի հաւատացեալներուն՝ պատասխանելով այս հարցին. Ինչպիսի՞նչ է Քրիստոնէական կեանքը: Փորձութիւն է՝ շտապել մեր պատասխանը տալու. օրինակ՝ ունենալ քաղաքական հայեացք, խուսափիլ որոշակի գիրքերէ եւ ֆիլմերէ, պաշտամունք բարձրացնել՝ որոշ ձեւով մը: Բայց Պօղոս իր մօտեցումը՝ չսահմանափակեց գինք իրեն ժամանակակից խնդիրներով: Ան կը նշէ «վատ խօսքերէ հեռու մնալ (Եփ. 4. 29) եւ ազատուիլ այնպիսի բաներէ, ինչպիսին են՝ դառնութիւնն ու բարկութիւնը (Հմ. 31): Ապա՝ կեցրափակէ իր «խօսքը», ըստ էութեան՝ ան կ'ըսէ Եփեսացիներուն՝ ինչպէս նաեւ մեզի. «Քա՛ղք ըլլալ իրարու հանդէպ, գթած, ներելով իրարու» (Հմ. 32): Եւ ատոր պատճառը այն է, որ Քրիստոսով Աստուած բարի եղաւ ձեզի:

Ամէն բանէ գատ՝ մենք կը հաւատանք Յիսուսի մէջ եղած կեանքով, ու անոնցմէ մէկը՝ անշուշտ բարի ըլլան է:

Աղօթք - Սիրելի Յիսու՛ս, ինչպէս որ Դուս բարի եղած ես ինձի հանդէպ, օգնէ՛ որ ես ալ բարի ըլլամ ուրիշներու հանդէպ: Ամէն: **Երբեմն դժուար է բարիք ընել ու բարութեամբ վարուիլ, սակայն Աստուծոյ շնորհքով եւ օգնութեամբ կարելի է:**

Բարի մարդը՝ բարութիւն կը բխեցնէ իր սիրտին բարի գանձէն: [Ղուկ. 6. 45]

ԲԱՌԵՐԸ՝ ԱՐՏԱՑՈՒՄՆ ԵՆ ՄԵՐ ՍԻՐՏԻՆ

Ինչպէ՞ս կարելի է վերացնել գարշելի լեզուն: Երկրորդական վարժարան մը՝ ընտրեց հաստատել «ո՛չ մէկ վատ լեզու» խոստումը: Աշակերտները երգում ըրին՝ ըսելով. «Ես հանդիսաւոր կերպով կը խոստանամ չօգտագործել որեւէ տեսակի հայահոյանքներ մեր դպրոցի պատերէն ներս եւ ամբողջ տարածքին վրայ»: Սա՛ ազնուական ջանք մըն էր, բայց, ըստ Յիսուսի՝ ո՛չ մէկ արտաքին կանոն կամ գրաւական երբէք չի կրնար ծածկել գարշելի խօսքին հոտը:

Մեր բերանէն բխող բառերուն գարշահոտութիւնը հեռացնելը կը սկսի մեր սիրտերը նորոգելով: Ինչպէ՛ս մարդիկ կը ճանչնան ծառի տեսակը՝ անոր տուած պտուղներէն (Ղուկ. 6. 43-44), Յիսուս ըսաւ, որ մեր խօսքը համոզող ցուցիչ է այն բանին, թէ արդեօ՞ք մեր սիրտերը ներգաշնակ են Իրեն եւ Իր ճանապարհներուն, թէ ո՛չ: Պտուղը կը նշանակէ մարդու խօսքը, «քանի բերանը կը խօսի սիրտի լիութենէն» (Հմ. 45): Քրիստոս կը մատնանշէր, որ եթէ մենք իսկապէս կ'ուզենք փոխել այն, ինչ որ դուրս կու գայ մեր բերանէն, մենք նախ պէտք է կեդրոնանաք մեր սիրտերը փոխելու վրայ, երբ Ան կ'օգնէ մեզի:

Արտաքին արտասանուած խոստումները անիմաստ են՝ զսպելու պիղծ լեզուն, որը կը բխի չփոխակերպուած սիրտէն: Մենք կրնանք վերացնել գարշելի խօսքը՝ միայն նախ հաւատալով Յիսուսի (Ա. Կորնթ. 12. 3), ապա հրաւիրելով՝ Սուրբ Հոգին, որ լեցնէ մեզ (Եփ. 5. 18): Ան մեր մէջ կը գործէ՝ ներշնչելու եւ օգնելու մեզի, շարունակաբար շնորհակալութիւն յայտնելու Աստուծոյ (Հմ. 20) եւ քաջալերող եւ կերտիչ խօսքեր ըսելով ուրիշներու (4. 15, 29, Կող. 4. 6):

Աղօթք - Սիրելի Յիսուս, կը խնդրեմ՝ օգնէ ինձի ըսելու խօսքեր, որոնք կը պատուեն Թեզ եւ ուրիշներու շինութիւն կ'ըլլան: Ամէն:

Մեր սիրտէն ելած բառերն ու խօսքերը՝ շատ բան կ'ըսեն մեր մասին: Գրաւորենք Սուրբ Հոգին, որ մեզ ամբողջովին վերանորոգէ:

Կարեկցեցէ՞ք ոմանց՝ գատորոշելով: [Յուդ. 1. 22]

ՈՂՈՐՍՈՒԹԻՒՆ՝ ՓԻԾԾԱՅԻ ՄԻՋՈՑՈՎ

Իմ եկեղեցիի առաջնորդ՝ Հարօլտի (*Harold*) եւ իր տիկնոջ Փէմի (*Pam*) կողմէ ընթրիքի հրաւէրը ջերմացուց սիրտս, բայց նոյն ատեն ջրագրգռեց զիս: Ես միացած էի գոլէճի Աստուածաշունչի սերտողութեան խումբին, որ կ'ուսուցանէր գաղափարներ, որոնք կը հակասէին Աստուածաշունչի որոշ ուսմունքներուն: Անոնք պիտի դասախօսե՞ն ինծի այդ մասին, ես ինծի խորհեցայ:

Փիծծայի շուրջ՝ անոնք պատմեցին իրենց ընտանիքին մասին եւ Հարցուցին իմ մասին: Անոնք լսեցին՝ երբ կը խօսէին տնային աշխատանքներուս, իմ շան՝ Պուչիի (*Buchi*) եւ այն տղային մասին, որու հանդէպ համակրանք ունէի: Միայն աւելի ուշ՝ անոնք մեղմօրէն զգուշացուցին ինծի այն խումբին մասին, ուր ես կը յաճախէի, եւ բացատրեցին՝ թէ ինչն է սխալ անոնց ուսուցմունքներուն մէջ: Անոնց նախազգուշացումը՝ զիս հեռացուց Աստուածաշունչի սերտողութեան մէջ ներկայացուած սուտերէն եւ մօտեցուց Աստուածաշունչի ճշմարտութիւններուն: Իր նամակին մէջ Յուդա ուժեղ լեզու կ'օգտագործէ՝ կեղծ ուսուցիչներու մասին յորդորելով հաւատացեալներուն որ «պայքարին հաւատքին համար» (Յուդ. 1. 3): Ան յիշեցուց, որ վերջին ժամանակներուն պիտի ըլլան ծաղրողներ ... որոնք ձեզ պիտի բաժնեն ... որոնք չունին Հոգին» (Հմ. 18-19): Սակայն, Յուդան նաեւ կոչ կ'ընէ հաւատացեալներուն «կարեկցիլ ոմանց՝ գատորոշելով» (Հմ. 22)՝ անոնց կողքին գալով՝ կարեկցանք ցուցաբերելով՝ առանց ճշմարտութիւնը զիջելու:

Հարօլտ եւ Փէմ գիտէին, որ ես հաստատ կերպով հիմնաւորուած չեմ իմ հաւատքիս վրայ, բայց զիս դատելու փոխարէն, նախ առաջարկեցին իրենց բարեկամութիւնը, իսկ յետոյ՝ իրենց իմաստութիւնը: Թող Աստուած տայ մեզի նոյն սէրն ու համբերութիւնը՝ կիրառելով իմաստութիւն եւ կարեկցանք, անոնց հետ, որոնք կասկածներ ունին:

Աղօթք - Յայր, Զու իմաստութեանդ ու առաջնորդութեանդ կարիքը ունիմ՝ օգնելու անոնց, որոնք կ'ենթարկուին սուտ ուսուցումներու ազդեցութեան: Կը խնդրեմ՝ տո՛ւր ինծի ըսելու բառեր: Ամէն: **Ինչպէ՞ս կրնանք սիրով առաջնորդել անոնց որոնք կը պայքարին իրենց հաւատքը պահելու դէպի Աստուածաշունչին ճշմարտութիւններուն:**

Ան փրկեց մեզ եւ կանչեց սուրբ կոչումով, ո՛չ թէ մեր գործերուն համեմատ, հապա՛ իր առաջադրութեան ու շնորհքին համաձայն [Բ. Տիմ. 1. 9]

ԾԱԿՈՏԷՆ՝ ՍՐԲՈՒԹԵԱՆ

Փոքր եղած ժամանակ՝ աղջիկս կը սիրէր ճաշի ատեն խաղալ իր Զուլիցերիական պանիրին հետ: Ան՝ դիմակի նման կը դնէր պանիրի դեղին քառակուսի շերտը երեսին ըսելով. «Նայիր մամա»: Անոր վառ կանաչ աչքերը կը շողային պանիրի երկու ծակերու մէջէն: Որպէս երիտասարդ մայր, այդ Զուլիցերիական պանիրի դիմակը կ'ամփոփէր իմ զգացումներս իմ թափած ջանքերու մասին՝ անկեղծութեամբ առաջարկուած, սիրով լեցուն, բայց այնքան անկատար: Ծակոտ՝ ո՛չ սուրբ:

Ո՛հ, որքա՛ն կը ցանկանք ապրիլ սուրբ կեանք մը Աստուծոյ համար առանձնացած կեանքով, որ կը բնութագրուի՝ Յիսուսի նման ըլլալով: Բայց օրէ օր՝ սրբութիւնը կը թուի ըլլալ անհասանելի: Իր տեղը կը մնայ մեր «սրբութիւնը»:

Բ. Տիմոթէոս 1. 6-7-ին մէջ կը գրէ Պօղոս իր հովանաւորեալ Տիմոթէոսին՝ յորդորելով զինք՝ ապրելու իր սուրբ ըլլալու կոչումին համաձայն: Առաքեալը ապա կը պարզաբանէ, որ «Աստուած փրկեց մեզ եւ կանչեց սուրբ կոչումով, ո՛չ թէ մեր գործերուն համեմատ, հապա իր առաջադրութեան ու շնորհքին համաձայն» (Հմ. 9): Այս կեանքը կարելի է, ո՛չ թէ մեր նկարագրին համար, այլ Աստուծոյ շնորհքով: Պօղոս կը շարունակէ. «Այս շնորհքը տրուեցաւ մեզի դարերու ժամանակներէն առաջ» (Հմ. 9): Կրնա՞նք ընդունիլ Աստուծոյ շնորհքը եւ ապրիլ Անոր տրամադրած զօրութեան հարթակէն:

Ըլլալ՝ ծնողութիւն, ամուսնութիւն, աշխատանք թէ մեր ընկերը սիրել, Աստուած կը կանչէ մեզ դէպի սուրբ կեանքի, որ հնարաւոր դարձած է՝ ո՛չ թէ կատարեալ ըլլալու մեր ջանքերով, այլ Անոր շնորհքով:

Աղօթք - Սիրելի Յայր, կը խնդրե՛մ, օգնէ ինծի յենելու Զու շնորհքիդ եւ ո՛չ թէ սուրբ կեանքով ապրելու իմ ջանքերուս: Ամէն: **Սրբութեան կեանք մը ունենալու համար՝ խնդրե՛նք Աստուծմէ, որ յիշեցնէ մեզի Իր անսահման շնորհքին մասին, որով կարելի է սրբութեան կեանք մը ունենալ:**

Բարի մարդը կ'ողորմի եւ փոխ կու տայ: [Սաղմ. 112. 5]

ԱՌԱՏԱԶԵՌՆՈՒԹԵԱՄԲ ՏՐՈՒԱԾ ՈՒ ԲԱԺՆԵԿՑՈՒԱԾ

Երբ ես ու կինս՝ Գէրի (*Cari*), աւարատեցինք մեր բարձրագոյն կրթութիւնը, քանի մը հազար տոլար պարտք ունէինք, որը պէտք էր համախմբէինք մէկ տեղ՝ աւելի ցած տոկոսով: Դիմեցինք տեղական դրամատան՝ վարկ ստանալու, բայց մերժուեցանք, քանի որ երկար ժամանակ չէինք ապրած կամ աշխատած այդ քաղաքին մէջ: Մի քանի օրեր ետք՝ պատմեցի կատարուածին մասին ընկերոջս՝ Մինկին (*Ming*), որ մեր եկեղեցիի երէցներէն մէկն էր: «Կ'ուզեմ այս բանը նշել կնոջս», ըսաւ ան՝ դռնէն դուրս ելլելու ատեն:

Քանի մը ժամեր անցնելէ ետք, հեռախօսը հնչեց: Մինկն էր. «Էնն (*Ann*) եւ ես կը ցանկանք ձեզի փոխ տալ անհրաժեշտ գումարը՝ առանց տոկոսի» առաջարկեց ան: Չէի գիտեր թէ ինչ ըսելու էի, ուստի պատասխանեցի. «Չեմ կրնար այդ խնդրել քեզմէ»: Մինկ ուրախութեամբ պատասխանեց. «Դուն չես խնդրեր»: Անոնք սիրով տուին մեզի վարկը եւ ես ու Գէրին հնարաւոր եղածին չափ շուտով վերադարձուցինք այդ գումարը:

Ես կը հաւատամ, որ Մինկ եւ Էնն՝ առատաձեռն էին՝ Աստուծոյ հանդէպ իրենց սիրոյ պատճառով: Ինչպէս կ'ըսէ Աստուածաշունչը. «Բարի մարդը կ'ողորմի եւ փոխ կու տայ, իր գործերը իրաւունքով կը վարէ» (Սաղմ. 112. 5): Անոնք, որոնք կը վստահին Աստուծոյ, կրնան ունենալ «հաստատ» սիրտեր, որոնք «ապահով են» (Հմ. 7-8)՝ հասկնալով, որ Ան է իրենց կեանքի մէջ եղած ամէն լաւ բանի աղբիւրը:

Աստուած առատաձեռն եղած է մեզի հետ՝ մեզի կեանք եւ ներում շնորհելով: Եկէ՛ք առատաձեռն ըլլանք՝ բաժնեկցելով Անոր սէրը եւ մեր ունեցած միջոցները՝ կարիք ունեցողներուն հետ:

Աղօթք - Սիրող Յայր, շնորհակալ եմ Զեզի, որ ինծի տուած է կեանքի պարգեւը եւ իմ ամէնօրեայ պէտքերս կը հոգաս: Օգնէ՛ ինծի որ վստահիմ Զեզի եւ ունենամ Զեզի նման առատաձեռն սիրտ մը: Ամէն:

Աստուած առատաձեռն եղած է մեզի հետ, ո՛ւստի կարելի է բաժնեկցիլ Իր տուած բարիքները առատաձեռնութեամբ՝ կարիք ունեցողներուն հետ:

Հաւատարիմ եւ արդար է՝ ներելու մեր մեղքերը, ու մաքրելու մեզ ամեն անիրաւութենէ: [Ա. Յովհ. 1. 9]

ՄԱՔՐՈՒԱԾ ՔՐԻՍՏՈՍՈՎ

Առաջին կարճ-ժամանակով միսիոնարական ուղեւորութիւնս եղած էր Պրագիլի Ամազոնի (Amazon) անտառները՝ օգնելու գետի մը մօտ եկեղեցի կառուցելու: Կէսօրէ ետք մը՝ այցելեցինք շրջանի այն քիչ տուներէն մէկը, որ ունէր ջուրի գտիչ մեքենայ: Երբ մեզ հիւրընկալողը՝ ջրհորի պղտոր ջուրը լեցուց գործիքին վերի մասը, քանի մը վայրկեանէն բոլոր կեղտերը անհետացան՝ եւ յայտնուեցաւ մաքուր ու զուլալ խմելու ջուր: Ճիշդ հոն՝ այդ մարդուն հիւրասենեակին մէջ, ես տեսայ արտացոլումը, թէ ի՞նչ կը նշանակէ Քրիստոսով մաքրուիլ:

Երբ մենք առաջին անգամ կու գանք Յիսուսի մօտ մեր մեղքերով եւ ամօթով ու կը խնդրենք՝ որ Ան ներէ մեզի. եւ կ'ընդունինք գինք որպէս մեր Փրկիչը, Ան կը մաքրէ մեզ մեր մեղքերէն եւ կը դարձնէ մեզ՝ նոր մարդու: Մենք կը մաքրուինք այնպէս, ինչպէս պղտոր ջուրը վերածուեցաւ մաքուր խմելու ջուրի: Ինչպիսի ուրախութիւն է իմանալ, որ մենք ճիշդ դիրքի մէջ ենք Աստուծոյ հետ՝ Յիսուսի զոհաբերութեան շնորհիւ (Բ. Կորնթ. 5. 21) եւ իմանալ, որ Աստուած կը վերցնէ մեր մեղքերը այնքան, որքան որ արեւելքը հեռու է արեւմուտքէն (Սաղմ. 103. 12):

Բայց Յովհաննէս առաքեալը՝ կը յիշեցնէ մեզի, որ այդ չի նշանակէր, որ մենք այլեւս երբէք չենք մեղանչեր: Երբ մենք մեղք կը գործենք, մենք կրնանք համոզուիլ ջուրի գտիչի պատկերով եւ մխիթարուիլ՝ գիտնալով, որ «եթէ խոստովանինք մեր մեղքերը, ան հաւատարիմ եւ արդար է՝ ներելու մեր մեղքերը, ու մաքրելու մեզ ամէն անիրաւութենէ» (Ա. Յովհ. 1. 9):

Եկէ՛ք վստահ ապրինք՝ գիտնալով, որ մենք շարունակաբար կը մաքրուինք Քրիստոսի կողմէ:

Աղօթք - Սիրելի Հայր, շնորհակալ եմ, որ Դո՛ւն հաւատարիմ ես եւ արդար ու կը ներես ինձի, եթէ խոստովանիմ մեղքերս քեզի: Ամեն:

Կարեւոր է խնդրել Տէր Յիսուսէն, որ ներէ մեր մեղքերը եւ գիտնալ թէ պէտք չէ՛ մեղքին գերին ըլլալ:



Ինչպես եղջերուն ջուրի վտակներուն կը տենչայ, այնպես ալ իմ անձս քեզի կը տենչայ, ո՛վ Աստուած: [Սաղմ. 42. 1]

ԾԱՐԱԻ ՈՒ ՇՆՈՐՀԱԿԱԼ

Երկու ընկերներ եւ են՝ նոր բաներ ընելու մեր բաղձանքի ցուցակին համաձայն, ծանօթ՝ Մեծ Կիրճի (Grand Canyon) ընթացքը քայլելու դացինք: Ճամբուն ընթացքին մտածեցինք եթէ բաւականաչափ ջուր ունինք՝ կամ ո՛չ: Ի՞նչ պիտի ընենք երբ սկսինք մեր արշաւը եւ ջուրը վերջանայ: Մեր մտավախութիւնը իրականութիւն դարձաւ երբ ամբողջովին ջուրէ զուրկ մնացինք ու եզրին հասնելու համար տակաւին կտրելու երկար ճամբայ ունէինք: Ուստի հեւքոտ՝ աղօթելու սկսանք: Երբ անկիւն մը դարձանք, կատարուեցաւ անսպասելին, գոր մենք համարեցինք մեծ հրաշք մը: Նկատեցինք երեք ջուրի շիշեր, որոնք թխմուած էին ժայռի մը ճեղքին մէջ, ուր գրուած էր. «Գիտէ՞ր որ ասոր պէ՛տք ունիս: Վայելէ՛»: Մենք անհաւատութեամբ նայեցանք իրարու եւ շնչեցինք Աստուծոյ շնորհակալութիւն յայտնելով, պէտք եղած երկու ումպը խմեցինք եւ շարունակեցինք՝ ճամբուն վերջին հատուածը: Ես երբէք այսքան ծարաւ եւ շնորհակալ չեմ եղած իմ կեանքիս մէջ:

Սաղմոսերգուն՝ չունէր Մեծ Կիրճի մը փորձառութիւնը, բայց յստակ է, որ ան գիտէր թէ ինչպէ՞ս եղնիկը կը վարուի, երբ ծարաւ է եւ կարելի է՝ վախցած: Եղնիկը «կը տենչայ» (Սաղմ. 42. 1), բառ մը որ կը մտաբերէ ծարաւ ու անօթութիւնը՝ այն աստիճան՝ որ եթէ բան մը չփոխուի, կը վախնաս որ կրնաս նոյնիսկ մեռնիլ: Սաղմոսերգուն եղնիկին ծարաւի աստիճանը կը հաւասարեցնէ՝ Աստուծոյ համար ունեցած իր ցանկութեան. «Իմ անձս քեզի կը տենչայ» (Հմ. 1):

Ինչպէ՛ս որ է շատ անհրաժեշտ եղող ջուրը, Աստուած մեր մշտական օգնութիւնն է: Մենք կը հառաչենք Անոր, որովհետեւ Ան նոր ուժ եւ թարմութիւն կը բերէ մեր յոգնած կեանքին, զինելով մեզ օրուան ճամբորդութեան համար:

Աղօթք - Սիրող Աստուա՛ծ, շնորհակալ եմ քեզի՝ այն վերանորոգուած ուժին համար, որ ես կը գգամ՝ երբ Դո՛ւն կը լեցնես իմ կեանքս: **Ներէ՛ ինձի՛**՝ երբ քեզմէ տարբեր աղբիւր մը կը փնտռեմ: Ամեն: **Երբ խի՛ստ ծարաւ ու անօթի ըլլանք՝ փափաքի՛նք Աստուծոյ ներկայութեան:**

Քեզ որովայնի մեջ չծեւակերպած՝ քեզ կը ճանչնայի, դուն քու մօրդ արգանդէն չելած՝ քեզ սրբացուցի, քեզ ազգերուն մարգարէ կարգեցի: [Եր. 1. 5]

ՀԱՆՈՒԱԾ ՈՒ ՍԻՐՈՒԱԾ ԱՍՏՈՒԾՍԷ

Կարծես թէ այդ «Հաւնուած»ը (դիմատետրի (Facebook) բուլթամատը վերի նշանը) միշտ մեզի հետ եղած է: Բայց կը պարզուի, որ Հաստատումի այս խորհրդանիշը գոյութիւն ունի միայն 2009 թուականէն սկսած:

«Հաւնուած» նշանը հնարող Ճասթըն Ռոզընսթայն (Justin Rosenstein) ըսաւ թէ կը ցանկար ստեղծել «աշխարհ մը, ուր մարդիկ գիրար կը բարձրացնեն, փոխանակ վար գառնելու»: Բայց Ռոզընսթայն սկսաւ ողբալ, թէ ինչպէ՛ս իր գիւտը անառողջ կախեալ ըլլալու ընկերային ցանցեր օգտագործողներուն՝ մոլութիւնը դարձաւ:

Կը կարծեմ թէ Ռոզընսթայնի այս ստեղծագործութիւնը, խոստում է Հաստատումի եւ կապակցութեան մեր անհրաժեշտ կարեւորութեան մասին: Մենք կ'ուզենք գիտնալ, թէ ուրիշներ մեզ կը ճանչնան ու կը նկատեն. եւ այժմ նաեւ կը Հաւնին մեզ: «Հաւնիլը» բաւականին նոր է: Բայց գիտնալու եւ գիտցուելու է, որ մեր քաղցը նոյնքան հին է, որքան Աստուծոյ կողմէ ստեղծուած մարդ արարածը:

Տակաւին Հաւնուած կոճակը այդքան ալ գործը չաւարտեր: Բարեբախտաբար՝ մենք կը ծառայենք Աստուծոյ, որու սէրը այնքան խոր է՝ քան այս թուայնային (digital) Հաստատումը: Երեմիա 1. 5-ին մէջ մենք վկան կ'ըլլանք Անոր նպատակադրուած կապին մարգարէի մը հետ, որու կանչեց իր մօտ: «Քեզ որովայնի մէջ չծեւակերպած՝ քեզ կը ճանչնայի, դուն քու մօրդ արգանդէն չելած՝ քեզ սրբացուցի, քեզ ազգերուն մարգարէ կարգեցի»: Աստուած կը հրաւիրէ նաեւ մեզ նպատակադրուած կեանքի, երբ մենք կը ճանչնանք այս Հայրը, որ այնքան սերտօրէն կը ճանչնայ, կը սիրէ եւ կը Հաւնի մեզ:

Աղօթք - Յայր, օգնէ՛ ինձի որ հանգստանամ քու սիրոյդ եւ կեանքի կոչումիդ մէջ, որպէսզի գիտնամ՝ որ Դու կը հոգաս ինձի համար, ինչպէս որ կը ձեւաւորես զիս՝ այն օրերուն համար, որոնք կը ծրագրես ու կը սահմանես՝ ինձի համար: Ամէն:

Աստուծոյ մօտէն ճանչնալը՝ կ'ազդէ ուրիշներու հետ մեր ունեցած յարաբերութեան, ուստի՝ կ'արժէ նպատակադրուած ապրելով՝ խաղաղութիւն բերել:

Երբ սեղան նստաւ՝ անոնց հետ, առաւ հացը, օրհնեց, եւ կտրելով տուաւ անոնց: [Ղուկ. 24. 30]

ՇՆՈՐՀԱԿԱԼՈՒԹԻՒՆ ՅԱՅՏՆԷ ԱՍՏՈՒԾՈՅ

Լ նկերուհիս շտապեց հիւանդանոցի իր ճնշիչ աշխատանքէն՝ մտածելով, թէ ի՞նչ պատրաստելու է ընթրիքի համար՝ նախքան ամուսինը վերադառնալ՝ իր նոյնքան պահանջկոտ աշխատանքէն: Կիրակի օր հաւով ճաշ պատրաստած էր, իսկ Երկուշաբթի մնացորդները հրամցուցած էր: Յետոյ՝ անոնք Երեքշաբթի օր՝ խորոված հաւ կերան: Ան սառնարանին մէջ երկու կտոր ձուկ գտաւ, բայց գիտէր՝ որ ձուկի կտորները ամուսինին նախասիրութիւնը չէին: Չգտնելով որեւէ ուրիշ բան՝ որ կրնար պատրաստել քանի մը վայրկեաններու մէջ, ան որոշեց ձուկը պատրաստել ընթրիքի համար:

Երբ ան դրաւ ճաշը սեղանին վրայ, ներողութիւն խնդրեց ամուսինէն, որ նոր տուն հասած էր. «Գիտե՛մ, որ ա՛յս քու նախասիրութիւնդ չէ»: Ամուսինը նայեցաւ ու ըսաւ. «Միրելիս, ես պարզապէ՛ս ուրախ եմ որ ճաշ ունինք սեղանին վրայ»:

Անոր վերաբերմունքը կը յիշեցնէ ինձի՝ Աստուծո՛ւ մեզի տրուած ամէնօրեայ ճաշին համար շնորհակալ եւ երախտապարտ ըլլալու կարեւորութեան մասին, ինչպիսին որ ըլլան ատոնք: Մեր ամէնօրեայ հացի կամ ճաշի համար շնորհակալութիւն յայտնելը՝ Յիսուսի օրինակն է: Երբ Ան կերաւ երկու աշակերտներու հետ՝ Իր յարութենէն ետք, «առաւ հացը, օրհնեց, եւ կտրելով տուաւ անոնց» (Ղուկ. 24. 30): Ան շնորհակալութիւն յայտնեց Իր Հօրը, ինչպէս ակելի կանուխ, երբ կերակրեց հինգ հազարը «հինգ գարէ նկանակներով եւ երկու ձուկերով» (Յովհ. 6. 9): Երբ շնորհակալութիւն կը յայտնենք մեր ամէնօրեայ կերակուրին եւ այլ պարագաներու համար, մեր երախտագիտութիւնը կ'արտացոլայ Յիսուսի ճանապարհները եւ կը պատուէ մեր Երկնաւոր Հայրը: Եկէ՛ք այսօր շնորհակալութիւն յայտնենք Աստուծոյ:

Աղօթք - Բոլորին Աստուա՛ծը, շնորհակալ եմ Զեզի՛ իմ ամէնօրեայ հացին եւ մնացած բոլոր կարիքներուս համար, որոնք Դուն կը բաւարարես ինձի համար: Ամէն:

Յիշե՛նք միշտ շնորհակալութիւն յայտնել Յիսուսի, որը կը պատուէ գինք:

Աւելի՛ երանելի է տա՛լը՝ քան ստանալը: [Գործք 20. 35]

ՈՒՐԱԽՈՒԹԻՒՆ ՏԱԼՈՒ ՄԷՁ

Երբ Գերիի (*Keri*) կրտսեր որդին կ'անցնէր եւս մէկ մկանային վիրահատութենէ, Գերի՛ կը ցանկար իր միտքը հեռացնել իր ընտանիքի իրավիճակէն՝ ուրիշ բան մը ընելով: Ուստի՛ ան հաւաքեց իր որդիին հին կօշիկները, որոնք այլեւս փոքր էին անոր համար, եւ նուիրեց զանոնք բարեսիրական կազմակերպութեան մը: Անոր նուիրատուութիւնը՝ դրդեց իր ընկերներն ու ընտանիքի անդամները՝ եւ նոյնիսկ գրացիները միանալու իրեն, եւ շուտով աւելի քան երկու հարիւր զոյգ կօշիկներ հաւաքեցին ու նուիրեցին:

Թէեւ կօշիկները նուիրելու այս արարքը նախատեսուած էր ուրիշներ օրհնելու համար, Գերին կը զգայ, որ իր ընտանիքը աւելի շատ օրհնուեցաւ: «Ամբողջ փորձը իսկապէս բարձրացուց մեր տրամադրութիւնը եւ օգնեց մեզի՝ կեդրոնանալու ուրիշներու վրայ»:

Պօղոս հասկցաւ, թէ որքա՛ն կարեւոր է Յիսուսի հետեւողներուն համար առատաձեռն տալը: Երուսաղէմ երթալու ատեն, ան կանգ առաւ Եփեսոսի մէջ: Ան գիտէր, որ այդ հաւանաբար կ'ըլլայ իր վերջին այցը այնտեղ՝ իր հիմնած եկեղեցիին մարդոց հետ: Եկեղեցիի երէցներուն ուղղուած իր հրաժեշտի խօսքին մէջ՝ ան յիշեցո՛ւց անոնց, թէ ինչպէս ինք ջանասիրութեամբ աշխատած է Աստուծոյ ծառայելով (Գործք 20. 17-20) եւ խրախուսեց անոնց՝ ընել նո՛յնը (Հմ. 35): Յետոյ՝ ան եզրափակեց Յիսուսի խօսքերով. «Աւելի՛ երանելի է տա՛լը՝ քան ստանալը» (Հմ. 35):

Յիսուս կ'ուզէ, որ մենք ազատօրէն եւ խոնարհաբար նուիրենք մեր անձերը (Ղուկ. 6. 38): Երբ մենք կը վստահինք իրեն, որ կ'առաջնորդէ մեզ, հնարաւորութիւնը կու տայ մեզի այդ ընելու: Գերիի ընտանիքին նման, մենք ալ կրնանք զարմանալ այն ուրախ զգացումին համար, որ մենք կը զգանք մեր ըրածին արդիւնքը տեսնելով:

Աղօթք - Սիրելի Հայր, օգնէ՛ ինձի՝ որ իմ ունեցած ժամանակէս եւ ունեցածներէս՝ ազատօրէն տրամադրեմ ուրիշներու: Ամէն:
Աստուած կ'ակնկալէ ու կը հրաւիրէ, որ մեր ունեցածէն ուրիշներու տանք: Ո՛ւստի ըլլանք առատաձեռն ուրախութեամբ տուողներ:

Ուրեմս հիմա ձեր մէջ եղող օտար աստուածները
հանեցէ՛ք, ու ձեր սիրտը Տէրոջ՝ Իսրայէլի՛
Աստուծոյն հակեցուցէք: [Յես. 24. 23]

ՏԱՆ ԱՍՏՈՒԱԾՆԵՐ

Աստուածաշունչի սերտողութեան խուճբի տղամարդերը՝
կը գրեթէ ութսուն տարեկան էին, ուստի զարմացայ՝ որ անոնք
կը պայքարէին ցանկութեան դէմ: Ճակատամարտ մը, որ սկսած
էր իրենց երիտասարդութեան տարիներուն, տակաւին կը
շարունակուէր: Անոնք ըսին՝ թէ ամէն օր խոստացան հետեւիլ
Յիսուսի այս հարցով եւ ներողութիւն խնդրեցին այն պահերուն
համար երբ ձախողեցան:

Մեզի կրնայ զարմացնել, որ աստուածավախ տղամարդեր՝
տակաւին կը պայքարին այս մեղքին դէմ՝ կեանքի այս ուշ
հանգրուանին մէջ: Կուռքը՝ որեւէ բան է, որ սաստէ գրաւելու
Աստուծոյ տեղը մեր կեանքին մէջ, եւ նման բաներ կրնան
յայտնուիլ երկար ժամանակ ենթադրելէ ետք՝ որ ատոնք չկան:

Աստուածաշունչին մէջ՝ կը կարգանք թէ Յակոբ հաշտուած
էր իր հօրեղբօր՝ Լաբանին եւ իր եղբօր՝ Եսաւին: Ան կը
վերադառնար Բեթէլ՝ երկրպագելու Աստուծոյ եւ հռչակելու
Անոր տուած բազմաթիւ օրհնութիւնները, սակայն անոր
ընտանիքը տակաւին կը պահէր օտար աստուածներ, որոնք
Յակոբ պէտք էր թաղէր (Մնն. 35. 2-4): Յեսուսի գիրքին
վերջաւորութեան, Իսրայէլ ջախջախելէ ետք իր թշնամիները
եւ հաստատուելէ ետք Քանանու երկրին մէջ, Յեսու տակաւին
պէտք էր յորդորէր անոնց, որ «իրենց մէջ եղող աստուածները
հանե՛ն, ու իրենց սիրտը Տէրոջ՝ Իսրայէլի՛ Աստուծոյն
հակեցնեն» (Յես. 24. 23): Եւ Դաւիթի կինը Մեղքող, ըստ
երեւոյթին, կուռքեր կը պահեր, որովհետեւ ատոնցմէ մէկը
դրած իր անկողինին մէջ, որպէսզի մոլորեցնէ իրեն սպաննելու
եկած զինուորները (Ա. Թագ. 19. 11-16):

Կուռքերու դիմելու փորձութիւնները կու գան, բայց
Աստուծոյ ներումը աւելի մեծ է: Թող որ մենք ընտրուինք Յիսուսի
համար՝ չըջելով մեր մեղքերէն եւ ներում գտնելով Իրմով:

Աղօթք - Հայր, կը խոստովանիմ մեղքերս եւ երախտագիտու-
թեամբ կը ստանամ Քու ներումդ Տէր Յիսուսի միջոցով: Ամէն:

Ո՞րն է ամենադժուար մեղքը եւ փորձութիւնը: Ի՞նչ քայլեր
կրնանք ձեռնարկել այս կուռքը ոչնչացնելու համար:

Իւրաքանչիւրը թող տայ՝ ինչպէս որոշած է իր սիրտին մէջ: [Բ. Կորնթ. 9. 7]

ՏԱ՛Լ՝ ՄԵՑ ՍԻՐՏՈՎ

Դ պրոցէն ետք՝ Աստուածաշունչի ակումբին մէջ, ուր կինս՝ Սու (Sue) կը ծառայէ շաբաթը մէկ անգամ, երեխաները խնդրեցին գումար մը նուիրել պատերազմէն տուժած Ուքրանիայի (Ukraine) երեխաներուն օգնելու համար: Տասնմէկ տարեկան թոռնուհին՝ Մակիին (Maggie) ծրագիրին մասին ըսելէ մօտ շաբաթ մը ետք, ստացանք ծրար մը նամակատան միջոցով, որ կը պարունակէր \$3.45 տոլար՝ ինչպէս նաեւ գրութիւն մը. «Սա՛ այն ամէնն է, ինչ որ ես ունիմ Ուքրանիայի երեխաներուն համար: Վերջը՝ աւելի կը դրկեմ»:

Սու չէր առաջարկած Մակիին, որ ան պէտք է օգնէ, բայց գուցէ՝ Հոգին յիշեցուց անոր: Եւ Մակին, որ կը սիրէր Յիսուսը եւ կը ձգտէր ապրիլ Անոր համար, պատասխանեց:

Մենք կրնանք շատ բան սորվիլ, երբ կը մտածենք այս փոքր նուէրին մասին, որ տրուած էր մեծ սիրտով: Այդ արտացոլումն է Բ. Կորնթացիս 9-ին մէջ Պօղոսի կողմէ տրուած որոշ ցուցմունքներուն: Նախ Պօղոս առաջարկեց որ մենք «առատաձառութիւն» պիտի հնձենք (Հմ. 6): «Այն ամէնը, ինչ որ ունիմ»ի նուէր մը, անշուշտ՝ առատաձեռն է: Պօղոս նաեւ գրեց, որ մեր նուէրները պէտք է տրուին ուրախութեամբ, ինչպէս Աստուած կ'առաջնորդէ եւ ինչպէս կրնանք, ո՛չ թէ այն պատճառով, որ մենք «հարկադրանքի» տակ ենք (Հմ. 7): Եւ ան նշեց «աղքատներուն տրուած նուէրներուն» արժէքը (Հմ. 9)՝ մէջբերելով Սաղմոս 112. 9-ն:

Երբ նուէրներ տալու առիթը յայտնուի, եկէ՛ք հարցնենք՝ թէ ինչպէ՞ս Աստուած կը ցանկայ, որ մենք պատասխանենք: Երբ առատաձեռն եւ ուրախ ենք՝ մեր նուէրները տանք կարիքաւորներուն, ինչպէս Ան կ'առաջնորդէ մեզ:

Աղօթք - Սիրելի Յայր, կը խնդրեմ՝ առաջնորդէ զի՛ս, որպէսզի ըլլամ այնպիսի առատաձեռն տուող մը, ինչպիսին Դուն կ'ուզես որ ըլլամ՝ արտացոլացնելով առատաձեռն սիրտ մը: Ամէն:

Երբ կը տեսնենք զանազան կարիքներ մեր շուրջ, խնդրենք Աստուծմէ, որ տայ՝ մեզի առատաձեռն ըլլալու հոգի մը, որպէսզի տանք մեծ սիրտով:

Բայց դուն արթո՛ւն եղիր ամեն բանի մէջ, տոկա՛
չարչարանքներու, աւետարանիչի գո՛րծ ըրէ: [Բ. Տիմ. 4. 5]

ԻՐԱՔԱՆՉԻՐ ՊԱՅ՝ ԿԱՐԵՒՐ Է

Երբ Թայթանիք (Titanic) նաւը զառնուեցաւ սառնալեռի՝ Ապրիլ 1912-ին, Հովի՛ւ Ճան Հարբըր (John Harper) իր վեց տարեկան դուստրին համար տեղ ապահովեց սահմանափակ թիւով փրկութեան նաւերէն մէկուն մէջ: Ան իր փրկարար բաճկոնը տուաւ ուղեկցորդի մը եւ բաժնեկցեցաւ աւետարանը բոլոր անոնց հետ, որոնք կը լսէին: Երբ նաւը խորտակուեցաւ եւ հարիւրաւոր մարդեր կը սպասէին անհաւանական փրկութեան, Հարբըր լողաց՝ մէկ մարդէն միւսը եւ ըսաւ. «Հաւատայ Տէր Յիսուս Քրիստոսի եւ կը փրկուիս» (Գործք 16. 31):

Գանատայի Օնթարիոյ (Ontario) նահանգին մէջ՝ Թայթանիք նաւէն փրկուածներու հանդիպումի մը ընթացքին՝ մարդ մը ինքզինք անուանեց «Ճան Հարբըրի վերջին դարձի բերածը»: Մերժած ըլլալով Հարբըրի առաջին հրահէրը, մարդը ընդունեց Յիսուս Քրիստոսը, երբ քարոզիչը դարձեալ Հարցուց իրեն: Ան դիտեց, մինչ Հարբըր իր կեանքի վերջին պահերը կը նուիրէր Յիսուսի՝ փրկութեան բարի լուրը բաժնեկցելու համար, նախքան մարմինին ջերմութիւնը կորսնցնելով (hypothermia) մեռնի՝ ընկղմի ովկիանոսի սառը ջուրին մէջ:

Պօղոս առաքեալ կը խրախուսէ Տիմոթէոսին՝ նման հրատապութեան եւ անձնուրաց աւետարչութեան նուիրումի: Հաստատելով Աստուծոյ մշտական ներկայութիւնը եւ Յիսուսի անխուսաբելի վերադարձը՝ Պօղոս կը պատուիրէ Տիմոթէոսի՝ քարոզել համբերութեամբ եւ ճշգրտութեամբ (Բ. Տիմ. 4. 1-2): Առաքեալը կը յիշեցնէ երիտասարդ քարոզիչին, որ մնայ կեդրոնացած, թէեւ որոշ մարդիկ պիտի մերժեն Յիսուսի (Հմ. 3-5):

Մեր օրերը սահմանափակ են, ուստի իւրաքանչիւր պահը կարելոր է: Մենք կրնանք վստահ ըլլալ, որ մեր Հայրը ապահովեց մեր տեղը՝ երկինքի մէջ, երբ կը յայտարարենք. «Յիսուս կը փրկէ»:

Աղօթք - Տեր Յիսո՛ւս, կը խնդրեմ՝ տո՛ւր ինձի հնարաւորութիւնը բաժնեկցելու Քու սերոյ ուրիշներու հետ: Ամէն:

Գիտնալով որ մեր օրերը սահմանափակ են, աւելցնենք Տեր Յիսուսի սիրոյ բարի լուրը բաժնեկցելու հրատապութիւնը՝ ուրշներու հետ:

Երանելի են այն մեռելները՝ որոնք կը մեռնին
Տերոզմով: [Յայտ. 14. 13]

ՍԵՐՆԱՅԻՆ ԳԵՐԵԶՄԱՆԸ

Իռլանտացի բանաստեղծ՝ Ո. Ժ. Եյթց (W. B. Yeats) ցանկաց
թաղուհի Պէն Պուլպըն (Ben Bulbin)՝ հարթ գագաթներով
վեհ լեռան ստորոտը ու վերնագրեց այդ անունով՝ իր վերջին
բանաստեղծութիւններէն մէկը: Բանաստեղծութեան վերջին տողը
փորագրուած է իր գերեզմանին վրայ. «Զիաւոր, անցիր կողքէն»:

Շատ կարծիքներ տրուած են թէ ի՞նչ կը նշանկէ այդ:
Թերեւս այդ բանաստեղծին կողմէ եղած կեանքի եւ մահուան
իրականութեան ճանաչումն է: Եյթց հասաւ իր նպատակին՝ թէ
ուր կ'ողջէր թաղուհի եւ թէ ի՞նչ պիտի ըսէ անոր գերեզմանաքարը:
Սակայն ցուրտ ճշմարտութիւնը այն է, որ կեանքը կը շարունակուի
առանց մեզի, անտարբեր մեր հեռանալու իրականութենէն:

Յուդայի պատմութեան սարսափելի ժամանակաշրջաններէն
մէկուն ընթացքին՝ Սեբնան, «պալատի կառավարիչ» մը,
իրեն համար գերեզման պատրաստեց՝ մահէն յետոյ իր
ժառանգութիւնը ապահովելու համար: Իայց Աստուած Եսայի
մարգարէին միջոցով ըսաւ անոր. «Դուն հոս ի՞նչ ունիս, եւ հոս
ո՞վ ունիս, որ հոս քեզի գերեզման փորեցիր, ինչպէս ան՝ որ իր
գերեզմանը բարձր վայրի մէջ կը փորէ, եւ իրեն բնակարան կը
կառուցանէ ժայռի մէջ» (Ես. 22. 16): «[Աստուած] անտարակոյս
քեզ պիտի ծրարէ, քեզ գնդակի պէս պիտի գլորէ դէպի
ընդարձակ երկիր մը. դուն հոն պիտի մեռնիս» (Հմ. 18):

Սեբնան չէր հասկցած նիւթը: Կարեւորը՝ այն չէ՛ թէ մենք
ո՞ւր թաղուած ենք. կարեւորը այն է, թէ մենք որո՞ւ կը ծառայենք:
Անոնք՝ որոնք կը ծառայեն Յիսուսի, ունին այս անչափելի
մխիթարութիւնը. «Երանելի են այն մեռելները, որոնք կը մեռնին
Տէրոզմով» (Յայտ. 14. 13): Մենք կը ծառայենք Աստուծոյ մը,
որ երբէք անտարբեր չի՛ մնար մեր «մահուան» հանդէպ: Ան
կ'ակնկալէ մեր ժամանումը եւ կ'ողջունէ մեզ իր տան մէջ:

Աղօթք - Երկնաւոր Յայր, կը խնդրեմ՝ օգնէ ինծի ապրելու
կեանքը, ակնկալելով այն ժամանակը, երբ ես Զեզի հետ կ'ըլլամ
յաւիտենականութեան մէջ: Ամէն:

**Ի՞նչ կ'ըսէ կեանքս՝ այն մասին, թէ որո՞ւ կը ծառայեմ: Ինչպէ՞ս
կ'ուզեմ որ զիս յիշեն:**

Կը ներբողեմ քեզ, որովհետեւ տեսաւոր ու սքանչելի կերպով ստեղծուեցայ. Զու գործերդ սքանչելի են եւ անձս լաւ գիտէ: [Սաղմ. 139. 14]

ԱՍՏՈՒԾՈՅ ՍՏԵՂԾԱԾ ԳԼՈՒԽ ԳՈՐԾՈՅԸ

Թէ եւ մեր մարմինի ջղային դրուժեան գիտութիւնը՝ մեծ առաջընթաց արձանագրած է՝ հասկնալու, թէ ինչպէս կը գործէ ուղեղը, գիտնականները կը խոստովանին թէ թերեւս գիտութիւնը զայն լման հասկնալու սկզբնական փուլերուն մէջ է: Անոնք կը հասկնան ուղեղին ճարտարապետութիւնը, անոր գործառութեան որոշ տուեալները եւ այն մասերը, որոնք կ'արձանագրեն միջավայրին եւ գործի կը լծեն մեր զգայարանքները, կ'առաջացնեն շարժումներ եւ կը պարունակեն զգացումներ: Բայց անոնք տակաւին չեն կրնար պարզել թէ ինչպէս այս բոլոր փոխազդեցութիւնները կը նպաստեն վարմունքին, ընկալումին եւ յիշողութեան: Աստուծոյ այս անհաւանական բարդ, ստեղծուած գլուխ գործոցը մարդկութիւնը, տակաւին առեղծուածային է:

Դաւիթ ընդունեց մարդկային մարմինին հրաշալիքները: Օգտագործելով փոխաբերական լեզու՝ հռչակեց Աստուծոյ զօրութիւնը, ապացուցուած Իր գերիշխան վերահսկողութեամբ ծածկուելու «մօր որովայնին մէջ» ամբողջ բնական ընթացքին (Սաղմ. 139. 13): Ան գրեց. «Ահաւոր ու սքանչելի կերպով ստեղծուեցայ. Քու գործերդ սքանչելի են եւ անձս լաւ գիտէ» (Հմ. 14): Հին օրերուն՝ մարդիկ մօր արգանդին մէջ երեխային զարգացումին կը դիտէին՝ որպէս մեծ առեղծուած (տե՛ս Ժող. 11. 5): Նոյնիսկ մարդկային մարմինի հրաշալի բարդութիւններու մասին սահմանափակ գիտակցութեան Դաւիթ տակաւին ակնածանքով ու զարմանքով կանգնած էր Աստուծոյ զարմանալի աշխատանքին եւ ներկայութեան հանդէպ (Սաղմ. 139. 17-18):

Մարդու մարմինի իւրաքանչիւր եւ հիասքանչ բարդութիւն՝ կ'արտացոլայ Աստուծոյ զօրութիւնն ու իշխանութիւնը: Մեր միակ պատասխանները կրնան ըլլալ՝ գովասանք, ակնածանք եւ զարմանք:

Աղօթք - Սիրելի Աստուա՛ծ, կը գովաբանեմ քեզ, որ զիս այնքա՛ն սքանչելի ու հիանալի բարդութեամբ ստեղծեցիր: Ի՛նչ զարմանալի ստեղծիչ ես Դու: Ամէն:

Մեր մարմիններուն բարդ ստեղծագործութիւնը՝ մեզ մղելու է Աստուած փառաւորելու եւ շնորհակալութիւն յայտնելու Իրեն:

Դո՛ւք ալ պատրա՛ստ կեցեք, որովհետեւ մարդու Որդին պիտի գայ այնպիսի ժամու մը՝ որ դուք չէք ակնկալեր: [Մատթ. 24. 44]

ԱԿՆԿԱԼԵԼ ՅԻՍՈՒՍԸ

Ընկերս՝ Փօլ (Paul) կը սպասէր մասնագէտին ժամանումին, որպէսզի վերանորոգէ իր սառնարանը, երբ տեսաւ պատգամը իր բջիջային հեռախօսին վրայ նորոգութիւն ընող ընկերութեան: Հոն գրուած էր. «Յիսուս ճանապարհին է եւ կը սպասուի՝ որ ան ժամանէ առաւօտեան ժամը 11:35-ին»: Շուտով Փօլ յայտնաբերեց, որ մասնագէտին անունը՝ իսկապէս Յիսուս էր (hay- Soos):

Բայց ե՞րբ կրնանք սպասել, որ Տէր Յիսուս՝ Աստուծոյ Որդին գայ: Երբ Ան եկաւ որպէս մարդ՝ երկու հազար տարի առաջ եւ կրեց մեր մեղքի պատիժը, Ան ըսաւ, որ կը վերադառնայ, բայց միայն Հայրը գիտէ իր վերադարձի ճշգրիտ «օրն ու ժամը» (Մատթ. 24. 36): Ի՞նչ տարբերութիւն կրնայ ըլլալ մեր առօրեայ առաջնահերթութիւններուն մէջ, եթէ մենք իմանայինք այն պահը, երբ մեր Փրկիչը պիտի վերադառնայ երկիր (Յովհ. 14. 1-3):

Յիսուս զգուշացուց մեզ՝ որ պատրաստ ըլլանք իր վերադարձին. «Մարդու Որդին պիտի գայ այնպիսի ժամու մը՝ որ դուք չէք ակնկալեր» (Մատթ. 24. 44): Ան յիշեցուց մեզի, որ «արթուն մնանք, որովհետեւ չենք գիտեր թէ մեր Տէրը ո՞ր ժամուն պիտի գայ» (Հմ. 42):

Բրիստոսի վերադարձի օրը՝ մենք մեր հեռախօսով ահագանգ պիտի չստանանք՝ մեզ նախագգուշացնելու համար: Ուստի՝ Հոգիին զօրութեամբ, որ կը գործէ մեր միջոցով, եկէ՛ք ամէն օր ապրինք յաւիտենականութեան հեռանկարով, ծառայելով Աստուծոյ եւ օգտուելով սիրոյ եւ յոյսի Անոր ուղերձը ուրիշներու հետ բաժնեկցելու իւրաքանչիւր հնարաւորութեան:

Աղօթք - Յայ՛ր, մինչ համբերութեամբ կը սպասեմ, օգնե՛ ինձի հնազանդելու Զեզի, հետամուտ ըլլալով սրբութեան եւ ապրիլ Զրիստոսի վերադարձին ակնկալութեամբ: Ամեն:
Ի՞նչպիսի մղում ունինք Յիսուսի վերադարձին մասին եւ ի՞նչ կ'ակնկալենք՝ երբ Ան սորեն գայ:

Աղշի՛կ, հաւատոյդ բժշկեց քեզ: [Մարկ. 5. 34]

ԵՐԿԸՆՏՐԱՆՔՆԵՐ ԵՒ ԽՈՐ ՅԱԿԱՏՔ

Շաբաթ առաւօտեան Աստուածաշունչի սերտողութեան Ընթացքին, հայր մը շփոթուած էր, որովհետեւ իր սիրելի՛ սակայն կամակոր դուստրը վերադարձած էր քաղաք, բայց ան անյարմար կը զգար իր տան մէջ՝ անոր վարմունքին պատճառով: Մէկ ուրիշ մասնակից մը մարմնապէս լաւ էէր, քանի որ երկարատեւ հիւանդութեան եւ ծերութեան պատճառով, Ֆիզիքական հետեւանքները իրենց ազդեցութիւնը ձգած էին եւ բազմաթիւ բժիշկներու այցելութիւնները՝ նուազագոյն առաջընթացը արձանագրած էին: Ան յուսահատած էր: Աստուածային նախագիծով՝ Մարկոս 5-րդ գլուխը, Աստուածաշունչի այն հատուածն է, որ անոնք սերտեցին այդ օրը: Երբ սերտողութիւնը վերջացաւ, յոյսը եւ ուրախութիւնը զգալի էր:

Մարկոս 5. 23-ին մէջ, Յայրոս՝ հիւանդ երեխայ ունեցող հայրը, բացազանչեց. «Աղջիկս մեռնելու մօտ է»: Աղջկան այցելելու ճանապարհին, Յիսուս բժշկեց անանուն կնոջ մը, իր երկարատեւ առողջական խնդիրէն՝ ըսելով. «Աղջիկ, հաւատքդ բժշկեց քեզ» (Հմ. 34): Յայրոսն ու կինը, Յիսուսի հանդէպ իրենց ունեցած հաւատքին պատճառով, փնտռեցին Անոր եւ յուսախաբ չեղան: Սակայն երկու պարագաներուն ալ, նախքան Յիսուսի հետ հանդիպելը, ամէն ինչ «վատէն՝ աւելի վատ» կ'ընթանար՝ առաջ որ լաւանայ:

Կեանքի երկրնտրանքները խտրականութիւն չեն դնելու: Անկախ սեռէ, տարիքէ, ցեղէ կամ դասէն, մենք բոլորս կը դիմագրաւենք իրավիճակներ, որոնք մեզ կը շփոթեցնեն եւ կը դրկեն պատասխաններ փնտռելու: Փոխանակ թոյլ տալու, որ մեր մարտահրաւէրները մեզ ետ պահեն Յիսուսէն, եկէ՛ք ձգտինք, որ ատոնք խթանեն մեզ աւելի խոր հաւատքի՝ Անոր հանդէպ, որ կը զգայ, երբ մենք կը դպչինք Իրեն (Հմ. 30) եւ Ան որ կարող է մեզ առողջացնել:

Աղօթք - Սիրելի Յիսու՛ս, Դուս գիտես իմ կեանքիս իւրաքանչիւր իրավիճակը: Կը խնդրեմ, գիս զօրացուր հաւատքի մէջ, Նոյնիսկ երբ ամեն ինչ վատէն աւելի վատ կ'ըլլայ: Ամեն:

Կեանքի որոշ իրավիճակներ կը ստիպեն մեզ դիմելու Յիսուսի:
Ուստի՝ սրտանց աղօթենք այսօր:

Ձեր ազատութիւնը մարմինի ցանկութիւններու առիթ չըլլայ, հապա սիրո՛վ իրարու ծառայեցէք: [Գաղ. 5. 13]

ԾԱՌԱՅՈՒԹԵԱՆ ՍԻՐՏ

Երբ «Հօրեղբայրս» Էմօրի (*Emory*) մահացաւ, յարգանքի տուրքերը շատ էին ու բազմազան: Սակայն՝ այդ բոլոր պատիւները հետեւողական նիւթ ունէին. Էմօրին ցոյց տուաւ իր սէրը Աստուծոյ հանդէպ՝ ծառայելով ուրիշներուն: Ո՛չ մէկ տեղ ան օրինակելի չէր, որքան որ էր Երկրորդ Համաշխարհային Պատերազմի ժամանակ, երբ ան ծառայեց որպէս դիակապետ՝ բժիշկ, որ պատերազմի գնաց առանց գէնքի: Իր խիզախութեան համար՝ ան արժանացաւ զինուորական բարձր պարգեւներու, բայց Էմօրին ամենէն շատ յիշուեցաւ իր մատուցած կարեկցական ծառայութեան համար, ինչպէս պատերազմի ընթացքին, այնպէս ալ անկէ ետք:

Էմօրիի անձնուրացութիւնը գործնական օրինակն էր Պօղոսի Գաղատայի եկեղեցիին հաւատացեալներուն տուած իր մարտահրաւէրին: Ան գրեց ըսելով. «Որովհետեւ դուք ազատութեան կանչուած էք, եղբայրներ. միայն թէ ձեր ազատութիւնը մարմինի ցանկութիւններու առիթ չըլլայ, հապա սիրո՛վ իրարու ծառայեցէք» (Գաղ. 5. 13): Բայց ինչպէ՞ս: Մեր կոտորածութեան մէջ՝ մենք կը կ'ուզենք մեր անձը առաջին տեղը դնել, ուրիշները դնելու փոխարէն, ո՛ւստի՝ ուրկէ՞ կու գայ այս անբնական անձնուրացութիւնը:

Փիլիպ. 2. 5-ին մէջ՝ Պօղոս կ'առաջարկէ. «Իւրաքանչիւրը թող նկատի չառնէ միայն իր շահը, այլ նաեւ ուրիշներո՛ւնը: Ունեցէ՛ք այն մտածումը՝ որ Քրիստոս Յիսուսի մէջ էր»: Ան կը նկարագրէ Քրիստոսի պատրաստակամութիւնը՝ նոյնիսկ խաչի վրայ մեզի հանդէպ ունեցած իր մեծ սիրոյն: Անոր Հոգին կ'արտադրէ Քրիստոսի միտքը ուրիշներու համար՝ արտացոլացնելով Յիսուսի կատարած վերջնական զոհը, երբ Ան ինքզինք տուաւ մեզի համար:

Թող որ մենք ենթարկուինք Հոգիին աշխատանքին մեր մէջ:

Աղօթք - Սիրող Յայր, շնորհակալութիւն Յիսուսի կատարեալ օրինակին եւ ինձի համար Իր ըրած զոհաբերութեան համար: Կը խնդրեմ, օգնէ՛ ունենալու Յիսուսի մտածելակերպը: Ամէն:
Եթէ մէկը զոհաբերաբար ծառայած է մեզի, մենք ալ պատրաստ ըլլանք նոյնը ընելու ուրիշներու, սկսելով մեր ընտանիքէն:

Իսկոյն մարդը առողջացաւ, եւ առնելով իր մահիճը՝ կը քալէր: [Յովհ. 5. 9]

ԲԺՇԿՈՒԹԵԱՆ ՅՈՅԱ

Յոյսի նոր առիթ մը ի յայտ եկած էր՝ ողնահարը վնասուելու պատճառով անդամալոյծ մարդերու համար: Գերմանացի հետազօտողներ՝ յայտնաբերած էին նեարդներու աճը խթանելու միջոց մը մկաններու եւ ուղեղին միջեւ նեարդները վերականգնելու համար: Նեարդներուն վերածը թոյլ տուած է անդամալուծուած մուկերուն դարձեալ քալելու եւ քննութիւնները պիտի շարունակուին պարզելու, թէ արդեօ՞ք այս բուժումը անվտանգ եւ արդիւնաւոր է մարդոց համար:

Այն ինչ որ գիտութիւնը կը ձգտի հասնելու անդամալոյծներուն համար, Յիսուս ըրաւ իր հրաշքներու միջոցով: Երբ Ան այցելեց Բեթհեզդա աւազանը, տեղ մը, ուր շատ հիւանդներ բժշկութիւն ստանալու յոյսով հերթի կը սպասէին, Յիսուս անոնց մէջ փնտոեց մարդ մը, որ «երեսունութ տարիներ է ի վեր անդամալոյծ էր» (Յովհ. 5. 5): Հաստատելով, որ մարդը իսկապէս կը ցանկար բժշկուիլ, Քրիստոս հրահանգեց անոր ոտքի ելլել ու քալել: «Իսկոյն մարդը առողջացաւ, եւ առնելով իր մահիճը՝ կը քալէր» (հմ. 9):

Մեզի խոստում տրուած չէ՛, որ մեր բոլոր ֆիզիքական հիւանդութիւնները կը բուժուին Աստուծոյ կողմէ: Աւազանին մօտ ուրիշներ կային, որոնք այդ օր չբուժուեցան Յիսուսի կողմէ: Բայց անոնք, որոնք կը վստահին Անոր, կրնան զգալ այն բժշկութիւնը, որ Ան կը բերէ՝ վհատութենէ՛ յոյսի, դառնութենէ՛ շնորհքի, ատելութենէ՛ սիրոյ, մեղադրանքէ՛ ներելու պատրաստակամութեան: Ո՛չ մէկ գիտական յայտնագործութիւն՝ (կամ ջուրի աւազան) չի կրնար մեզի նման բուժում առաջարկել. այդ կու գայ միայն հաւատքով:

Աղօթք - Սիրելի Աստուած, շնորհակալ եմ՝ որ բուժեցիր իմ մեծագոյն հիւանդութիւնս՝ մեղքի համաճարակը եւ վերականգնեցիր հոգեւոր առողջութիւնս՝ Տէր Յիսուսի միջոցով: Ամէն:
Երբ կը փորձուիսք հոգեւոր բժշկութիւն փնտոել Աստուծմէ տարբեր տեղ, յիշենք թէ միայն Տէր Յիսուս կրնայ տալ մեզի կատարեալ՝ բժշկութիւն:

Երբ արտիդ մէջ հունձքդ հնձես եւ արտին մէջ որայ մը մոռցած ըլլաս ... գաղթականին, որբին ու այրիին թող ըլլայ: [Բ. Օր. 24. 19]

ԱՌԱՏԱԶԵՈՆ ՅԱԲԱՏՔ

Քանի մը տարիներ առաջ մեր եկեղեցին հրաւէր ստացաւ ընդունելու գաղթականներ, որոնք փախուստ տուած էին իրենց երկիրէն՝ քաղաքական ղեկավարութեան կատարած խռովալից փոփոխութիւններէն յետոյ: Լման ընտանիքներ կու գային՝ միայն առնելով այն ինչ որ կրնային տեղաւորել իրենց փոքր պայտուսակներուն մէջ: Մեր եկեղեցիի ընտանիքներէն մի քանին բացին իրենց տուները, ներառեալ ոմանք որոնք աւելորդ տեղ չունէին:

Անոնց շնորհալի հիւրասիրութիւնը կ'արտացոլացնէ Աստուծոյ երեակ պատուիրանը տրուած Իսրայէլացիներուն, երբ անոնք մտան խոստացեալ երկիրը (Բ. Օր. 24. 19-21): Որպէս գիւղատնտեսական Հասարակութիւն՝ անոնք շատ լաւ կը Հասկնային բերքի կարեւորութիւնը: Բերքը՝ անհրաժեշտ էր զիրենք Հասցնելու մինչեւ յաջորդ տարին: Այս Աստուծոյ պատուիրանը «մոռցուած որան գաղթականին, որբին եւ այրիին ըլլայ» (Հմ. 19), նաեւ Իրեն վստահելու խնդրանքի կը դարձնէ: Իսրայէլացիները պէտք էր առատաձեռնութիւն դրսեւորէին՝ ոչ թէ տալով միայն այն ատեն, երբ զիտէին թէ բաւական է, այլ նուիրելով այն սիրով՝ որ կը վստահին Աստուծոյ:

Նման հիւրընկալութիւնը նաեւ կը յիշեցնէր «որ (անոնք) Եգիպտոսի մէջ ստրուկ էին» (Հմ. 18, 22): Անոնք ժամանակ մը ճնշուած եւ ընչազուրկ եւ չքաւոր էին: Անոնց առատաձեռնութիւնը՝ կը յիշեցնէր Աստուծոյ ըրած ողորմածութիւնը՝ իրենց Հանդէպ՝ ազատելով զանոնք գերութենէ:

Յիսուսի Հաւատացողները՝ նոյնպէս կոչ ունին առատաձեռն ըլլալու: Պողոս կը յիշեցնէ մեզի. «Քրիստոս որ թէպէտ Հարուստ էր՝ ձեզի Համար աղքատ եղաւ, որպէսզի դուք Հարստանաք անոր աղաքատանալով» (Բ. Կորնթ. 8. 9): Մենք կու տանք, որովհետեւ Ան տուած է մեզի:

Աղօթք - Սիրելի Յայր, կը խնդրեմ բա՛ց աչքերս՝ որ տեսնեմ իմ համայնքիս մէջ լուսանցքի վրայ եղողներուն կարիքները: Ամէն:
Եթէ մէկը օգնած է քեզի երբ կարիքաւոր էիր, հիմա դուն ալ կրնաս օգնել անոնց՝ որոնք կարիքաւոր են:

Աստուած միայնակ եղողները ընտանիքի մէջ կը բնակեցնէ: [Սաղմ. 68. 6]

ԲԱՐԵԿԱՄ՝ ՄԻԱՅՆԱԿԻՆ

Հօլլի Բուգը (*Holly Cooke*) չունէր ոեւէ բարեկամ, երբ ան տեղափոխուեցաւ Լոնտոն՝ աշխատանքի համար: Անոր շաբաթավերջերը թշուարական ըլլալ կը թուէին: Քաղաքը ինքնին առաջինն էր մրայլ տեղ մը ըլլալու ցուցակին վրայ. Լոնտոնցիներուն 55 տոկոսը կ'ըսեն թէ միայնակ են, համաձայն համաշխարհային հետազոտութեան, բաղդատած դրացի Բորդուկայի Լիզպօն քաղաքի (*Lisbon, Portugal*) բնակիչներուն 10 տոկոսին հետ:

Կապ մը ունենալու համար՝ Հօլլին հակադարձեց իր վախերուն եւ ստեղծեց ընկերային ցանցի խումբ մը, կոչուած՝ Լոնտոնի միայնակ աղջիկներու ակումբ եւ մօտ երեսունհինգ հազար միացան: Փոքր խումբերու հանդիպումները, որոնք տեղի կ'ունենային քանի մը շաբաթը անգամ մը, կ'առաջարկէին զբօսայգիներու զբօսախնձոյքներ, արուեստի դասեր, սովորչական սեմինարներ, ընթրիքներ եւ նոյնիսկ բացօդեայ մարզանք՝ ընտանի կենդանիներու հետ:

Միայնակութեան մարտահրաւէրը նոր չէ, ո՛չ ալ մեր մեկուսացումի զգացումներու Բուժիչը: Մեր յաւիտենական Աստուածը, գրեց Դաւիթ, «միայնակ եղողները ընտանիքի մէջ կը բնակեցնէ, կապուածները ազատ կ'արձակէ» (Սաղմ. 68. 6): Աստուծոյ խնդրել, որ մեզի մատնանչէ մեր ճամբան՝ դէպի Քրիստոսանման ընկերներու, սուրբ արտօնութիւն է, եւ հետեւաբար՝ խնդրանք, որ մենք կրնանք ազատօրէն դիմել իրեն: «Որբերուն հայրն ու այրիներուն դատաւորը Աստուած է իր սուրբ բնակավայրին մէջ» (Հմ. 5), աւելցուց Դաւիթ: «Օրհնեա՛լ ըլլայ Տէրը օրէ օր. երբ բեռնաւորուինք՝ Աստուած մեզ կը փրկէ» (Հմ. 19):

Ինչպէս բարեկամ է Տէրը: Ան մեզի յաւիտենական ընկերներ կը պարգեւէ՝ սկսած ամէն ատեն իր փառաւոր ներկայութենէն: Ինչպէս կ'ըսէ Հօլլին, «Ընկերոջ ժամանակը՝ լաւ է հոգիին համար»:

Աղօթք - Սիրելի Յիսուս, երբ սիրտս միայնակ կը գգայ, կը խնդրեմ ցոյց տուր ինծի լաւ ընկեր մը՝ սկսելով Քեզմէ: Ամէն:

Յիսուսի հետ մեր ունեցած բարեկամութիւնը՝ կը սորվեցնէ մեզի ուրիշներու համար յաւիտենական ընկեր ըլլալու մասին:

Ուստի եկո՛ւր հիմա, քեզ Փարաւոնին դրկեմ, որ իմ ժողովուրդս՝ Իսրայէլի որդիները՝ Եգիպտոսէն հանես: [Ել. 3. 10]

ԱԶԱՏՈՒԹԵԱՆ ԱՍՏՈՒԱԾԸ

Նախագահ Աբրահամ Լինքոլն (*Abraham Lincoln*) երկուք ու կէս տարիներ առաջ ստրկութեան մէջ եղող մարդոց ազատ արձակելու հրաման տուած էր: Դաշնակցային իշխանութիւնը ընդունած ու գործադրած էր, բայց Թէքսաս (*Texas*) նահանգը տակաւին չէր ճանչցած ստրուկներուն ազատ արձակուիլը: Սակայն, Յունիս 19, 1865-ին Միութեան բանակի սպարապետ Կորտըն Կրէյնճըր (*Gordon Granger*) գնաց Կալվըրսթըն, Թէքսաս (*Galverston, Texas*) եւ պահանջեց, որ բոլոր ստրկացած անձերը ազատ արձակուին: Պատկերացուցէ՛ք, թէ ի՛նչպիսի ցնցում ու ուրախութիւն տիրեց, երբ կապանքները ինկան եւ գերութեան մէջ գտնուողները լսեցին ազատութեան յայտարարութիւնը:

Աստուած կը տեսնէ ճնշուածները եւ Ան ի վերջոյ կը յայտարարէ անարդարութեան ծանրութեան տակ գտնուողներուն ազատութիւնը: Սա ճշմարիտ է հիմա, ինչպէս որ Մովսէսի օրերուն էր: Աստուած անոր յայտնուեցաւ այրող թուփին հրատապ ուղերձով. «Տեսայ Եգիպտոսի մէջ եղող ժողովուրդիս տառապանքը» (Ել. 3. 7): Աստուած ո՛չ միայն տեսաւ Եգիպտոսի դաժանութիւնը Իսրայէլի դէմ, այլ նաեւ ծրագրեց բան մը ընել: «Ուստի իջայ՝ զանոնք ազատելու Եգիպտացիներուն ձեռքէն, ու զանոնք բարձրացնելու այդ երկրէն դէպի լաւ եւ ընդարձակ երկիր մը» (Հմ. 8): Ան մտադիր էր ազատութիւն յայտարարելու Իսրայէլի, եւ Մովսէս պիտի ըլլար իր խօսափողը: «Ուստի եկո՛ւր հիմա, քեզ Փարաւոնին դրկեմ, որ իմ ժողովուրդս՝ Իսրայէլի որդիները՝ Եգիպտոսէն հանես» (Հմ. 10):

Աստուած կ'ազատէ մեզ բոլոր ստրկութենէն եւ անարդարութենէն: Ան յոյս ու ազատութիւն կու տայ բոլոր ճնշուածներուն:

Աղօթք - Սիրելի Աստուած, մեր աշխարհի պատմութեան մէջ այնքա՛ն շատ ճնշում կայ, որ հեշտ է յուսահատիլ: Կը խնդրեմ, օգնէ ինձի ներդաշնակ մնալ ազատութեան մասին յայտարարելու քու մտադրութեանդ: Ամէն:

Աստուած կ'աշխատի ճնշուածներուն օգնելու համար եւ կը հրաւիրէ մեզ՝ մասնակցելու այդ աշխատանքին:

Անոր գթութիւնը չի սպարին: Ամէն առտու կը վերանորոգուին: [Ողբ Եր. 3. 22-23]

ՆՈՐ ԵՒ ՈՐՈՇԱԿԻ

Երեք տարիներ, բացի տան կարիքներէն, Սուզըն (Susan) իրեն համար ոչինչ գնեց: Covid համաճարակը, ազդեց ընկերոջս եկամուտին եւ ան ընդունեց համեստ ապրելակերպ մը: «Օր մը, բնակարանս մաքրելու ատեն, նկատեցի թէ որքան մաշուած եւ հինցած տեսք ունին իմ ունեցած բաներս», ըսաւ ան: «Այդ ատեն սկսայ կարօտը ունենալ նոր եւ վերանորոգուած բաներ ունենալ՝ թարմութեան եւ գրգռութեան զգացումով: Երջապատս՝ յոգնած ու հինցած կը թուէր: Զգացի թէ ոչինչ կայ ակնկառոյց սպասելու»:

Սուզըն քաջալերութիւն գտաւ Աստուածաշունչի անհաւանական թուացող գիրքին մէջ: Երեմիայի կողմէ գրուած՝ Երուսաղէմը Բաբելոնի ձեռքը իյնալէն ետք, Երեմիայի Ողբը կը նկարագրէ մարգարէին եւ ժողովուրդին կրած վիշտին՝ բաց վէրքը: Սակայն վիշտի յուսահատութեան մէջ, յոյսի հաստատ հիմք մը կայ. Աստուծոյ սէրը: «Անոր գթութիւնը չի սպարին: Ամէն առտու կը վերանորոգուին» (3. 22-23):

Սուզան յիշեց, որ Աստուծոյ խոր սէրը՝ ամէն օր նորոգ կը թափանցէ: Երբ պարագաները կը ստիպեն մեզ զգալու, որ այլեւս անհամբեր սպասելու ոչինչ կայ, մենք կրնանք յիշել Անոր հաւատարմութիւնը եւ սպասել խոստումին, թէ ինչպէս Ան պիտի հոգայ մեզ: Մենք կրնանք վստահութեամբ յուսալ Աստուծոյ, գիտնալով որ մեր յոյսը երբէք ի գուր չէ (Հմ. 24-25), որովհետեւ ապահովուած է Անոր հաստատակամ կարեկցութեամբ եւ սիրով:

«Աստուծոյ սէրը՝ ամէն օր իմ «վերանորոգումս է», կ'ըսէ Սուզըն: «Ես կրնամ յոյսով նայիլ դէպի առաջ»:

Աղօթք - Սիրելի Դայր, փառք Զեզի, որովհետեւ ամէն օրը՝ իր հետ կը բերէ Զու որոշակի եւ հաստատուն սերդ: Ամէն: **Մեր դժուար իրավիճակներուն մէջ՝ չենք տեսներ որեւէ յոյս, սակայն Աստուծոյ սիրոյ խոստումը՝ որպէս «ամէն առտու վերանորոգում»՝ մեզի յոյս կը ներշնչէ:**

Եկէ՛ք ինձի, դուք բոլորդ որ կը յոգնիք ու բեռնաւորուած էք, եւ ես պիտի հանգստացնեմ ձեզ: [Մատթ. 11. 28]

ՀԱՆԳԻՍ ԳՏՆԵԼ ՅԻՍՈՒՍԻ ՄԷՁ

Անհանգիստ հոգին՝ երբէ՛ք չի բաւարարուիր հարստութեամբ եւ յաջողութիւններով: Այս ճշմարտութեան մասին կրնայ վկայել մահացած գաւարային երաժշտութեան տիտան մը: Անոր հրապարակած շուրջ քառասուն ձայնապնակները կ'երեւնան գաւարական երաժշտութեան ցուցակին բարձրագոյն դասին մէջ եւ նոյնպէս առանձիններուն մէջ: Բայց ան նաեւ ունեցած է բազմաթիւ ամուսնութիւններ եւ ժամանակ անցուցած է բանտի մէջ: Նոյնիսկ իր արձանագրած բոլոր նուաճումներուն մէջ, ան անգամ մը ողբաց ըսելով. «Անհանգստութիւն կայ հոգիիս մէջ, որ ես երբէ՛ք չեմ նուաճած. ո՛չ շարժումով, ո՛չ ամուսնութիւններով եւ ո՛չ ալ իմաստով ... Այդ տակաւին հոն է՝ որոջ չափով: Եւ հոն ալ պիտի ըլլայ՝ մինչեւ իմ մեռնելու օրս»: Դժբախտաբար՝ ան կրնար հանգստութիւն գտնել՝ իր կեանքը աւարտելէ առաջ:

Յիսուս կը հրաւիրէ բոլոր անոնց, ինչպէս այս երաժիշտին, որոնք յոգնած են մեղքի մէջ տանջուելէն եւ անոր հետեւանքով, անձամբ գալ Իրեն. «Եկէ՛ք ինձի», կ'ըսէ Ան (Մատթ. 11. 28): Երբ մենք փրկութիւն ստանանք Յիսուսով, Ան կը վերցնէ մեզմէ բեռները եւ «մեզ կը հանգստացնէ»: Միակ պահանջներն են հաւատալ Անոր եւ յետոյ սորվիլ Իրմէ, թէ ինչպէ՞ս ապրելու ենք այն առատ կեանքով, որ Ան կ'ապահովէ (Յովհ. 10. 10): Բրիստոսի աշակերտ ըլլալու լուծը վերցնելու արդիւնքը կ'ըլլայ՝ գտնել «հանգիստ մեծ հոգիներուն համար» (Մատթ. 11. 29):

Երբ մենք կու գանք Յիսուսի, Ան չի կրճատեր մեր Հաշուետուութիւնը Աստուծոյ առջեւ: Ան խաղաղութիւն կու տայ մեր անհանգիստ հոգիներուն՝ ապահովելով մեզ իր մէջ ապրելու նոր եւ նուազ ծանրաբեռ կեանքի ընթացք մը: Ան մեզի կու տայ իսկական հանգիստ:

Աղօթք - Սիրելի Յիսու՛ս, թող իմ անհանգիստ հոգին՝ խաղաղութիւն գտնէ ու հանգչի միայն Զու մէջդ: Ամէն:

Կարելի է որ մենք յոգնած ու ծանրաբեռնուած զգանք, սակայն Յիսուս կ'առաջարկէ ու կը խոստանայ մեզի հանգիստ ապրելու կարելիութիւնը:

Խորանը կանգնեցո՛ւր այն ձեւին համաձայն, որ
լերան վրայ քեզի ցոյց տրուեցաւ: [Ել 26. 30]

ՊԱՇՏԱՄՈՒՆՔԻ ՏՈՒՆ

Երբ երկրորդ Համաշխարհային Պատերազմի ատեն՝ Մեծն Բրիտանիոյ Կառավարական Պալատը ոմբակոծուեցաւ ու քանդուեցաւ, Վարչապետ Ուինսթըրն Չըրչիլը (Winston Churchill) ըսաւ Խորհրդարանին, որ անոնք պէտք է վերակառուցեն զայն՝ իր սկզբնական նախագիծին համաձայն: Նոր շէնքը՝ պէտք է փոքր ըլլայ, այնպէս մը՝ որ բանավէճերը ըլլան դէմ-առ-դէմ: Այդ պէտք է ըլլայ երկայնաձեւ ո՛չ թէ կիսաշրջանակաձեւ թոյլ տալով քաղաքական գործիչներուն «չարժելու սրահին կեդրոնը»: Այս ձեւը պահպանեց Բրիտանական կուսակցական Համակարգը, ուր ձախերը ու աջերը՝ դէմ առ դէմ կը կենան սրահին իւրաքանչիւր կողմը, պահանջելով զգուշ մտածել՝ նախքան միւս կողմ անցնիլը: Չըրչիլ եզրակացուց. «Մենք կը ձեւաւորենք մեր շէնքերը, իսկ յետոյ մեր շէնքերը կը ձեւաւորեն մեզ»:

Ելից գիրքին ութը գլուխները կու տան խորանի կառուցումին հրահանգներ (գլ. 24-31), եւս վեց գլուխներ՝ կը նկարագրեն թէ ինչպէս Իսրայէլ գործադրեց զանոնք (գլ. 35-40): Աստուած մտահոգ էր անոնց բաձրացնելիք պաշտամունքին մասին: Երբ մարդիկ մտան գաւիթը, փայլուն ոսկին եւ խորանի գունաւոր վարագոյրները շլացուցին զիրենք (26. 1, 31-37): Ողջակէզներու սեղանը (27. 1-8) եւ ջուրի աւազանը (30. 17-21) յիշեցուցին անոնց՝ իրենց ներուժին արժէքը: Խորանը կը պարունակէր աշտանակը (25. 31-40), հացի սեղանը (25. 23-30), խունկի գոհասեղանը (30. 1-6) եւ ուխտի տապանակը (25. 10-22): Իւրաքանչիւր առարկայ՝ մե՛ծ նշանակութիւն ունէր:

Աստուած մեզի չի տար մանրամասն հրահանգներ մեր պաշտամունքի տարածքին համար, ինչպէս Ան ըրաւ Իսրայէլի, սակայն մեր երկրպագութիւնը պակաս կենսական չէ: Մեր էութիւնը պէտք է ըլլայ խորան մը, որ առաձնացուած է Անոր համար, ուր Ան կը բնակի: Թող այն ամէնը, ինչ որ մենք կ'ընենք, յիշեցնէ մեզի, թէ ո՞վ է Ան եւ ի՞նչ կ'ընէ մեզի համար:

Աղօթք - Յայր, Դո՛ւն արժանի ես իմ լաւագոյն պաշտամունքին: Ամեն՝
**Մեր բարձրացուցած պաշտամունքը, կը սորվեցնէ՝ մեզի
հանդէպ Աստուծոյ ունեցած սիրոյ մասին:**

Պատուիրե՛ բարիք թող գործեն, բարի գործերով թող հարստանան, առատաձեռն եւ ուրիշին կարիքներուն հաղորդակից ըլլան: [Ա. Տիմ. 6. 18]

ՀԱՐՈՒՍ ԲԱՐԻ ԳՈՐԾԵՐՈՎ

Շ ուրջ եօթանասուր տարիներու տքնաջան աշխատանքէ ետք որպէս լուսցարարուհի՝ Օսիօլա ՄքՔարդին (Oseola McCarty) վերջապէս պատրաստ էր հանգստեան կոչուելու ութսունվեց տարեկանին: Ան բժախնդիր կերպով խնայած էր իր չնչին եկամուտը՝ բոլոր այդ տարիներուն ընթացքին եւ ի գարմանք իր համայնքին Օսիօլան 150,000 տոլար նուիրեց՝ մօտակայ համալսարանի կարիքաւոր ուսանողներուն համար կրթանպաստի հիմնադրամ ստեղծելու: Ոգեշնչուած անոր այս անձնուրաց նուէրէն՝ հարիւրաւոր մարդիկ նուիրեցին բաւարար չափով՝ եռապատկելու անոր նուիրատուութիւնը:

Օսիօլան հասկցաւ, որ իր հարստութեան իրական արժէքը ոչ թէ իր սեփական շահին համար օգտագործելն էր, այլ ուրիշներու օրհնելու մէջ էր: Պօղոս առաքեալ յորդորեց Տիմոթէոսի պատուիրել՝ այս աշխարհի մէջ եղած հարուստներուն որ «հարստանան բարի գործերով» (Ա. Տիմ. 6. 18): Մեզմէ իւրաքանչիւրին տրուած է հարստութիւն, որու տնտես ըլլալու ենք, ըլլայ այդ նիւթական միջոցներ կամ ալ կարելիութիւններ: Փոխանակ մեր կարելիութիւններուն վստահելու՝ Պօղոս կը զգուշացնէ մեզի՝ մեր յոյսը դնել միայն Աստուծոյ վրայ (Հմ. 17) եւ գանձեր դիզել երկինքի մէջ՝ ըլլալով «առատաձեռն եւ ուրիշներուն կարիքներուն հաղորդակից» (Հմ. 18):

Աստուծոյ տնտեսութեան մէջ՝ պահելը եւ առատաձեռն չըլլալը՝ միայն կ'առաջնորդէ դատարկութեան: Սէրէն մղուած ուրիշներուն տալը՝ գոհունակ զգալու ճամբան է: Ունենալ՝ թէ Աստուածապաշտութիւն եւ թէ գոհունակութիւն ինչպէ՞ս կը թուի մեզի համար, եթէ շոայլ ըլլանք կարելիութիւններով, ինչպէս որ Օսիօլան էր: Եկէ՛ք այսօր ձգտինք հարուստ ըլլալ բարի գործերով, ինչպէս Աստուած կ'առաջնորդէ մեզ:

Աղօթք - Հայր Աստուած, շնորհակալ եմ իմ ունեցած կարելիութիւններուս համար: Այսօր այդ բոլորը կը յանձնեմ Զեգի: Ամէն:
Առատաձեռն ըլլալու հնարաւորութիւնը ունինք, եթէ պատրաստ ենք մեր ունեցածները ուրիշներու հետ բաժնեկցելու գոհունակութիւնը ունենալու:

Մի՛ վախնաք. որովհետև Աստուած եկաւ ձեզ փորձարկելու, որպէսզի անոր վախը ձեր առջեւ ըլլայ ու չմեղանչէք: [Ել. 20. 20]

ԱՍՏՈՒԾՈՅ ԱՎՆԱԾԱՆՔՈՎ

Երկիւղը՝ (*phobia*) կը սահմանուի որպէս «անիմաստ վախ» որոշ բաներէ՛ իրավիճակներէ: Ոստայներկիւղը՝ (*arachnophobia*) սարդերէն վախնալ է (հակառակ անոր որ ոմանք կրնան պնդել թէ իմաստալից բան մըն է վախնալ սարդերէն): Ապա կա՛ն այլ տեսակի երկիւղներ՝ գնդաերկիւղ (*globophobia*) եւ տուրմաերկիւղ (*xocolatophobia*): Ասոնք եւ մօտ չորս հարիւր տարբեր տեսակի երկիւղներ, իրական են եւ փաստարկուած: Կը թուի թէ մենք կրնանք ամէն ինչէ վախնալ:

Աստուածաշունչը կը պատմէ Իսրայէլացիներուն վախին մասին՝ Տասը Պատուիրանները ստանալէ ետք. «Ամբողջ ժողովուրդը տեսաւ որոտումները, շանթերը, ցնցուեցաւ ու հեռու կայնեցաւ» (Ել. 20. 18): Մովսէս մխիթարեց անոնց՝ առաջարկելով այս ամենէն հետաքրքրական արտայայտութիւնը. «Մի՛ վախնաք. որովհետև Աստուած եկաւ ձեզ փորձարկելու, որպէսզի անոր վախը ձեր առջեւ ըլլայ ու չմեղանչէք» (Հմ. 20): Կարծէք՝ Մովսէս կը հակասէր ինքն իրեն. «Մի՛ վախնաք, բայց վախցէ՛ք»: Իրականութեան մէջ, Եբրայերէնով «վախ» բառը կը պարունակէ առնուազն երկու իմաստ՝ բանի մը հանդէպ զողոճողուն սարսափ կամ Աստուծոյ հանդէպ յարգալիբ ակնածանք:

Մենք կրնանք ծիծաղիլ՝ գիտնալով որ գնդաերկիւղը (*globophobician*) վախ է փուչիկէն, իսկ տուրմաերկիւղը (*xocolatophobia*) վախ է տուրմէն (չոքոլա): Երկիւղներու հետ կապուած աւելի լուրջ եզրակացութիւնը այն է, որ մենք կրնանք վախնալ ամէն տեսակի բաներէ: Վախերը սարդերու պէս կը մտնեն մեր կեանքը եւ աշխարհը կրնայ սարսափելի տեղ մը ըլլալ մեզի համար: Երբ կը պայքարինք երկիւղներու եւ վախերու դէմ, լաւ է՝ որ մենք մեզի յիշեցնենք, թէ Աստուած ահաւելի Աստուած է, որ կ'առաջարկէ մեզ իր ներկայութեան մխիթարութիւնը խաւարի մէջ:

Աղօթք - Սիրելի Աստուած, ես շատ բաներէ կը վախնամ: Մխիթարէ՛ զիս եւ օգնէ ինձի որ հանգստանամ Զու սիրոյդ մէջ: Ամէն:

Կրնայ ըլլալ որ մենք շատ բաներէ կը վախնանք, սակայն Աստուծոյ սերը կ'օգնէ մեզի յաղթահարելու ատեն:

Զեմ դադրիր շնորհակալ ըլլալէ ձեզի համար՝ յիշելով ձեզ իմ աղօթքներուս մէջ: [Եփ. 1. 16]

ԽՈՆԱՐՅ ԵՕՐՆ

Անոնք չէին կարծեր, որ Եօրն՝ (Jorn) հող մշակող վարձակալը, շատ բան կրնայ ունենալ: Սակայն հակառակ իր տկար տեսողութեան եւ ֆիզիքական այլ սահմանափակումներու, ան իր անձը նուիրեց Նորվէկիայի իր գիւղի բնակիչներուն համար՝ աղօթելով բազմաթիւ գիշերներ, երբ ցաւը զինք արթուն կը պահէր: Աղօթքի ժամանակ ան կը տեղափոխուէր տունէ տուն՝ իւրաքանչիւր անձ անուանելով անհատապէս իր աղօթքին մէջ, նոյնիսկ այն երեխաները, որոնց տակաւին չէր հանդիպած: Մարդիկ կը սիրէին անոր մեղմ հոգին եւ կը խնդրէին անոր իմաստութիւնն ու խորհուրդը: Եթէ ան չկարենար գործնականին մէջ օգնել անոնց, անոնք տակաւին օրհնուած կը զգային, երբ հեռանային՝ ստանալով անոր սէրը: Եւ երբ Եօրն մեռաւ, անոր յուղարկաւորութիւնը ամենամեծն էր այդ համայնքին մէջ, թէեւ ան այնտեղ ընտանիք չունէր: Անոր աղօթքները ծաղկեցան եւ աւելի պտուղ տուին, քան ինք կրնար պատկերացնել:

Այս խոնարհ մարդը հետեւեցաւ Պօղոս առաքեալի օրինակին, որ կը սիրէր անոնց, որոնց կը ծառայէր եւ կ'աղօթէր անոնց համար իր սահմանափակուած վիճակին մէջ: Ան գրեց Եփեսոսի մէջ գտնուող հաւատացեալներուն, երբ հաւանաբար բանտարկուած էր Հռոմի մէջ՝ աղօթելով, որ Աստուած տայ անոնց «իմաստութեան եւ յայտնութեան Հոգին» եւ անոնց սիրտին աչքերը «լուսաւորուին» (Եփ. 1. 17-18): Ան կը փափաքէր, որ անոնք ճանչնան Յիսուսի եւ ապրին սիրով եւ միասնութեամբ՝ Հոգիին զօրութիւնով:

Եօրն եւ Պօղոս առաքեալ իրենք զիրենք տուին Աստուծոյ՝ աղօթքով Անոր յանձնելով անոնց, որոնց կը սիրէին եւ ծառայեցին Անոր: Թերեւս մենք կրնանք նկատի առնել անոնց օրինակը թէ ինչպէս կարելի է սիրել եւ ծառայել ուրիշներու այսօր:

Աղօթք - Տեր Յիսուս, Դուն ծառայեցիր ուրիշներուն եւ անոնց կարիքները դիրք առաջին տեղը: Կը ինդրեմ, օգնէ ինձի՝ որ ամէն օր սիրեմ եւ ուրախութեամբ ծառայեմ Զեզի: Ամէն:

Աղօթքի մարտիկները՝ կ'արտացոլացնեն Քրիստոսի սերը:

Քու ամուսինիդ մեռնելէն ետք ինչ որ կետուրիդ ըրիր՝ բոլորն ալ պատմեցին ինծի: [Յո. 2. 11]

ԻՐԱՐՍԷ ՍՈՐՎԻԼ

Զուամբ (Zoom) հասանելի հաղորդակցութեան միջոց մը ըլլալէ տարիներ առաջ, ընկերուհի մը խնդրեց ինձմէ միանալ իրեն տեսազանգով (video call) քննարկելու համար ծրագիր մը: Ե-նամականերուս ձայնին միջոցով ան հասկցաւ, որ ես շփոթած եմ, ուստի առաջարկեց՝ գտնել դեռահաս պատանի կամ պատանուհի մը, որ օգնէ ինծի հասկնալու թէ ինչպէս կարելի է տեսազանգը պատրաստել:

Անոր առաջարկը կը մատնանշէ՝ միջսերունդներու յարաբերութիւններու արժէքը: Բան մը որ կարելի է նկատել Հռութի եւ Նոյեմիի պատմութեան մէջ: Հռութ՝ յաճախ կը նշուի որպէս հաւատարիմ հարս մը, որ որոշեց ձգել իր երկիրը եւ Նոյեմիի հետ Բեթլեհէմ վերադառնալ (Հո. 1. 16-17): Երբ անոնք հասան քաղաք. կրտսեր կինը ըսաւ Նոյեմիին. «Կ'աղբսեմ, արտերը երթամ ու հասկեր քաղեմ անոր ետեւէն՝ որուն աչքերուն առջեւ շնորհք պիտի գտնեմ» (2. 2): Ան օգնեց տարեց կնոջ, որ ետքը իր կարգին օգնեց կրտսեր կնոջ՝ ամուսնանալու Բոոսի հետ: Հռութին տրուած Նոյեմիի խորհուրդը՝ դրդեց Բոոսին քայլեր ձեռնարկել՝ գնելու իր մահացած խնամիներուն ունեցածը եւ առնել Հռութը «որպէս իր կինը» (4. 9-10):

Մենք կը յարգենք անոնց խորհուրդները, որոնք իրենց փորձուած իմաստութիւնը կը բաժնեկցին երիտասարդ սերունդներուն հետ: Բայց Հռութ եւ Նոյեմի՝ մեզի կը յիշեցնեն որ փոխանակումը կրնայ ընթանալ երկու ճանապարհով: Սորվելիք բան մը կայ մեզմէ փոքրերէն, ինչպէս նաեւ անոնցմէ, որոնք մեծ են: Եկէ՛ք ձգտինք զարգացնելու սէր եւ հաւատարիմ միջսերունդներու յարաբերութիւններ: Այդ կ'օրհնէ մեզ եւ ուրիշները. եւ կ'օգնէ մեզի՝ սորվելու բան մը՝ որ չենք գիտեր:

Աղօթք - Յայր, փառք Զեզի երիտասարդներուն եւ տարեցներուն մէջ յայտնաբերուած իմաստութեան համար: Սորվեցո՛ւր ինծի՝ գնահատել եւ արժեւորել միջսերունդներու փոխանակումները: Ամէն:

Ի՞նչ սորված ենք երիտասարդներէն եւ ինչպէ՞ս կրնանք աւելի լաւ կերպով կապուիլ անոնց:

Իսկ հիմա կը բաղձան լաւագոյն հայրենիքի մը,
այսինքն՝ երկնայինին: [Եբ. 11. 16]

ԿԵԱՆՔԻ ՈՒՍՏԱԳՆԱՑՈՒԹԻՒՆԸ

Տարբեր դաւանանքներէ՝ աւելի քան երկու հարիւր միլիոն մարդեր ամէն տարի ուխտագնացութիւն կը կատարեն: Դարերու ընթացքին՝ շատերու համար ուխտաւորին պարտականութիւնը եղած է՝ ճամբորդել՝ դէպի սուրբ վայր մը՝ օրհնութիւն ստանալու համար: Ամէնը կապուած է՝ հասնելու տաճար մը, սրբավայր մը կամ տեղ մը, ուր կարելի է օրհնութիւն ստանալ:

Սակայն՝ Մեծն Բրիտանիոյ Կելտական (Celtic) քրիստոնեաները այլ կերպ տեսան ուխտագնացութիւնը: Անոնք շարժեցան առանց որոշ ուղղութեան դէպի բնութիւնը, կամ թոյլ տուին՝ որ իրենց նաւերը քշուին ուր որ ովկիանոսի հովերը զիրենք տանին: Իրենց համար ուխտագնացութիւնը՝ Աստուծոյ վստահիչ էր՝ անձանօթ տարածքի մէջ: Որեւէ օրհնութիւն կը գտնուէր ո՛չ թէ նպատակակէտի մը մէջ, այլ ճանապարհի ընթացքին:

Երբայեցիս 11-ը կարեւոր հատուած էր Կելտերուն համար: Քանի որ Քրիստոսով կեանքը՝ աշխահի ուղիները ձգել եւ օտարներու պէս քայլել էր դէպի Աստուծոյ քաղաքը (Հմ. 13-16), ուխտագնացութիւնը արձագանգեց իրենց կեանքի ճանապարհը: Վստահելով Աստուծոյ, որ կ'ապահովէ իրենց դժուարին, չյաճախուած ճանապարհով, ուխտաւորը աճեցուց այն հաւատքի այն տեսակը, որ ապրեցան հին օրերու հերոսները (Հմ. 1-12):

Սորովելիք ի՛նչ մեծ դաս է՝ անկախ անկէ թէ մենք ֆիզիքապէս կը ճամբորդենք՝ թէ ո՛չ. անոնց համար, որոնք վստահած են Յիսուսի, կեանքը ուխտագնացութիւն մըն է՝ դէպի Աստուծոյ դրախտային երկիրը՝ որ լի է փորձութիւններով, փակուղիներով եւ մութ անտառներով: Մինչ կը ճամբորդենք, թող չփախցնենք Աստուծոյ նախախնամութիւնը զգալու օրհնութիւնը՝ ճամբուն վրայ:

Աղօթք - Սիրելի Յայր, շնորհակալ եմ, որ ցոյց տուիր ինձի որ կեանքի փորձութիւնները հնարաւորութիւններ են ինձի համար՝ աւելի խոր հաւատք զարգացնելու քեզի հանդէպ: Ամեն:
Բաց ըլլանք Աստուծոյ ճանապարհներուն՝ Իր պարգեւները ստանալու համար, յիշելով որ աշխարհը մեր իսկական տունը չէ:

Անապատը՝ ջուրի լիճի պիտի վերածեմ, եւ անջրդի երկիրը՝ ջուրի ակերու: [Ես. 41. 18]

ՀԱԲԱՏՔԻ ԱՊԱԳԱՅ ՄԸ՝ ՏԵՍՆԵԼ

2005 թուականի՝ Գազրինա (Katrina) փոթորիկին աւերածութենէն յետոյ, Նոր Օրլինզը (New Orleans) աշխատեցաւ կամաց-կամաց վերականուցանել: Ամենէն աւելի վնասուած շրջաններէն մէկը՝ Վարի Իններոզ Թաղամասն էր, ուր Գաթրինայէն տարիներ ետք շարունակ բնակիչները հունէին հիմնական կարիքներուն հասնելու կարելիութիւնը: Պրընըլլ Գօթլըն (Burnell Cotlon) աշխատեցաւ փոխել այդ: Նոյեմբեր 2014-ին՝ ան բացաւ առաջին մթերքի խանութը՝ Վարի Իններոզ Թաղամասին մէջ: «Երբ ես գնեցի շէնքը, բոլորը կը կարծէին, որ խելագար եմ», կը յիշէ Գօթլըն: Բայց «առաջին յաճախորդը յուզուեցաւ եւ լացաւ, որովհետեւ երբէք չէր խորհեր թէ թաղամասը կը վերադառնայ»: Անոր մայրը ըսաւ, որ իր որդին «տեսաւ մէկ բան, որ ես չտեսայ: Ես ուրախ եմ՝ որ ան յանձն առաւ այդ առիթը»:

Աստուած Եսայի մարգարէին հնարաւորութիւն տուաւ տեսնելու յոյսի անսպասելի ապագան՝ աւերածութիւններու դիմաց: Տեսնելով, որ «դժբախտները ու աղքատները ջուր կը փնտռէին, բայց չկար» (Ես. 41. 17), Աստուած խոստացաւ «անապատը՝ ջուրի լիճի վերածել, եւ անջրդի երկիրը՝ ջուրի ակերու» (Հմ. 18): Երբ սովի եւ ծարաւի փոխարէն Անոր ժողովուրդը եւս մէկ անգամ ծաղկէ՛ր, անոնք պիտի իմանային, որ «ասիկա Տէրոջը ձեռքը ըրաւ» (Հմ. 20):

Ան տակաւին վերականգնումի հեղինակն է, որ կը կերտէ ապագան, երբ «արարածները իրե՛նք ալ, կ'ազատուին ապականութեան ստրկութենէն» (Հռոմ. 8. 21): Երբ մենք կը վստահինք Անոր բարութեան, Ան կ'օգնէ մեզի տեսնելու ապագան, ուր յոյսը հնարաւոր է:

Աղօթք - Վերականգնող Աստուած, կը խնդրեմ՝ օգնէ՛ ինձի կեանքովս վկայելու Զու մէջդ յայտնաբերուած յոյսին եւ Զու բերած ապագային մասին: Ամէն:
Երբ ականատես ըլլանք աւերածութենէ ետք՝ Աստուծոյ ըրած վերականգնումին, փորձե՛նք այդ աշխատանքին մէկ մասը ըլլալ:

Տերոջ սիրելին իր քով ապահովութեամբ պիտի
ապրի: [Բ. Օր. 33. 12]

ԴՈՒՆ ՍԻՐԵԼԻ ԵՍ

Իր տխրութիւնը արտայայտելու համար, Ալլին (*Allie*)՝ երիտասարդ աղջիկ մը, փայտի կտորի մը վրայ գրեց հետեւեալը եւ դրաւ զբօսայգիի մը մէջ. «Անկեղծ ըսած, ես տխուր եմ: Ո՛չ մէկը, երբէ՛ք չուզեր ինծի հետ շփուիլ եւ ես կորսնցուցի միակ մարդուն, որ կը լսէ: Ես ամէն օր կու լամ»:

Երբ մէկը գտաւ այդ գրութիւնը, մայթի կաւիճ բերաւ զբօսայգին եւ խնդրեց մարդոցմէ գրել իրենց միտքերը Ալլիին: Տասնեակ աջակցութեան խօսքեր ձգեցին մօտակայ դպրոցի մը աշակերտները. «Մենք կը սիրենք քեզ»: «Աստուած կը սիրէ քեզ»: «Դուն սիրելի ես»: Դպրոցի տնօրէնը ըսաւ. «Մա՛ փոքր միջոց մըն է, որով մենք կրնանք ձեռք երկարել եւ գուցէ՛ օգնել՝ որ անոր դատարկութիւնը լեցնենք: Ալլին կը ներկայացնէ մեզ բոլորս, քանի որ ժամանակին՝ տեղ մը մենք բոլորս ալ պահ մը տխրութիւն եւ տառապանք ապրելու զգացումը ունեցած ենք»:

«Դուն սիրելի ես» արտայայտութիւնը՝ ինծի կը յիշեցնէ Մովսէսի գեղեցիկ օրհնութիւնը Իսրայէլի Բենիամինի ցեղին ուղղուած՝ իր մահէն անմիջապէս առաջ. «Տէրոջ սիրելին իր քով ապահովութեամբ պիտի ապրի» (Բ. Օր. 33. 12): Մովսէս ուժեղ առաջնորդ մըն էր Աստուծոյ համար՝ որ յաղթեց թշնամի ազգերուն, ստացաւ Տասը Պատուիրանները եւ կոչ ըրաւ անոնց, որ հետեւին Աստուծոյ: Ան տուաւ անոնց Աստուծոյ տեսակէտը իրենց մասին: Սիրելի բառը՝ կրնայ օգտագործուիլ նաեւ մեզի համար ալ, քանի որ Յիսուս ըսաւ. «Աստուած այնպէս սիրեց աշխարհը, որ մինչեւ անգամ տուաւ իր միածին Որդին» (Յովհ. 3. 16):

Քանի որ Աստուած կ'օգնէ մեզի ապահով կերպով հանգստանալու այն ճշմարտութեան մէջ, որ Յիսուսի հաւատացող իւրաքանչիւր հաւատացեալ «սիրելի է», մենք կրնանք ձգտիլ սիրել ուրիշներուն, ինչպէս ըրին Ալլիի նոր ընկերները:

Աղօթք - Սիրելի Դա՛յր, թող ես վստահ ըլլամ՝ ինծի հանդէպ Քու ունեցած սիրոյդ համար եւ տարածեմ զայն իմ շրջապատիս: Ամէն:

Սորվինք ապահով կերպով հանգչիլ Աստուծոյ սիրոյն մէջ եւ բաժնեկցինք զայն ուրիշներու հետ:

Քու ի՞նչ հոգո՞ւ է դուս հետեւէ՛ ինծի: [Յովհ. 21. 22]

Ի՞ՆՉ Է ԱՅԴ ՔԵԶԻ ՅԱՄԱՐ

«*Ինչո՞ւ ես կը ստանամ ելակի շաքարը, երբ ան ունի խաղողինը*». հարցուց վեց տարեկան եղբորաղջիկս: Եղբորաղջիկներս ու եղբորորդիներս ինծի սորվեցուցած են, որ երեխաները յաճախ կը համեմատեն իրենց տրուածը՝ ուրիշներուն տրուածին հետ: Սա՛ կը նշանակէ, որ որպէս խնամանատար հօրաքոյր՝ աւելի լաւ դատողութիւն ցուցաբերեմ:

Ես ալ նոյնպէս երբեմն կը համեմատեմ Աստուծոյ ինծի տուած բաները, ուրիշներու տուածին հետ: «Ինչո՞ւ ես ունիմ այս, իսկ ան՝ այն», կը հարցնեմ Աստուծոյ: Սիմոն Պետրոս ալ նման բան մը հարցուց Յիսուսի Գալիլիա ծովուն մօտ: Յիսուս տակաւին նոր վերականգնած ու ներում շնորհած էր Պետրոսի, զինք նախապէս ուրանալուն համար եւ հիմա կ'ըսէր անոր, որ փառաւորելու է Աստուծոյ մեռնելով նահատակի մահով (Յովհ. 21. 15-19): Սակայն Պետրոս՝ Յիսուսի այո՛ պատասխանելու փոխարէն՝ Իրեն հետեւելու հրաւէրին, հարցուց Յովհաննէսի համար. «Տէ՛ր, հապա ասիկա՛ ի՞նչ պիտի ըլլայ» (հմ. 21):

Յիսուս պատասխանեց. «Քու ի՞նչ հոգո՞ւ է» եւ աւելցուց. «Դուն հետեւէ՛ ինծի» (հմ. 22): Ես կը հաւատամ, որ Յիսուս նոյնը կ'ըսէ մեզի: Երբ Ան արդէն ուղղութիւն տուած է կեանքի որեւէ ոլորտին մէջ, Ան կը ցանկայ ունենալ մեր վստահութիւնը: Մենք պէտք չէ համեմատենք մեր ուղին ուրիշներու ուղիին հետ՝ այլ պարզապէս պէտք է հետեւինք Իրեն:

Աւելի քան երեսուն տարիներ, Պետրոս առաքեալ հետեւեցաւ Աստուծոյ, որպէս առաջին եկեղեցիին խիղախ առաջնորդ: Ըստ պատմութեան, ան անվախ ընդունեց մահը՝ չար Ներոն կայսրին օրով: Թո՛ղ որ մենք ալ նոյնպէս ըլլանք հաստատուն եւ առանց արարկելու՝ Աստուծոյ հետեւինք, վստահելով Անոր սիրոյն եւ առաջնորդութեան:

Աղօթք - Սիրելի Յիսուս, կը խնդրեմ՝ օգնէ ինծի վստահելու եւ հետեւելու Քեզի: Ամէն:

Մենք յաճախ կը փորձուինք մեր վիճակը համեմատել ուրիշներու հետ ու հարց տալ Աստուծոյ, մինչ մեր կոչումը ըլլալու է Աստուծոյ հետեւի:

ՑԱՆԿ ՆԻԻԹՈՑ

Ազդել Մարդոց	Ապ. 8, 12
Ակնածութիւն առ Աստուած	Մայ. 16
Աղօթք	Ապ. 29, Մայ. 3, 18, Յուն. 25
Աշակերտութիւն	Մայ. 13
Առատածեռնութիւն	Յուն. 2, 7, 9, 17, 23
Աստուածաշունչ՝ Վարդապետութիւն	Մայ. 31
Աստուծոյ Նկարագիրը	Մայ. 20
Աստուծոյ Սէրն ու Հոգատարութիւնը	Ապ. 4, 18, 25, 30 Մայ. 2, 20, 24, Յուն. 5, 12, 20, 24
Աստուծոյ Սպասել	Մայ. 20
Աստուծոյ Վստահիլ ...	Ապ. 25, Մայ. 3, 4, 14, 18, Յուն. 4, 14, 27
Արդարութիւն	Ապ. 8, Յունիս 19
Աւետարանչութեան Աստուածաբանութիւնը	Մայ. 19
Աւետարանչութիւն	Ապ. 12, Մայ. 25, Յուն. 10
Բազմամշակոյթ	Մայ. 26, Յուն. 19
Բարեկամութիւն	Յուն. 18
Գոհունակութիւն	Ապ. 23
Գութ	Ապ. 8, 12
Դատել	Յուն. 30
Դրախտ	Ապ. 15, Մայ. 17, 27, Յուն. 11
Եկեղեցի՝ Մասնակցութիւն	Ապ. 26
Իմաստութիւն	Ապ. 21, Մայ. 11, 18, Յուն. 26
Ծառայել	Մայ. 7, 21
Կռապաշտութիւն	Յուն. 8
Համայնք	Ապ. 1, 2, 8, 15, 22, 24, 26, Յուն. 25, 26
Հաշտութիւն	Մայ. 21
Հաւատք՝ Յաղթանակ	Ապ. 24
Հաւատքի Պատմութիւններ	Մայ. 12
Հնազանդութիւն	Ապ. 16, 23
Հոգեկան Աճում	Ապ. 6, 9, Մայ. 6, 11, 24, Յուն. 5

Հոգիին Առաջնորդութիւնը.....	Մայ. 30, Յուն. 15
Հոգեկան Կարգապահութիւն.....	Ապ. 27
Հոգեկան Պատերազմ ..	Ապ. 18, 28, 29, Մայ. 1, 8, 15, 22, 27
Հոգիին Պտուղները.....	Յուն. 29, Սարտ 27
Մատակարարութիւն.....	Մայ. 9, Յուն. 7, 9, 17
Մեղք.....	Յուն. 16
Մեղքերու թողութիւն.....	Յուն. 3
Մենակութիւն.....	Յուն. 18
Մտահոգութիւն.....	Ապ. 14, 27
Յարաբերութիւններ.....	Ապ. 30, Մայ. 29
Յոյս.....	Ապ. 10, 12, 13 Մայ. 14, 26, 27, Յուն. 20
Ներել Ուրիշներու.....	Մայ. 21, Յուն. 8
Շնորհակալութիւն.....	Ապ. 7, Յուն. 6
Որոշում Կայացնել.....	Ապ. 17, 21, Մայ. 11, 31,
Ուրիշ Հաւատացեալներու հետ Ապրիլ.....	Ապ. 1, 22, 30
Պաշտամունք.....	Ապ. 11, 19, Մայ. 23, 28, Յուն. 22
Սեր՝ Ուրիշներու.....	Ապ. 2, 30, Մայ. 6, Յուն. 29
Ստեղծագործութիւն.....	Ապ. 11, 13, Մայ. 2, 9, 16, 23, Յուն. 12, 28
Սրբութիւն.....	Յուն. 1, 8, 15, 23
Վախ.....	Ապ. 14, Յուն. 4, 24
Տառապանք.....	Ապ. 12, 13, Մայ. 26, Յուն. 10, 14
Փրկութիւն.....	Ապ. 5, 10, Մայ. 10, Յուն. 3, 11, 16, 21, 29
Փորձութիւն.....	Ապ. 7, Յուն. 6
Բաղաքացիութիւն.....	Ապ. 2, 9, 16, 23
Բաջալերութիւն.....	Ապ. 4, 26, Մայ. 5, 29
Բրիստոս՝ Անձ/Գործ.....	Ապ. 6, Յուն. 6
Բրիստոս՝ Վերադարձ.....	Յուն. 13, 28
Բրիստոսի Հետ Միութիւն.....	Ապ. 5, 13, Մայ. 5, Յուն. 21
Բրիստոսի Համար Ապրիլ.....	Ապ. 17, Մայ. 7, 13, Յուն. 30
Բրիստոսի Նման Ապրիլ.....	Ապ. 3, 16, 23

ԿԱՐԵԻՈՐ ԱԶԴ

Եթէ կը ճանչնաք անձեր, որոնք պիտի փափաքին այս գրքոյկին յաջորդ թիւերը ունենալ կրնաք անոնց անունները ու հասցէները գրել վարի կտրօնին վրայ եւ դրկել հետեւեալ հասցէներէն մէկուն.-

Սփիւռքի հասցէ՝
Armenian Missionary Association
31 West Century Road
Paramus, NJ 07652
Tel. 201.265.2607 - E-mail: info@amaa.org

Հայաստան եւ Կովկասեան երկիրներ դիմել՝
Հայ Աւետարանչական Ընկերակցութիւն
Բաղրամեան Փողոց, Թիւ 18
Երեւան, Հայաստան
հեռ. (374-10) 54-35-76

Name/Անուն.....

Address/Հասցէ.....
.....

Tel./Հեռ.....
.....

Name/Անուն.....

Address/Հասցէ.....
.....

Tel./Հեռ.....